

Nunani allamiut pillugit inatsisip Kalaallit Nunaanni atortussanngortinneqarnera pillugu peqqussummik nalunaarut

Matumuuna Nunanut allamiut pillugit inatsisip, peqqussut nr. 759, 12. juni 2023-meersumi allannguutit malittaasut ilanngullugit, Kalaallit Nunaannut atortussanngortinneqarnera pillugu peqqussut nr. 150, 23. februar 2001-meersoq nalunaarutigineqarpoq.

Kapitali 1

Nunani allamiut isernerat uninnganerallu

§ 1. Finlandimi, Islandimi, Norgimi Sverigemilu naalagaaffimmi innuttaasut akuersisummik peqarnatik Kalaallit Nunaannut isersinnaallunillu najugaqarsinnaapput.

§ 2. (Kalaallit Nunaannut atortussanngortinneqanngilaq)

§ 2 a. Schengenimi isumaqatigiissut inatsimmi uani ataatsimut killeqarfinni nakkutilliinerup atorunnaarsikkiartornerannik kingorna allannguutitalimmik, Schengenimik isumaqatigiissutip ulloq 14. juni 1985-meersoq pineqarpoq.

Imm. 2. Inatsimmi uani nunatut Schenentitut paasineqassapput Schenenimut isumaqatigiissummut ilannguttut. Taamaattoq Bulgaria, Cypeni, Kroatia Rumænialu §§ 3 aamma 4, § 19, imm. 5, Kapitali 4a, § 28, imm. 1, nr. 6, § 38, imm. 1-3, § 39, imm3, uniffiit aappaat, § 58f aamma § 59, imm. 1, nr. 1. naapertorlugit. Cypen aamma Kroatia ilanngullugu § 10, imm. 2, nr., § 19, imm. 4, § 58 g aamma § 58 h tunngatillugu nunatut Schengenitut isigineqanngillat.

Imm.3. Schengenimut malittarisassatut inatsimmi uani inuit killeqarinni isersinnaanerannik (Schengenip killeqarfiini malittarisassat) kingusinnerusukkut allannguutitalinnik ataatsimut malittarisassanik atulersitsineq pineqarpoq.

Imm.4. Europa-Parlamentip Ráillu visuminut ataatsimut malittarisassaanni (visuminut malittarisassat) kingusinnerusukkut allanngortinneqartuni aalajangersakkat Kalaallit Nunaanni atuupput.

Imm.5. Nunanut allanut akuulersitsinermullu ministeri inuup nunani allamiup Kalaallit Nunaannut visumimik qinnuteqartup inuup assinganik assaasalu ipaannik ilanngussinissamut malittarisassiorsinnaavoq.

Imm.6. Eurpa-Parlamentip Rådillu Visumimik paasissutissiisarnermik aaqqissuussinerat pillugu peqqussutaanni (VIS) aalajangersakkat naalagaaffiillu ilaasortat akoranni sivikitsumik uninnganissamut visit pilljugit naalagaaffiit ilaasortat akunneranni paasissutissanik paarlaateqatigiittarneq (VIS-peqqussut) kingusinnerusukkut allannguutitalik, Kalaallit Nunaanni atuuppoq.

Imm.7. Naalagaaffinni ilaasortani oqartussani toqqakkani Europolimilu pinaveersaartitsinerit, paasineqarnerit pinngitsunillu saassusinernik paasiniaanerit allallu sakkortuumik iliuutsit pineqaatissiisutaasinnaasut siunertaralugit visumimik paasissutissiisarnermik atortorissaarummi (VIS) ujarlernissamut periarfissanik Rådip aalajangiinera, Kalaallit Nunaanni atuuppoq.

§ 2 b. (Kalaallit Nunaannut atortussanngortinneqanngilaq)

Imm.2. (Kalaallit Nunaannut atortussanngortinneqanngilaq)

Imm.3. (Kalaallit Nunaannut atortussanngortinneqanngilaq)

Imm.4. Nunani allamiut najugaqarsinnaanermut akuersissutillit imaluunniit uterlutik angalasinnaanermut akuersissummik Danmarkimit nunamilluunniit Schengenimut ilaasumik tunniunneqartumik pigisaqartut, imaluunniit ullunit 90-nit sivilisunerusumik uninngasinnaanermut visumillit atuuffia Danmarkimut imaluunniit nunamut allamut Schengenimut ilaasumut killilerneqartoq (piffissami sivilisuumi visa), Schengenimi killeqarfinnik malittarisassani artikili 6, imm. 5, litra a malillugu taamaallaat patsiseqavissumik uninngasinnaallutik Kalaallit Nunaat aqqusaarlugu angalasinnaatitaapput.

§ 3. Nunani allamiut malittarisassat § 39, imm. 2-mi aalajangersarneqartut malillugit, visumimut ilaatinneqanngitsut, Kalaallit Nunaannut iserlutillu isernermit qaammatit pingasut angullugit najugaqarsinnaapput. Taamaattoq piffissami tassani piffissaq nunani allamiup qaammatini arfinilinni kingullerni Kalaallit Nunaanni imaluunniit Savalimmiuni, Danmarkimi imaluunniit nunani avannarlerni nunami allami najugaqarsimanera ilanngaatineqassaaq. Taamaattoq nunani allamioq Savalimmiuni, Danmarkimi, imaluunniit nunat avannarliit ilaanni allami najugaqarsinnaanermut akuersissuteqarpat, piffissaq nunani allamiup qaammatini kingullerni arfinilinni Kalaallit Nunaanniiffigisimasaa taamaallaat ilanngaatineqassaaq. Piffissaq nunani allamiup imm. 1.-3. malillugu visumeqarnissamik ilaatinneqanngiffigissaa, pisuni immikkut ittuni qaammatit pingasut angullugit sivitsorneqarsinnaavoq.

§ 3 a. (Kalaallit Nunaannut atortussanngortinneqanngilaq)

§ 4. Nunani allamiut allat Kalaallit Nunaannut isernissamut najugaqarnissamullu, Kalaallit Nunaannut visumeqassapput. Tamanna aamma nunani allamiunut, Kalaallit Nunaannut iseqqusaanngitsunut atuuppoq, tak. § 32.

Imm.2. Nunani allamiut imm. 1-mi taaneqartut visumimi tunniunneqartumi piffissaq taaneqartoq sinnerlugu Kalaallit Nunaanniissinnaanngillat.

Imm.3. Visumi isernermi ataatsimi arlalinniluunniit piffissap erseqqinnerusup iluani katillugit qaammatit pingasut angullugit najugarsinnaatitaanertalik tunniunneqarsinnaavoq. Qaammatini pingasuni najugaqarnermi taaneqartuni, piffissaq nunani allamiup qaammatini kingullerni arfinilinni Kalaallit Nunaanni imaluunniit Savalimmiuni, Danmarkimi nunalluunniit avannarliit ilaanni allami najugarfigisimasaa ilanngaatineqassaaq. Nunani allamioq Savalimmiuni, Danmarkimi nunaniluunniit avannarlerni allami najugaqarsinnaanermut akuersissuteqarpat, taamaallaat piffissaq nunani allamiupu qaammatit kingulliit arfinillit iluanni Kalaallit Nunaanniiffigisaa ilanngaatineqassaaq. Pisuni immikkut ittuni visumi, piffissap imm. 1.-3-mi taaneqartup avataatigut qaammatit pingasut angullugit sivitsorneqarsinnaavoq.

§ 4 a. (Kalaallit Nunaannut atortussanngortinneqanngilaq)

§ 4 b. (Kalaallit Nunaannut atortussanngortinneqanngilaq)

§ 5. Nunani allamiut nunani avannarlerni innuttaanngitsut aatsaat Kalaallit Nunaanni najugaqarsinnaanermik akuersissuteqartut, §§ 3 aama 4-mi piffissamit taaneqartumit sivilisunerusumik Kalaallit Nunaanniissinnaapput.

Imm.2. Nunamut namminermtu ministeri Kalaallit Nunaanni Naalakkersuisunik isumaqatiginninniareerluni, meeqqat 18-t inorlugit ukiullit, angajoqqaatut oqartussaassuseqartumi aalajangersimasumi najugaqartut, Kalaallit Nunaanni najugaqarsinnaanermut akuersissummumut ilaatinneqannginnerat pillugu malittarisassanik aalajangersaasinnaavoq.

§ 6. (Kalaallit Nunaannut atortussanngortinneqanngilaq)

§ 7. Qinnuteqaateqarnermi nunanut allamiumut, nunani allamioq qimaasut pillugit isumaqatigiisummut ulloq 28. juli 1951-meersumut ilaatinneqarpat, Kalaallit Nunaanni najugaqarsinnaanermut akuersisummik tunniussisoqassaaq.

Imm.2. Taamattaaq qinnuteqarnermi nunami allamiumut qimaasut pillugit isumaqatigiisummut ulloq 28. juli 1951-meersumut ilaatinneqanngitsumut, isumaqatigiisummili assingusunik allanneqarsimasunik imaluunniit tunngavissat pingaarutillit allat, tunngavissaqarluartumik malersorneqarnissaq assinganilluunniit nakuuserfigineqarnissaq ernumatigineqarpat, pineqartup nunaminut uternissaa piumasaqaatigineqartariaqanngitsumut najugaqarsinnaanermik akuersisummik tunniussisoqarsinnaavoq. Qinnuteqaat imm. 1-mi taaneqartoq aamma imm. 1 malillugu najugaqarsinnaanermut qinnuteqaatitut isigineqarpoq.

Imm.3. Najugaqarsinnaanermut akuersissuteqarnissaq itigartitsissutigineqarsinnaavoq, nunani allamioq Savalimmiuni, Danmarkimi nunamiluunniit allami illersorneqareerpat imaluunniit sivilsumsumik najugaqarneq pissutigalugu, tassani ilaqtut qanigisat najugaqarpata imaluunniit pissutsitigulluunniit assingusutigut allatigut Savalimmiunut, Danmarkimut nunamulluunniit allamut attuumassuteqarpat, tassani nunani allamiup illersorneqarsinnaanera ilimagineqarsinnaappat.

Imm.4. Imm.1 aamma 2 taamatut aamma nunanut allamiumut Kalaallit Nunaanniinngitsumut atuupput, nunani allamiup siusinnerusukkut Kalaallit Nunani inatsisit malillugit najugaqarsimanerani, Kalaallit Nunaanni ilaqtutanik qanigisaqartillugu allatilluunniit attuumassuteqartut pineqartumik qaninnertut illersuisinnaatillugit.

Imm.5. Nunani allamiumut § 48 a, imm. 1 naapertorlugu Kalaallit Nunaanniinnissaanik itigartinneqarsimasumut anisitaasimasumulluunniit, taamaallaat imm. 4 malillugu najugaqarsinnaanermut akuersisoqarsinnaavoq.

§ 8. Qinnuteqarnerup kingorna nunani allamiunut, Naalagaaffiit Peqatigiit Qimaasunut Højkommissæriannik nunalluunniit tamat akornanni isumaqatigiisummut assingusumik isumaqatigiisuteqarnermut atatillugu Kalaallit Nunaannut tikittunut najugaqarsinnaanermut akuersisummik tunniussisoqartassaaq.

§ 9. Qinnuteqarnerup kingorna Kalaallit Nunaanni najugaqarsinnaanermut akuersisummik tunniussisoqartassaaq:

- 1) Nunani allamiumut siusinnerusukkut danskisut innuttaassuseqarsimasumut.
- 2) Nunani allamiumut 25-t qaangerlugit ukiulimmut, Kalaallit Nunaanni aalajangersimasumik najugaqartumut 25-t qaangerlugit ukiulimmut sivilsummik katissimasatut piffissamiluunniit sivilsummi aalajangersimasumik inooqateqarsimasumut,
 - a) Danskisut innuttaassuseqartumut
 - b) Finlandimi, Islandimi, Norgimi Sverigimiluunniit naalagaaffimmi innuttaasumut
 - c) §§ 7-8 malillugu Kalaallit Nunaanni najugaqarsinnaanermik akuersissuteqartumut imaluunniit
 - d) ukiut pingasut qaangerlugit Kalaallit Nunaanni killeqanngitsumik najugaqarsinnaanermut akuersissuteqartumut. *Imm.5.* Inuk Kalaallit Nunaanni najugaqartoq (qularnaveeqqusiisoq) qinnuteqartumik pilersuinissamik imminut pisusaaffilersimatillugu, tak imm. 3 aamma 4, kingornalu qinnuteqartup pilersorneranut pisortat ikiorsiisarnerat pillugu Inatsisartut inatsisaat naapertorlugu ikiorsiisoqarpat, kommunalbestyrelsip qularnaveeqqusiisoq ikiorsiissutinut akiliinissaanik pisusaaffilissavaa. Akiligassaq taamaattoq kommunalbestyrelsip

inunnut akileraarutit akilersinneqartarnerat pillugu malittarisassat malillugit qularnaveeqqusiisumit akilersissavaa.

Imm. 6. Imm. 2, nr. 2, malillugu najugaqarnissamut akuersissut taamaallaat inunnut Kalaallit Nunaanniittunut Danmarkimiittunulluunniit tunniunneqarsinnaavoq, tak. § 42 a, imm. 1. Imm. 2, nr. 2 malillugu najugaqarnissamik qinnuteqaammik suliarinninnermi, § 7 malillugu qinnuteqartup najugaqarnissaa pillugu allagaatit, qinnuteqartoq akuersiseqqaarnagu pissarsiarineqarsinnaapput.

Imm. 7. Imm. 1, nr. 2-4 aamma imm. 2, nr. 1, 3, 4 aamma 7 malillugu najugaqarnissamut akuersissut Kalaallit Nunaannut isernissaq sioqqullugu pissarsiarineqareersimassaaq. Isereermermi tassunga qinnuteqaat tunniunneqarsinnaanngilaq, suliarineqarsinnaanani imaluunniit atuuttussanngortinneqarsinnaanani, tamatumani pissutsit immikkut ittut pineqartinnagit. Nunani allamioq qinnuteqarnerup nalaani §§ 1, 3 imaluunniit 4 imaluunniit § 5, imm. 2, imaluunniit najugaqarnermut akuersissummi §§ 7-9 malillugit inatsisit naapertorlugit Kalaallit Nunaanni najugaqarpat, imm. 1, nr. 2 imaluunniit 3, imaluunniit imm. 2, nr. 7 malillugu taamaattoq tunniunneqarsinnaavoq, suliarineqarluni qinnuteqarnerullu nalaani najugaqarsinnaalluni, tamatumani pissutsit immikkut ittut pineqartinnagit.

Imm. 8. Imm. 1, nr. 2, imaluunniit imm. 2, nr. 7 malillugu najugaqarsinnaanermut akuersissummut qinnuteqaat Kalaallit Nunaanni tunniunneqarsinnaatillugu, tak. imm. 7, qinnuteqartorlu piffissami qinnuteqaatip tunniunneqarnerani Kalaallit Nunaanniippat, imm. 1, nr. 2, imaluunniit imm. 2, nr. 7, malillugu najugaqarsinnaanermut akuersissut, katissimasutut najugaqatigiinneq tunngavigalugu, aatsaat qinnuteqartoq piffissami qinnuteqaammik tunniussinerup nalaani, §§ 1, 3 imaluunniit 4 malillugu imaluunniit §§ 7-9 najugaqarsinnaanermut akuersissut malillugu, imaluunniit pissutsit immikkut ittut pissutissaqartippassuk najugaqarsinnaanermut akuersissut tunniunneqarsinnaavoq.

Imm. 9. Imm. 1, nr. 2, imaluunniit imm. 2, nr. 7, malillugu najugaqarsinnaanermut akuersissut, katinnermi inooqatigiinnermiluunniit pilersitsinermi najugarnissamut akuersissummik pissarsinissaq pingaarutilimmik siunertaasimappat tunniunneqarsinnaanngilaq.

Imm. 10. Imm. 1, nr. 2, litra b-d, aamma imm. 2, nr. 7, malillugu najugaqarsinnaanermut akuersissut, inuk Kalaallit Nunaanni najugaqartoq danskisut innuttaassuseqanngippat, katissimasutut aapparit inooqatigiilluunniit ataatsimut Kalaallit Nunaannut attuumassuteqarnerat, aapparit inooqatigiilluunniit Savalimmiunut, Danmarkimut nunamulluunniit allamut, imaluunniit inuttut atukkat pissutissaqartippassuk taamaallaat tunniunneqarsinnaavoq.

Imm. 11. Imm. 1, nr. 2 aamma 4, kiisalu imm. 2, nr. 1 aamma 7, malillugit najugaqarsinnaanermut akuersissut, pissutsit immikkut ittut pineqartinnagit, inuup Kalaallit Nunaanni najugaqartup naleqquttumik angissusilimmik inimik atugassaqarnerminik uppersaanaeranik tunngavissaqartinneqarpoq. Imm. 1, nr. 3, malillugu najugaqarsinnaanermut akuersissut, pissutsit immikkut ittut pineqartinnagit, inuup Kalaallit Nunaanni najugaqartup naleqquttumik angissusilimmik inimik atugassaqarnerminik uppersaanaeranik tunngavissaqartinneqarpoq.

Imm. 12. Kalaallit Nunaanni Naalakkersuisut Udlændingestyrelsimt qinnuigineqartillutik, inuup Kalaallit Nunaanni najugaqartup qinnuteqartumik pilersuisinnaaneranik oqaaseqarsinnaavoq, tak. imm. 3 aamma 4. Indenrigsministerip Kalaallit Nunaanni Naalakkersuisunik isumaqatiginninniarnep kingorna qaqugukut inuup Kalaallit Nunaanni najugaqartup qinnuteqartumik pilersuisinnaaneranik uppersaasarnermut malittarisassanik erseqqinnerusunik aalajangersaasinnaavoq, tak. imm. 3 aamma 4, aamma

oqaaseqatigiit siulliit kingorna Naalakkersuisut oqaaseqaataat

Imm.13. Kalaallit Nunaanni Naalakkersuisut Udlændingestyrelsimit qinnuigineqartillutik inuup Kalaallit Nunaanni najugaqartup ineqarnermini atugai pillugit oqaaseqassapput, tassani najugarisami init amerlassusaat najugarisamilu ineqartut amerlassusaat ilanngullugit. Kalaallit Nunaanni Naalakkersuisut oqaaseqatigiit siulliit kingorna oqaaseqaatissaminnut atugassaminnik Kalaallit Nunaanni Inuit Allattorsimaffiannut (KIA) paasissutissanik pisortat sanaartornermut oqartussaasuinit pissarsiarineqartunik najugarisami init amerlassusaat ineqartutullu adressepi pineqartumi nalunaarsorsimasut amerlassusaannik sanillersuussisinnaapput. Indenrigsministeri Kalaallit Nunaanni Naalakkersuisunik isumaqatiginninniareerluni qaqugukkut inuup Kalaallit Nunaanni najugaqartup naapertuuttumik angissusilimmik ineqarnerata uppersarsarneratut isigineqarsinnaanera pillugu erseqqinnerusumik maleruagassiorsinnaavoq, tak. imm. 11, kiisalu Kalaallit Nunaanni Naalakkersuisut oqaaseqatigiit siulliit kingorna oqaaseqaataat.

§ 10. §§ 7-9-mi aalajangersakkat apeqqutaatinnagit aatsaat pissutsit immikkut ittut pineqartillugit Kalaallit Nunaanni najugaqarnissamut akuersisummik tunniussisoqarsinnaavoq,

- 1) nunami allamioq Kalaallit Nunaanni eqqartuussineq pisimappat, §§ 22, 23 imaluunniit 24 malillugu Kalaallit Nunaata avataani naalagaaffimmiit anisitsissutaasinnaasunut pissutsinut eqqartuunneqarsimappat,
- 2) kapitali 4-mi malittarisassat malillugit anisitsissutaasinnaasunik allanik pissutsinik atuuttoqarpat,
- 3) nunami allamioq Schengenimi nunami imaluunniit nunamut Den Europæiske Unionimut atasumut innuttaanngippat, aamma Schengenimi paasissutissiisarnermut atortorissaarummut Schengenimi isumaqatigiissut naapertorlugu kissaatigineqanngitsutut nalunaarsorsimanngippat, imaluunniit
- 4) nunami allamioq nappaat tuniluuttoq imaluunniit ilungersunartumik tarniluuteqarneq pissutigalugu, avatangiisiminut ulorianartorsiortitsisinnaasutut imaluunniit annertuumik ajoqutaasussatut ilimagineqartariaqarpat.

Imm.2. Nunani allamiunut Kalaallit Nunaannut iseqqusaanngitsunut, tak. § 32, imm. 1, Kalaallit Nunaanni najugaqarsinnaanermut akuersissut, pissutsit immikkut ittut tamanna pisinnaatinngippagu, §§ 7 aamma 8-mi malittarisassat malillugit tunniunneqarsinnaavoq. Taamattaq Kalaallit Nunaanni najugaqarsinnaanermut akuersissut immikkut ittumik § 9 malillugu, pissutsit immikkut ittut pissutissaqartippassuk, tunniunneqarsinnaavoq, taamaattoq nuna qimallugu aallarnermit siusinnerpaamik ukiut marluk qaangiunneranni.

§ 11. Ataavartumik imaluunniit utaqqiisaagallartumik Kalaallit Nunaanniinnissaq siunertaralugu, §§ 7-9 malillugit najugaqarsinnaanermut akuersissut tunniunneqarsinnaavoq. Najugaqarsinnaanermut akuersisummik piffissakkut killeqartinneqarsinnaavoq.

Imm.2. Piffissami killilimmi najugaqarsinnaanermut akuersissut, ataavartumik najugaqarsinnaaneq siunertaralugu tunniunneqartoq qinnuteqarnikkut sivitsorneqartassaaq, Tamatumani § 19 malillugu akuersissutip atorunnaarsinnissaanut tunngavissaqanngippat.

Imm.3. Qinnuteqarnikkut §§ 7, 8 imaluunniit 9, imm. 1 aamma 2, malillugu nunani allamiumut ukiut kingulliit sinnerlugit inatsisit malillugit Kalaallit Nunaanni najugaqarsimasumut piffissamik killiligaanngitsumik najugaqarsinnaanermut akuersisummik tunniussisoqartassaaq, taamaattoq tak. imm. 5.

Imm.4. Imm. 3-mi piumasaqaatit naammassineqarsimannginnerat apeqqutaatinnagu, qinnuteqarnikkut piffissami killiligaanngitsumi najugaqarsinnaanermut akuersissut

tunniunneqarsinnaavoq, pissutsit pingaarutillit qinnuteqaatip akuerineqarnissaa atuutsillugit, taamaattoq tak. imm. 5.

Imm.5. Pissutsit immikkut ittut pissutissaqartippassuk, piffissami killiligaanngitsumi najugaqarsinnaanermut akuersissummut piumasarineqarpoq nunani allamiup pineqartup

- 1) (Kalaallit Nunaannut atortussanngortinneqanngilaq)
- 2) Kalaallit Nunaanni najugaqarnermi Indenrigsministerip Kalaallit Nunaanni Naalakkersuisunik isumaqatiginninniarnani piffissap aalajangersimasumi piffissaliussaata iluani isumagineqartussanngortinneqarnermik, pinerluuteqaqqissaguni pineqaatissinneqarnissamut, pinerluuteqarsimasunut inissiisarfirmiittussanngortinneqarnermii imaluunniit Kalallit Nunaanni pinerluttaalisitsinermik inatsimmi § 113 naapertorlugu pineqaatissiisummik, kiffaanngissusiagaanermik malitseqartumik pineqaatissinneqarnermik, isumagineqartussanngortinneqarnermik kinguneqartumik eqqartuunneqarnermik, pinerluuteqaqqissaguni pineqaatissinneqarnermik, pinerluuteqarsimasunulluunniit inissiisarfirmiittussanngortinneqarnermik eqqartuunneqarnermik, tak. imm. 7, aamma
- 3) Pisortanut 50.000 kr-t sinnerlugit akilerneqareersimasussamik akiitsoqannginneq, tak. imm. 6 aamma 7.

Imm.6. Imm. 5, nr. 3-mi aalajangersagaq apeqqutaatinagu piffissami killiligaanngitsumi najugaqarsinnaanermik nalunaaruteqartoqarsinnaavoq, nunani allamioq pineqartoq akiitsut akilerneqarnissaannik isumaqatigiissuteqarpat, isumaqatigiissullu taamaattoq malippagu.

Imm.7. Indenrigsministerip Kalaallit Nunaanni naalakkersuisunik isumaqatiginninniarnanup kingorna imm. 3-6 atuutsinneqarneranut erseqqinnerusunik malittarisassiussaaq. Imm. 5, nr. 3-mi aningaasat taaneqartut 1998-mi annertussutsit malillugit taaneqarput, 1999-lu aallarnerfigalugu ukiumut ataasiarluni ulloq 1. januar danskit amerlassutsinik nalimmassaasarneranni malittarisassat malillugit nalimmassarneqartarluni, tak. procenti aaqqiissutaasoq pillugu inatsit.

Imm.8. Udlændingestyrelsi §§ 7-9 malillugu Kalaallit Nunaanni najugaqarsinnaanermut akuerineqartunut najugaqarnissamut toqqammavinnik nalunaarsuisarpoq, imaluunniit § 5, imm. 2 malillugu Kalaallit Nunaanni najugaqartussaanermut ilaatitsinnginnermut, Kalaallit Nunaanni Inuit Allattorsimaffiannut (KIA). Nalunaarsuineq najugaqarsinnaanermut akuersissutikkut imaluunniit ilaatinneqannginnermik nalunaaruteqarnikkut pisarpoq.

§ 12. Indenrigsministeri Kalaallit Nunaanni naalakkersuisunik isumaqatiginninniarnanermi Kalaallit Nunaanni najugaqarsinnaanermut malittarisassanik erseqqinnerusunik aalajangersaasarpog, tassani najugaqarsinnaanermut akuersissuteqarsinnaaneq, akuersissutit sivisussusaat, kiisalu piumasaqaatit najugaqarsinnaanermut toqqammaviusut ilanngullugit.

Kapitali 2

Suliffeqarneq

§ 13. Nunani allamiut aningaasarsiaqarlutik aningaasarsiaqarnatilluunniit suliffeqarnissamut, namminersorlutik inuussutissarsiummik ingerlatsisinnaanermut, imaluunniit ajunngitsorsiaqarlutik ajunngitsorsiaqarnatilluunniit Kalaallit Nunaanni sullississutinik ingerlatsisinnaanermut, Kalaallit Nunaanni sulisinnaanermut akuersissummik pigisaqassapput.

Imm.2. Indenrigsministeri Kalaallit Nunaanni naalakkersuisunik isumaqatiginninniarnanermi, imartami imaluunniit nunap toqqammaviani sulisinnaanermut akuersissut qanoq annertutigisumik pisariaqartinneqarnera pillugu erseqqinnerusunik

malittarisassiussaaq.

§ 14. Nunani allamiut tulluittut Kalaallit Nunaani sulisinnaanermut akuersissuteqartarnissami ilaatinneqanngillat:

- 1) Nunani allamiunut Finlandimi, Islandimi, Norgimi Sverigemilu naalagaaffimmi innuttaassuseqartunut.
- 2) (Kalaallit Nunaannut atortussanngortinneqanngilaq)
- 3) Nunani allamiunut piffissamik killiligaanngitsumik Kalaallit Nunaanni najugaqarsinnaanermut akuersissuteqartunut.
- 4) Nunani allamiunut §§ 7, 8 imaluunniit 9, imm. 1, imaluunniit imm. 2, nr. 1, 2 imaluunniit 7 malillugu Kalaallit Nunaanni najugaqarsinnaanermut akuersissuteqartunut.
- 5) Nunani allamiunut § 9, imm. 2, nr. 4 malillugu Kalaallit Nunaanni najugaqarsinnaanermut akuersissuteqartunut, akuersissut § 9, imm. 2, nr. 2 malillugu najugaqarsinnaanermut akuersissutip sivitsorneqarneranik nalunaarutigineqarpat.
- 6) Nunani allamiunut § 9, imm. 2, nr. 4 malillugu Kalaallit Nunaanni najugaqarsinnaanermut akuersissuteqartunut, akuersissut § 7 malillugu najugaqarsinnaanermut akuersissummut qinnuteqaammik tunniussisimasumut tunniunneqarpat.
- 7) Nunani allamiunut § 9, imm. 2, nr. 4 malillugu Kalaallit Nunaanni najugaqarsinnaanermut akuersissuteqartunut, akuersissut inummut Kalaallit Nunaanni najugaqartumut ilaqutariinnikkut attuumassuteqarnerup malitsigisaanik tunniunneqarpat.

Imm.2. Indenrigsministeri Kalaallit Nunaanni naalakkersuisunik isumaqatiginninniareernermi, nunani allamiut Kalaallit Nunaanni sulisinnaanermut akuersissuteqarnissamut ilaatinneqannginnerannik aalajangiisinaavoq.

§ 15. Kalaallit Nunaanni sulisinnaanermut akuersissummut piumasaqaatiliisoqarsinnaavoq.

Imm.2. Indenrigsministeri Kalaallit Nunaanni naalakkersuisunik isumaqatiginninniareernermi Kalaallit Nunaanni sulisinnaanermut akuersissutitut malittarisassanik erseqqinnerusunik aalajangersaasinaavoq, tassani akuersissutit imarisaat sivisussusaallu aamma piumasaqaatit akuersissummut attuumatinneqarsinnaasut ilanngullugit.

§ 16. (Kalaallit Nunaannut atortussanngortinneqanngilaq)

Imm.2. Pineqartoq nunani allamiumik suliffeqartitsisoq, piumasaqarfigineqarnermini oqartussaasumut attuumassuteqartumut paasissutissanik nunani allamiup Kalaallit Nunaanni inatsisit malillugit sulineranik uppersaasiisunik nalunaaruteqassaaq.

Kapitali 3

Najugaqarsinnaanermut sulisinnaanermullu akuersissutit atorunnaarsinnerat utertinneqarnerallu

§ 17. Kalaallit Nunaanni najugaqarsinnaanermut akuersissut atorunnaartarpoq, nunani allamiup Kalaallit Nunaanni najukkani asooruppagu. Taamattaq akuersissut atorunnaartarpoq, nunani allamioq qaammatit malittut arfinillit sinnerlugit Kalaallit Nunaata avataani najugaqarsimappat. Nunani allamiup killiligaanngitsumi inatsisit malillugit ukiut marluk sinnerlugit najugaqarpat, najugaqarsinnaanermut akuersissut aatsaat nunani allamioq qaammatit malittut aqqaneq marluk sinnerlugit Kalaallit Nunaata avataani

najugaqarsimappat atorunnaassaaq. Piffissani taaneqartuni sakkutuujusussaatitaaneq sulinerluunniit tassunga taartaasup tunngaveqarnerani piffissaq naatsorsukkanut ilaatinneqassanngilaq.

Imm.2. Qinnuteqarnikkulli najugaqarsinnaanermut akuersissut imm. 1-mi taaneqartut pitillugit atorunnaanginnissaa aalajangerneqarsinnaavoq.

Imm.3. Najugaqarsinnaanermut akuersissut, §§ 7-8 malillugit tunniunneqartoq, aatsaat imm. 1 malillugu atorunnaassaaq, nunani allamioq nammineq piumassuserisaminik nunami angerlarsimaffigisamini najugaqalerpat, imaluunniit Savalimmiuni, Danmarkimi imaluunniit nunami allami illersorneqalerpat.

§ 17 a. § 17-mi aalajangersagaq apeqqutaatinnagu Kalaallit Nunaanni najugaqarsinnaanermut akuersissut aatsaat atorunnaassaaq, nunani allamioq, ataavartumik najugaqarnissani siunertaralugu nunamut angerlarsimaffimminut imaluunniit nunami siusinnerusukkut najugarisimasaminut uterpat, qaammatit imminnut malittut aqqaneq marluk sinnerlugit Kalaallit Nunaata avataani najugaqarsimappat aamma Kalaallit Nunaanni najugaqarsinnaaneq uku malillugit pisimappat

- 1) §§ 7 imaluunniit 8,
- 2) § 9, Imm.2, nr. 2,
- 3) § 9, imm. 2, nr. 4; § 9, imm. 2, nr. 2 malillugu najugaqarsinnaanermut akuersissutip sivitsorneqarsimatsiarnerani,
- 4) § 9, imm. 2, nr. 4, akuersissut nunani allamiumut § 7 malillugu Kalaallit Nunaani najugaqarnissamut qinnuteqaammik tunniussisimappat,
- 5)-6) (Kalaallit Nunaannut atortussanngortinneqanngilaq)
- 7) § 9, imm. 1, nr. 2-4, imaluunniit § 9, imm. 2, nr. 1, 4 imaluunniit 7, inummut nr. 1-4-mut ilaquuttatigut attuumassuteqarnerup kinguneranik, imaluunniit
- 8) 1-4-mi imaluunniit 7-mi taaneqartumit tunngavik alla, qinnuteqaat malillugu aalajangerneqarpat.

Imm.2. Qinnuteqaateqarnikkut aalajangerneqarsinnaavoq, nunani allamiumut najugaqarsinnaanermut akuersissut imm. 1-mut ilaatinneqarpoq, aatsaat atorunnaartutut isigineqarsinnaammat, imm. 1-mi piffissami taaneqartumi amerlanerpaamik qaammatit aqqaneq marluk ingerlareerpata.

Imm.3. Imm. 1 aamma 2 nunani allamiumut imm. 1, nr. 7-mut ilaatinneqartumut nunani allamioq nunamut angerlarsimaffigisaminut siusinnerusukkulluunniit nunamut najugaqarfigisaminut inuummik, nunani allamiup ilaqutariinnikkut attuumassuteqarfigisaa, Kalaallit Nunaanni najugaqarsinnaanermut toqqammaviliisoq peqatigalugu uterpat, taamaallaat atortinneqarsinnaapput.

Imm.4. (Kalaallit Nunaannut atortuulersinneqanngilaq)

Imm.5. (Kalaallit Nunaannut atortuulersinneqanngilaq)

Imm.6. Nunani allamiup taamaallaat ataasiarluni imm. 1-3 malillugu najugaqarsinnaanini attatiinnarsinnaavaa.

§ 18. (Kalaallit Nunaannut atortuulersinneqanngilaq)

§ 19. Kalaallit Nunaanni najugaqarsinnaanermut akuersissut piffissami killiligaq arsaarinnissutigineqarsinnaavoq:

- 1) Qinnuteqaammut imaluunniit naalagaaffimmi najugaqarallarsinnaanermut akuersissummut tunngaviusoq, tassani §§ 7 imalluunniit 8 malillugu, eqqunngitsuusimappat imaluunniit atuukkunnaarsimappat.
- 2) Nunani allamioq pisariaqartumik paseqanngippat allatulluunniit angalanermi

- kinaassutsimut uppersarsaateqanngippat, tak. § 39, nunamut tunniussisumut uterluni angalanissamut periarfissaqalersitsisoq.
- 3) Nunani allamiup najugaqarsinnaanermut akuersissummi, sulisinnaanermulluunniit akuersissummi tunngavissatut aalajangerneqartut malinngippagit. Tunngavissat erseqqissumik allanneqarsimassapput, allakkatigullu nunani allamiumut sanioqqutsinerup akuersissumik utertitsineramik kinguneqarnissaa oqaatigineqarsimassaaq.
 - 4) Inuup Kalaallit Nunaanni najugaqartup qinnuteqartumik pilersuisinnaanermik uppersarsaasimaneranik, najugaqarsinnaanermut akuersissut toqqammaveqartinneqarpat, tak. § 9, imm.3 aamma 4, kiisalu inuup Kalaallit Nunaanni najugaqartup tamanna uppersarsinnaajunnaarpagu. § 9, imm. 12-mi aalajangersagaq aammattaaq atorineqassaaq.
 - 5) Inuup Kalaallit Nunaanni najugaqartup naapertuuttumik angissusilimmik nammineq inigisaqarnerminik uppersarsaasimaneranik najugaqarsinnaanermut akuersissut tunngavissaqartinneqarpat, tak. § 9, imm. 11, aamma inuk Kalaallit Nunaanni najugaqartoq tassannga uppersarsinnaajunnaarpat. § 9, imm. 13-mi aalajangersakkat taamatut aamma atuutissapput.
 - 6) Inuup Kalaallit Nunaanni najugaqartup naapertuuttumik angissusilimmik nammineq inigisaqarnerminik uppersarsaasimaneranik, najugaqarsinnaanermut akuersissut toqqammaveqanngippat, tassani pissutsit immikkut ittut tassunga akerliummata, tak. § 9, imm. 1, pissutsillu immikkut ittut atuukkunnarpata, inuullu Kalaallit Nunaanni najugaqartup inigisamik naapertuuttumik angissusilimmik namminerisaminik ineqarnini uppersarsinnaajunnaarpagu. § 9, imm. 13-mi aalajangersakkat taamatut atuutissapput.

Imm.2. Piffissamik killiligaasumik imaluunniit piffissamik killiligaanngitsumik naalagaaffimmi najugaqarallarsinnaanermut akuersissut, nunani allamioq peqquserluuteqarnikkut najugaqarsinnaanermut akuersissummik pissarsisimappat, tamatigit utertinneqarsinnaavoq.

Imm.3. Piffissamut killilikkamik imaluunniit piffissamut killiligaanngitsumut najugaqarsinnaanermut akuersissut tamatigit atorunnaarsinneqarsinnaavoq, nunani allamioq, nunami Schengenimut ilaasortaasumi imaluunniit nunami De Europæiske Fælleskaberini ilaasumi, Schengenimi isumaqatigiissut malillugu Schengeninformationssystemimi pissutsini kapitali 4 malillugu Kalaallit Nunaannit anisitaanermik kinguneqarsinnaasuni kissaatigineqanngitsutut nalunaarsorsimappat. Oqaaseqatigiit siulliit malillugit utertitsineq Schengenimut isumaqatigiissummi artikel 25 malillugu nunami Schengenimut ilaasumi oqartussanik isumasioqateqareernerumut atatillugu pissaaq.

Imm.4. (Kalaallit Nunaannut atortuulersinneqanngilaq)

Imm.5. Najugaqarsinnaanermut akuersissutit utertinnerinik aalajangiinerni § 26, imm. 1-mi aalajangersakkat assinganik atorineqassapput.

Imm.6. § 9, imm. 1, nr. 2 imaluunniit imm. 2, nr. 7 malillugu najugaqarsinnaanermik utertitsineramik aalajangerneermik utertitsinermi, inooqatigiikkunnaarneq, nunani allamiup § 9, imm. 1, nr. 2, imaluunniit imm. 2, nr. 7 malillugu najugaqarsinnaanermut toqqammaviup Kalaallit Nunaanni atuukkunnaarnera, kannguttaatsuliornermik, atornerlunneqarnermik imaluunniit allatut ajoquserneqarneranik il.il. patsiseqarnersoq immikkut isiginiarneqassaaq.

§ 20. §§ 7 imaluunniit 8 malillugu nunani allamiumut qimaasut annertuumik isaanerannut atatillugu Kalaallit Nunaannut tikittumut Kalaallit Nunaanni

najugaqarsinnaanermut akuersissummik tunniussisoqarsimappat, Savalimmiut, Danmarki nunaluunniit alla pineqartumik tigussillunilu illersuisinnaanermut piumassuseqarluni nalunaarpat, pisulluunniit najugaqarsinnaanermut akuersissummut tunngavissiissut, erseqqissumik atorunnaarsimappata, akuersissut utertinneqarsinnaavoq.

§ 21. Kalaallit Nunaanni sulisinnaanermut akuersissut atorunnaartarpoq, nunani allamiup Kalaallit Nunaanni najugaqarsinnaanermut akuersissutaa atorunnaaraangat arsaarinnissutigineqaraangalluunniit.

Kapitali 4

Anisitsineq

§ 22. Nunani allamioq Kalaallit Nunaanni ukiunit arfineq marlunniit kingullernit sivilisinerusumik inatsisit malillugit najugaqarsimasoq, nunanilu allamioq §§ 7 imaluunniit 8 malillugu Kalaallit Nunaanni najugaqarsinnaanermut akuersissuteqartoq, pissutsit imaappata Kalaallit Nunaannit anisinneqarsinnaavoq

- 1) Kalaallit Nunaannut pinerluttaalisitsinermik inatsimmi § 113 malillugu minnerpaamik ukiuni sisamani imaluunniit piffissamik killiligaanngitsumik eqqartuunneqarpat, kiffaanngissusiiagaanermik malitseqarluniluunniit periarfissiisumik, inatsimmik unioqqutitsinermik taama sivilisutigisumik pinerluuteqarsimasunut inissiisarfirmi inissinneqarnissamik kinguneqartussamik,
- 2) Nunani allamioq pinerlunnikkut pissutsinut arlalinnut minnerpaamik ukiuni marlunni pinerluuteqarsimasunut inissiisarfirmiittussanngorlugu eqqartuunneqarpat imaluunniit Kalaallit Nunaanni pinerluttaalisitsisarnermut inatsimmi § 113 malillugu, inatsimmik unioqqutitsinermik taama sivilisutigisumik pinerluuteqarsimasunut inissiisarfirmi inissinneqarnissamik kinguneqartussamik,
- 3) Nunani allamioq Kalaallit Nunaanni pinerluttaalisitsinermut inatsimmi § 113 naapertorlugu minnerpaamik ukiuni marlunni pinerluuteqarsimasunut inissiisarfirmiittussanngorlugu pineqaatissiisummik, inatsisinik unioqqutitsinermik kiffaanngissusiiagaanermik kiffaanngissusiiagaanissamilluunniit malitseqartumik taama sivilisutigisumik pineqaatissinneqartoq, nunanilu allamioq Kalaallit Nunaanni pinerluttaalisitsinermut inatsimmi § 113 naapertorlugu kiffaanngissusiiagaanermik kiffaanngissusiiagaanissamilluunniit malitseqartumik pinerluuteqarsimasunut inissiisarfirmut inissinneqarnissamik kinguneqartussamik siusinersukkut pineqaatissinneqarsimappat,
- 4) Nunani allamioq ikiarooriutit pillugit inatsimmik unioqqutitsinermi Kalaallit Nunaanni pinerluttaalisitsinermut inatsimmi § 113 naapertorlugu inatsisinik unioqqutitsinermik kiffaanngissusiiagaanermik kiffaanngissusiiagaanissamilluunniit, pinerluuteqarsimasunut inissiisarfirmut inissiinermik malitseqarsinnaasumik pineqaatissinneqartoq,
- 5) Nunani allamioq § 59, imm. 5, malillugu pineqaatissinneqarsimasunut inissiisarfirmiittussanngorlugu eqqartuunneqartoq, imaluunniit Kalaallit Nunaanni pinerluttaalisitsinermut inatsimmi § 113 naapertorlugu inatsisinik unioqqutitsinermik kiffaanngissusiiagaanermik kiffaanngissusiiagaanissamilluunniit, pinerluuteqarsimasunut inissiisarfirmut inissiinermik malitseqarsinnaasumik pineqaatissinneqartoq,
- 6) Nunani allamioq Kalaallit Nunaanni pinerluttaalisitsinermut inatsimmi § 16, § 40 a, § 49, § 51, § 52 a, tak. § 51, ! 53, § 57, imm. 1, § 60, oqaaseqatigiit siulliit, § 67, imm. 1, oqaaseqatigiit siulliit, § 72, § 74, imm. 1, § 74 a, § 75, § 76 imaluunniit § 77, imm. 1,

imaluunniit Kalaallit Nunaannut pinerluttaalisitsinermut inatsimmi § 39-mik piaaraluni unioqqutitsinermik imaluunniit § 78 malillugu pinerluuteqarsimasunut inissiisarfimmi inissinneqartussanngorlugu eqqartuunneqartoq imaluunniit Kalaallit Nunaanni pinerluttaalisitsinermut inatsimmi § 113 naapertorlugu inatsisinik unioqqutitsinermik kiffaanngissusiagaanermik kiffaanngissusiagaanissamilluunniit, pinerluuteqarsimasunut inissiisarfimmut inissiinermik malitseqarsinnaasumik pineqaatissinneqartoq,

§ 23. Nunani allamioq inatsisit malillugit Kalaallit Nunaanni ukiut kingullit pingasut sinnerlugit najugaqarsimasoq, Kalaallit Nunaannit anisinneqarsinnaavoq

- 1) § 22-mi tunngaviit taaneqartut tunngavigalugit,
- 2) Nunani allamioq minnerpaamik ukiuni marlunni pinerluuteqarsimasunut inissiisarfimmi inissinneqartussanngorlugu eqqartuunneqarpat, imaluunniit Kalaallit Nunaanni pinerluttaalisitsisarnermut inatsimmi § 113 malillugu, inatsimmik unioqqutitsinermik taama sivistigisumik pinerluuteqarsimasunut inissiisarfimmi inissinneqarnissamik kinguneqartussamik,
- 3) Nunani allamioq arlalinnik pinerluuteqarsimanernut minnerpaamik ukiumi ataatsimi pinerluuteqarsimasunut inissiisarfimmi inissinneqartussanngorlugu eqqartuunneqarpat, imaluunniit Kalaallit Nunaanni pinerluttaalisitsisarnermut inatsimmi § 113 malillugu, inatsimmik unioqqutitsinermik taama sivistigisumik pinerluuteqarsimasunut inissiisarfimmi inissinneqarnissamik kinguneqartussamik,
- 4) Nunani allamioq minnerpaamik ukiumik ataatsimi pinerluuteqarsimasunut inissiisarfimmi inissinneqartussanngorlugu eqqartuunneqarpat, imaluunniit Kalaallit Nunaanni pinerluttaalisitsisarnermut inatsimmi § 113 malillugu, inatsimmik unioqqutitsinermik taama sivistigisumik pinerluuteqarsimasunut inissiisarfimmi inissinneqarnissamik kinguneqartussamik, aamma nunani allamioq siusinnerusukkut pinerluuteqarsimasunut inissiisarfimmi inissinneqartussanngorlugu eqqartuunneqarsimappat, nunanullu allamioq siusinnerusukkut Kalaallit Nunaanni pinerluuteqarsimasunut inissiisarfimmi inissinneqartussanngorlugu eqqartuunneqarsimappat, imaluunniit Kalaallit Nunaanni pinerluttaalisitsinermut inatsimmi § 113 naapertorlugu unioqqutitsinermut pineqatissiisummik kiffaanngissusiiaanermik imaluunniit kiffaanngissusiianeqarsinnaanermut periarfissamik, inatsimmik unioqqutitsinermut pinerluuteqarsimasunut inissiisarfimmut inissinneqarnermik kinguneqarsinnaasumik.

§ 24. Nunani allamiut allat Kalaallit Nunaannit anisinneqarsinnaapput

- 1) §§ 22 imaluunniit 23-mi taaneqartunik patsiseqartumik,
- 2) Nunani allamioq pinerluuteqarsimasunut inissiisarfimmut inissinneqartussanngorlugu eqqartuunneqarpat, isumagineqartussanngorlugu eqqartuunneqarpat imaluunniit pinerloqqikkuni inissinneqartussanngorlugu eqqartuunneqarpat, imaluunniit Kalaallit Nunaanni pinerluttaalisitsinermut inatsimmi § 113 naapertorlugu unioqqutitsinermut pineqatissiisummik kiffaanngissusiiaanermik imaluunniit kiffaanngissusiianeqarsinnaanermut periarfissamik, inatsimmik unioqqutitsinermut pinerluuteqarsimasunut inissiisarfimmut inissinneqarnermik kinguneqarsinnaasumik.

§ 25. Nunani allamioq Kalaallit Nunaannit anisinneqarsinnaavoq, makku atuuppata

- 1) Nunani allamioq naalagaaffiup isumannaatsuunissaanut navianartutut isigineqarpat, imaluunniit
- 2) Nunani allamioq tamat toqqissisimanissaannut, isumannaallisaanermut peqqissuunermulluunniit sakkortuumik navianartorsiortitsisutut isigineqarpat.

§ 25 a. Nunani allamioq qaammatinit arfinilinnit sivisunerusumik inatsisit malinnagit Kalaallit Nunaanni najugaqarsimasoq, taamattaq Kalaallit Nunaannit anisinneqarsinnaavoq,

- 1) Nunani allamioq §§ 22-24 pisuni taaneqartuni Kalaallit Nunaanni pinerluttaalisitsinermi inatsimmi § 72, § 73, § 74, imm. 1, § 74 a, § 75, § 76 imaluunniit § 77, imm. 1, imaluunniit piaaraluni Kalaallit Nunaanni pinerluttaalisitsinermik inatsimmi § 78, imm. 1, imaluunniit nioqqutissanik eqqussuineq annissuinerlu pillugit Kalaallit Nunaanni Inatsisartut inatsisaanni § 1 imaluunniit 45, unioqqutitsinermi, imaluunniit nunani allamiup unioqqutitsineq politiitut nassuerutigippagu, imaluunniit pinerluuteqarnermik ingerlatsinermi kingunitsianngualuunniit politiit tigusarineqarpat,
- 2) Nunani allamioq inatsisit unioqqutillugit ikiaroorartunik pigisaqarnermik eqqartuunneqarpat, imaluunniit nunani allamioq inatsisit unioqqutillugit pigisaqarnermik imaluunniit ikiaroorartunik atuinermik politiitut nassuerutiginnippat allatulluunniit sakkortusisamik pasilliuteqartoqarpat.

Imm.2. Kalaallit Nunaannut isereernermi nunani allamioq, piffissami qaammatit arfinilinnit sivisunerusumi inatsisit malillugit Kalaallit Nunaanni najugaqarsimanngitsoq aamma Kalaallit Nunaannit anisinneqarsinnaavoq:

- 1) Pissutsini nunani allamiup atugaanik paasissutissiissutigineqartuni, nunani allamioq akuersissuteqarnani najugaqarnissamik imaluunniit sulinissamik siunertaqarnera ilimagineqarsinnaappat.
- 2) Nunani allamioq Kalaallit Nunaanniinnissamut angerlamullu angalanissamut pisariaqartunik aningaasaateqanngippat.
- 3) Tamat eqqissisimanissaannut imaluunniit isumannaatsuunissaannut imaluunniit peqqissuunissaannut tunngasut, nunani allamiup Kalaallit Nunaanniittariaqannginneranik tunngavissiippata.

§ 25 b. Nunani allamioq Kalaallit Nunaannit anisinneqarsinnaavoq, nunani allamioq akuersissummik pisariaqartumik peqarnani Kalaallit Nunaanniippat.

§ 26. Kalaallit Nunaannit anisitsinissamik aalajangernermi, anisitsinerup immikkut nanertuusiineratut isikkoqarsinnaanera isiginiarneqassaaq, ingammik makku patsisigalugit

- 1) Nunani allamiup inuiaqatigiinnut kalaallinut attuumassuteqarnera, tassani nunani allamioq meeraanermini inuusuttuaraaneriniluunniit Kalaallit Nunaannut tikissimanera ilanngullugu,
- 2) Nunani allamiup Kalaallit Nunaanniinnerata sivisussusaa,
- 3) Nunani allamiup ukiui, peqqissusaa inuttullu pissutsit allat,
- 4) Nunani allamiup inummut Kalaallit Nunaanni najugaqartumut attuumassuteqarnera,
- 5) Anisitsinerup nunani allamiup Kalaallit Nunaanni najugaqartunut qanimut ilaqutaanut kinguneqaatai,
- 6) Nunani allamiup nunamut najukkaminut, Savalimmiunut, Danmarkimut nunanulluunniit allanut, nunanut allamiup najugaqarfigisassaatur ilimagineqartumut attuumassuteqannginnera imaluunniit annikitsuinnarmik attuumassuteqarnera, aamma
- 7) Nunani allamiup § 7, imm. 1 aamma 2-mi avataani pisuni taaneqartuni nunami angerlarsimaffigisamini nunaniluunniit allani nunani allamiup uninngavissaatur ilisimaneqarsinnaasuni ajoquserneqarsinnaaneranut aarlerinaatit.

Imm.2. Nunani allamioq §§ 22-25 malillugit anisinneqassaaq, tamatumani tamanna Danmarkip nunat tamat akornanni pisussaaffiitut qularnaatsumik akerliutinnagu.

§ 27. §§ 11, Imm.3, 17, Imm.1, oqaaseqatigiit pingajui, 22, 23 aamma 25 a taaneqartut piffissat nunani allamiup Kalaallit Nunaanni inuit allattorsimaffiannut ilanngunneranit naatsorsorneqassapput, imaluunniit najugaqarsinnaanermut akuersissut Kalaallit Nunaanni tunniunneqarpat, piffissamit qinnuteqaatip tunniunneqarfianit.

Imm.2. Nunani allamiunut § 7, imm. 1 aamma 2 malillugu Kalaallit Nunaanni najugaqartussatut akuerineqarsimasuni, imm. 1-mi piffissat taaneqartut, piffissamit najugaqarsinnaanermut akuersissummit siullermit naatsorsorneqassapput.

Imm.3. (Kalaallit Nunaannut atortuulersinneqanngilaq)

Imm.4. Imm. 1-mi piffissat taaneqartut naatsorsornerat unitsinneqassaaq, najugaqarsinnaanermut akuersissut nalunaarutigisaq qaangiuppat, utertinneqarpat imaluunniit Udlændingestyrelsimit utertinneqarpat. Najugaqarsinnaanermut akuersissut sivitsorneqarpat, najugaqarsinnaanermut akuersissut atorunnaartutut isigineqassanngilaq, imaluunniit atorunnaarsitsinissamik aalajangerneq allanngortinneqarpat, piffissat imm. 1-mi taaneqartut, piffissanit imm. 1 aamma 2-mi taaneqartunit, siusinnerusukkt najugaqarsinnaanernut akuersissummut nalunaarutigineqartumut sanilliullugit naatsorsorneqassapput.

Imm.5. Najugaqarsinnaanermut akuersissuteqarluni najugaqarnerit, peqquserluuteqarnikkut anguneqartut, inatsisit malillugit najugaqarnertut isigineqanngillat.

7) *Imm.6.* Piffissaq nunani allamiup eqqartuunneqarnissani sioqqullugu tigummigallarneqarfigisimasaa imaluunniit pinerluuteqarsimasunut inissiisarfimmiiffigisaa imaluunniit Kalaallit Nunaanni pinerluttaalisitsinermut inatsimmi § 113 naapertorlugu, kiffaanngissusiiagaanermik kiffaanngissusiiagaanissamilluunniit malitseqartumik inatsisinik unioqqutitsinermik pinerluuteqarsimasunut inissiisarfimmut inissinneqarnissamik kinguneqartussaq, piffissani imm. 1-mi taaneqartuni ilanngullugu naatsorsorneqassanngilaq.

§ 27 a. Udlændingestyrelsen Indenrigsministeriallu kapitali 4 malillugu Kalaallit Nunaannit anitsitsinissamik aalajangiinissamut atugassaattut, tak § 49, politiit nunani allamioq akuersitinnagu nunani allamiup pinerluutigisai pillugit paasissutissanik Indenrigsministeriamut Udlændingestyrelsimulluunniit ingerlatitseqqiisinnaapput, tassani pinerluutigisanut unnerluunneqarnerit ilanngullugit.

Kapitali 5

Itigartitsineq

§ 28. Nunani allamioq Kalaallit Nunaanni najugaqarnissamut akuersissuteqanngitsoq, Finlandimi, Islandimi Norgimi Sverigimiluunniillu naalagaaffimmi innuttaasooq, Kalaallit Nunaanni aalajangersimasumik najugaqanngitsoq, nunamit Schengenimut isumaqatigiisummut ilaanngitsumit Kalaallit Nunaannut isertoq, pissutsini makkunani isernissaanit itigartinneqarsinnaavoq:

- 1) Nunani allamioq Kalaallit Nunaannut iseqqusaanngippat, tassungalu visumeqanngippat, tak. § 4, imm. 1, oqaaseqatigiit aappaat.
- 2) Nunani allamiup angalanermi kinaassutsimik uppersaammumut, visumimut angalanermullu kapitali 7 malillugu aalajangersakkani, aalajangersakkat naammassinngippagit.
- 3) Nunani allamiup atugai pillugit paasissutissiissutigineqartut malillugit, pineqartoq pisariaqartumik akuersissuteqarnani Kalaallit Nunaanni najugaqarnissamik sulinissamilluunniit siunertaqartoq ilimagissallugu tunngavissaqarpat.
- 4) Nunani allamioq uninnganerup siunertaanut pisunullu erseqqinnersumik

- uppernarsaatinik takutitsisinnaanngippat.
- 5) Nunani allamioq Kalaallit Nunaanniinnissami angerlarlunilu angalanissaminut imaluunniit nuna Schengenimi isumaqatigiisummut ilaanngitsumut aqqusaarnermi, pineqartorlu isersinnaanermik isumannaagaappat, naammattunik aningaasaateqanngippat, inatsisillu naapertorlugit aningaasanik taakkunannga pissarsisinnaanngippat.
 - 6) Nunani allamioq nunami Schengenimut ilaasumi imaluunniit nunanut De Europæiske Fællesskabinut ilaasumi naalagaaffittut innuttaassuseqanngippat, Schengenimilu isumaqatigiisut malillugu Schengeninformationssystemimut kissaatigineqanngitsutut nalunaarutigineqarsimappat.
 - 7) Kalaallit Nunaanni, Savalimmiuni, Danmarkimi imaluunniit nunat Schengenimut ilaasuni tamat isumannaatsuunissaanni pissutsit allat eqqarsaatigalugit, naalagaaffinnut allanut pissutsit imaluunniit isumannaatsuunikkut imaluunniit peqqissuunikkut tunngaviit, nunani allamiup Kalaallit Nunaanniittariaqannginnera patsisissaqartippassuk.

Imm.2. Nunani Schengenimut isumaqatigiisummut imaluunniit Den Europæiske Unionimut ilaanngitsuni naalagaaffimmi innuttaasut nunamit Schengenimut isumaqatigiisummut ilanngitsumit Kalaallit Nunaannut isertut, iserniarnerat imm. 1, nr. 1-7 malillugu itigartinneqassaaq, taamaattoq imm. 6.

Imm.3. Nunani allamioq Kalaallit Nunaanni najugaqarsinnaanermut akuersissuteqanngitsoq, imaluunniit Finlandimi, Norgimi Sverigemiluunniit naalagaaffimmi innuttaasooq, Kalaallit Nunaanni aalajangersimasumik najugaqanngitsoq, Savalimmiunit, Danmarkimit imaluunniit nunamit Schengenimut ilaasumit allamit Kalaallit Nunaannut isertoq, imm. 1, nr. 1-7-mi aalajangersakkat malillugit itigartinneqarsinnaavoq, taamaattoq imm. 6. Taamaattoq Finlandimi, Islandimi, Norgimi imaluunniit Sverigemi naalagaaffimmi innuttaasooq taamaallaat imm. 1, nr. 2, malillugu itigartinneqarsinnaavoq, pineqartoq nunanit avannarlernit isinngippat, tak. § 39, imm. 4.

Imm.4. Nunani allamioq Finlandimi, Norgimi Sverigemiluunniit naalagaaffimmi innuttaanngitsoq, Kalaallit Nunaanni isernerani itigartinneqarsinnaavoq, pineqartoq malittarisassat Savalimmiuni, Danmarkimi nunamiluunniit avannarlerni allami, pineqartup angalaffigisassaatusit ilimagineqartumi malittarisassat atuuttut malillugit.

Imm.5. Taamattaaq imm. 1-4 malillugu itigartitsineq Kalaallit Nunaannit isernermit qaammatit pingasut qaangiunnerat tikillugu pisinnaavoq.

Imm.6. Taamaattoq imm. 1-5 malillugit itigartitsineq pisinnaanngilaq, nunani allamioq Schengenimi killeqarfimmi kodeksimi artikel 6, imm. 5, litra c malillugit Kalaallit Nunaannut isernissamut immikkut akuersisummik pissarsisimappat. Nunani allamioq § 2 b, imm. 4 malillugu Kalaallit Nunaatigoorluni angalasinnaatitaappat, pineqartoq taamaallaat imm. 1, nr. 1, malillugu itigartinneqarsinnaavoq, tak. imm. 2-5.

Imm.7. Nunani allamioq itigartillugu nalunaarfigineqartoq imaluunniit § 7 malillugu Kalaallit Nunaanni najugaqarnissamik qinnuteqaammik taamaatitsiinnartoq, imaluunniit Kalaallit Nunaannut qimaasutut qinneqaat § 40, imm. 8 malillugu atorunnaarpat, imm. 1-4-mi aalajangersakkat apeqqutaatinnagit Kalaallit Nunaannit tikinnermit qaammatit pingasut tikillugit itigartinneqarsinnaavoq.

Imm.8. Nunani allamioq, Kalaallit Nunaanni aalajangersimasumik najugaqanngitsoq, kapitali 1-mi aalajangersakkat apeqqutaatinnagit Kalaallit Nunaanniinnissaa itigartitsissutigineqarsinnaavoq, tamanna naalagaaffiup isumannaatsuunissaanut pisariaqartutut isigineqarpat.

Imm.9. Indenrigsministeri Kalaallit Nunaanni naalakkersuisunik

isumaqatiginninniareermermi itigartitsisarneq pillugu akiliisimanatillu ilaasut aallartinneqartarnerat pillugu erseqqinnerusunik malittarisassiorsinnaavoq.

§ 29. (Atorunnaarsinneqarpoq)

Kapitali 5 a

(Kalaallit Nunaannut atortuulersinneqanngilaq)

Kapitali 6

Najugaqarsinnaanermut akuersissummut, anisitsinermut itigartitsinermullu malittarisassat assigiinngitsut

§ 30. Nunani allamioq kapitali 1-mi aamma 3-5-imi malittarisassat malillugit Kalaallit Nunaanniinnissamik pisinnaatitaanngitsoq, Kalaallit Nunaat qimallugu aallassaaq.

Imm.2. Nunani allamioq nammineq piumassutsiminik aallanngippat, politiit aallarnissaq isumagissavaat. Indenrigsministeri Kalaallit Nunaanni naalakkersuisunik isumaqatiginninniareerluni tassunga erseqqinnerusunik maleruagassiussaaq.

Imm.3. Nunani allamiup aallartinissaanik suliamik suliarinninnissamut atugassatut Udlændingestyrelsen Flygtningenævnet nunani allamioq akuersiteqqaarnagu allagaatit § 7 malillugu Kalaallit Nunaani najugaqarsinnaaneranut suliami ilaasut tamaasa politiinut ingerlateqqissavai, § 7 malillugu Kalaallit Nunaanni najugaqarsinnaanermut inaarutaasumik itigartitsisoqareerpat, imaluunniit nunani allamiup tamanna pillugu qinnuteqaatini taamaatiinnarpagu.

§ 31. Nunani allamioq nunamut, pineqartup qimaasut pillugit isumaqatigiisummi ulloq 28. juli 1951-meersumi, artikel 1 A-mi tunngavinnik taaneqartut malillugit malersorneqarsinnaaneranik aarlerinaateqartumut, imaluunniit nunani allamioq nunamut taamaattumut ingerlateqqinneqarnissamut illersugaanngippat.

Imm.2. Imm. 1-mi aalajangersagaq taamatut aamma atuuppoq, § 7, imm. 2-mi pissutsit taaneqartut atuunneranni. Taamaattoq tamanna atuutinngilaq, nunani allamioq nunap isumannaatsuunissaanut navianartorsiortitsippat, imaluunniit nunani allamioq immikkut navianartumik pinerlunnermut inaarutaasumik eqqartuunneqareermermi, allat inuunerannut, timaannut, peqqissusaannut imaluunniit kiffaanngissusiannut navianartorsiortitsisinnaasok ilimagineqarpat.

§ 32. Eqqartuussissut aalajangerserluunniit, nunani allamiup Kalaallit Nunaannit anisitaaffigisaata, nunani allamiup Kalaallit Nunaannut visumia aamma Kalaallit Nunaanni najugaqarsinnaanermut akuersissutaata atorunnaarnera, nunanilu allamiup akuersissummik pigisaqarnani Kalaallit Nunaannut isersinnaananilu najugaqarsinnaannginnera (iseqqusaannginneq). Iseqqusaannginneq piffissamut killilerneqarsinnaavoq, aallarnerullu aallartinneqarnerullu kingorna qaammatip tulliata aallaqqaataanit naatsorsorneqassalluni. Iseqqusaannginneq piffissamit aallarfimmit aallartinneqarfimmilluunniit atuutilissaaq.

Imm.2. §§ 22-24 malillugu Kalaallit Nunaannit anisitaanermut atatillugu iseqqusaannginneq ima sivilisussuseqarpoq

- 1) Ukiut pingasut, nunani allamioq isumagineqartussanngorlugu imaluunniit pinerloqqinnermi pineqaatissinneqartussanngortinneqarpat imaluunniit qaammatit pingasut qaangernagit imaluunniit Kalaallit Nunaanni pinerluttaalisitsisarneq pillugu inatsimmi § 113 malillugu pineqaatissiisummik, kiffaanngissusiagaanermik

kiffaangissusiagaasinnaanermilluunniit periarfissiisumik, inatsisinik unioqqutitsinermik, isumagineqartussanngortinneqarnermik, imaluunniit pinerloqqinnermi pineqaatissinneqartussanngornermi imaluunniit taamatut sivistigisumik pinerlussimasunut inissiisarfimmiittussanngorlugu eqqartuunneqarnerani,

- 2) Ukiut tallimat, nunani allamioq qaammatit pingasut qaangerlugit taamaattoq ukiut ataaseq qaangernagit pinerluuteqarsimasunut inissiisarfimmiittussanngortinneqarpat, imaluunniit Kalaallit Nunaanni pinerluttaalisitsisarneq pillugu inatsimmi § 113 malillugu pineqaatissiisummik, kiffaangissusiagaanermik kiffaangissusiagaasinnaanermilluunniit periarfissiisumik taamatut sivistigisumik pinerlussimasunut inissiisarfimmiittussanngorlugu eqqartuunneqarnerani,
- 3) Ukiut qulit, 10 ár, nunani allamioq ukioq ataaseq qaangerlugu, taamaattoq ukiut marluk qaangernagit pinerluuteqarsimasunut inissiisarfimmiittussanngortinneqarpat, imaluunniit Kalaallit Nunaanni pinerluttaalisitsisarneq pillugu inatsimmi § 113 malillugu pineqaatissiisummik, kiffaangissusiagaanermik kiffaangissusiagaasinnaanermilluunniit periarfissiisumik taamatut sivistigisumik pinerlussimasunut inissiisarfimmiittussanngorlugu eqqartuunneqarnerani,
- 4) Atajuartumik, nunani allamioq ukiut marluk qaangerlugit imaluunniit Kalaallit Nunaanni pinerluttaalisitsisarneq pillugu inatsimmi § 113 malillugu pineqaatissiisummik, kiffaangissusiagaanermik kiffaangissusiagaasinnaanermilluunniit periarfissiisumik taamatut sivistigisumik pinerlussimasunut inissiisarfimmiittussanngorlugu eqqartuunneqarnerani.

Imm.3. Taamaattoq § 22, nr. 4-6 malillugu anisitaanermut atatillugu iseqqusaannginneq, ukiunut minnerpaamik tallimanut nalunaarutigineqartarpoq.

Imm.4. § 25 malillugu Kalaallit Nunaannit anisitaaneq atajuartutut nalunaarutigineqartarpoq.

§ 25 a aamma § 25 b malillugu Kalaallit Nunaannit anisitaaneq ukiumi ataatsimi atuuttussatut nalunaarutigineqartarpoq.

Imm.5. Politiitut oqartussaasoq anisitaanermik isumaginnittussaq, nunani allamiumut iseqqusaannginneq pillugu allakkatigut tunngavilersukkamillu nalunaarut kiisalu tassanga unioqqutitsinermut atasumik pinerluttulerinikkut akisussaaffimmik nalunaarut tunniutissavaa.

Imm.6. Kalaallit Nunaannut iseqqusaannginneq atorunnaassaaq, pineqartoq § 10, imm. 2-mi tunngavissatut taaneqartut §§ 7-9 malillugu Kalaallit Nunaanni najugaqarsinnaanermut akuersissummi nalunaarutigineqarpata.

Imm.7. Kalaallit Nunaannut iseqqusaannginneq Finlandimi, Islandimi, Norgimi imaluunniit Sverigemi naalagaaffimmi innuttaasumut nalunaarutigisaa kingusinnerusukkat atorunnaarsinneqarsinnaavoq, pissutsit immikkut tassunga pissutissaqalersitsippata.

Imm.8. Nunani allamioq, immikkut killilersuutinik isersinnaanermut aqqusaarlunilu angalasinnaanermut Naalagaaffiit Peqatigiinnit imaluunniit Den Europæiske Unionimit killiliutitut aalajangerneqartunut ilaatinneqartoq, akuersissuteqarnani Kalaallit Nunaannut isersinnaanani najugaqarsinnaanngilaq (iseqqusaannginneq). Iseqqusaannginneq nunani allamiup killilersuutinik iliuutsinut ilaatinneqarnera tamakkerlugu atuuppoq. Iseqqusaannginneq atorunnaassaaq, nunani allamioq killilersuutinik iliuutsinut ilaajunnaarpat imaluunniit nunani allamioq immikkorluinnaq patsiseqartumik Kalaallit Nunaanni najugaqarsinnaasutut nalunaarfigineqarpat.

§ 32 a. §§ 7-8 malillugu Kalaallit Nunaanni najugaqarsinnaanermut qinnuteqaammut

itigartitsissut imaluunniit atorunnaarsitsinermik aalajangernerit imaluunniit taamatut najugaqarsinnaanermik akuersissummik utertitsineq aamma, nunani allamiup, taassuma nammineq piumassutsiminik aallannginnerani, aallartinneqarsinnaaneranik aalajangernermik imaqassaaq, tak. § 31.

§ 33. Kalaallit Nunaanni najugaqarsinnaanermut qinnuteqaammik itigartitsissut, najugaqarsinnaanermik akuersissummik taamaattumik utertitsineq aamma §§ 25 a imaluunniit 25 b malillugu Kalaallit Nunaannit anisitsinissamik aalajangerneq aallarnissamut killiliussamik imaqassaaq. Taamattaq aalajangerneq imm. 3, oqaaseqatigiinni siullerni malittarisassat pillugit paasissutissamik imaqassaaq. Nunani allamioq, Danmarkimi inissinneqartoq, Kalaallit Nunaanni najugaqarsinnaanermik nalunaarfigineqarpat tak. § 42 a, imm. 1, tamanna pillugu aalajangiineq Danmarkimit aallarnissamik killiliussamik imaqassaaq.

Imm.2. § 53 a, imm. 3 malillugu Udlændingestyrelsi § 7 malillugu Kalaallit Nunaanni najugaqarsinnaanermut akuersissummik itigartitsissummik nalunaaruteqarpat, nunani allamiup ingerlaannartumik aallarnissaa peqqussutigineqarsinnaavoq. Tamanna aamma aallarnissamik killiliussamik nutaamik aalajangernermi atuuppoq, tamatumani aallarnissamut killiliussaq, Udlændingestyrelsi § 53 a, imm. 3 malillugu Kalaallit Nunaanni qimaasutut illersorneqarnissamik itigartitsineranik nalunaarnera eqqarsaatigalugu atuutsitsiinnarnissaq nalunaarutigineqarpat. Pisuni allani taamaallaat kinguartinneqarsinnaanngitsumit pisut ullunit 15-nit sivikinnerusut imaluunniit, nunani allamioq Finlandimi, Islandimi, Norgimi Sverigimiluunniit naalagaaffimmi innuttaassuseqarpat, imaluunniit nunani allamioq tikillugu Kalaallit Nunaanni najugaqarnissamut akuersissuteqarsimappat, qaammat ataaseq.

Imm.3. Imm. 1, oqaaseqatigiit siulliit malillugit aalajangerneq pineqartumut nalunaarutigineqarenerani maalaarutigineqarpat, nunani allamioq Finlandimi, Islandimi, Norgimi Sverigimiluunniit naalagaaffimmi innuttaappat, Kalaallillu Nunaanni najugaqarsimappat, imaluunniit Kalaallit Nunaanni najugaqarnissamut akuersissuteqarsimappat, maalaarutip aalajangerneqarnissaata tungaanut nunani allamioq Kalaallit Nunaanniisinnaatitaavoq. Aalajangerneq aalajangiusimaneqarpat, imm. 2, malillugu aallarnissamut killiliussamik nutaamik aalajangersaasoqassaaq.

Imm.4 § 9, imm. 2, nr. 2 malillugu Kalaallit Nunaanni najugaqarsinnaanermut akuersissummik qinnuteqaat, § 7 malillugu Flygtningenævni Kalaallit Nunaanni najugaqarsinnaanermut itigartitsissut tunniussimappagu, tamanna aallarnissap unitsinneqarneranik kinguneqassanngilaq. Qinnuteqaat taamaattoq, nunani allamiup qimaasutut pineqarnissamik qinnuteqaataa Udlændingestyrelsimi § 53 a, imm. 3 malillugu aalajangerneqarsimappat, aallarnissamullu piffissaliussaq qaangerneqarsimappat, aallarnissamik kinguartitsiviusinnaanngilaq.

Imm.5. Udlændingestyrelsi § 53 a, imm. 3 malillugu aalajangerneq Folketingip Ombudsmandianut maalaarutigineqarpat, taanna aalajangernermik atuutsitsiunnaassutaasinnaanngilaq.

Imm.6. Indenrigsministeriap aalajangigaa § 9, imm. 2, nr. 2 malillugu Folketingip ombudsmandianut suliarineqartussanngortinneqarpat, tamanna aallarnissamut piffissaliussamut tunngatillugu atorunnaarsitsissanngilaq, tamatumani suliasanngortitsineq erseqqissumik tunngavissaqanngitsutut isigineqarpat imaluunniit nunami allamiup allarnissaanut killiliussaq qaangiutereersimappat.

Imm.7. § 7 imaluunniit § 9, imm. 2, nr. 2 malillugu aalajangernermik suliarinneqqinnissamik qinnuteqarneq aallarnissamut killiliussamut tunngatillugu unitsitsiviusanngilaq, tamatumani oqartussap aalajangiisup tamanna pillugu

aalajangertuunera apeqqutaatillugu. Nunani allamiup aallarnissaanut piffissaliussaq qaangiutereersimappat, suliap suliareqqinnissaanik qinnuteqarneq aallarnissap unitsinneqarneranik kinguneqassanngilaq.

Imm.8. Kalaallit Nunaannit anisitaaneq eqqartuussinikkut pisimappat, politiit ingerlaannartumik aallarnissamut piffissaliussapput. Aallarnissamut piffissaliussaq piffissamit iperagaaffimmit napparsimavimmilluunniit angerlartinneqarnermit naatsorsorneqassaaq. Eqqartuussut pinerloqqinngikkaanni naammassineqartussaangippat imaluunniit anitsineq napparsimavimmut unitsitaanani katsorsarneqartussatut Kalaallit Nunaanni pinerluttaalisitsisarnermut inatsimmi § 113 naapertorlugu kiffaanngissusiagaanissamik periarfissalik, killiliussaq suliami inaarutaasumik eqqartuussinermi imaluunniit pineqartoq eqqartuussinermi najuussimanngippat, eqqartuussinernup nalunaarutigineqarneranit.

Imm.9. § 9 malillugu nunanit allamiumit iseqqusaanngitsumit, Kalaallit Nunaanni najugaqarsinnaanermut akuersissummik qinnuteqarneq, tak. § 10, imm. 2, aalajangermnik atuukkunnaarsitsissanngilaq, matumani oqartussaasup qinnuteqaammik suliarinnittup tassanga aalajangiisimanera pisimatinnagu.

Imm.10. Itigartinneqarnermik maalaarutiginninneq nunani allamiumik Kalaallit Nunaannut isernissamut pisinnaatitaaffiliinngilaq.

Imm.11. (Kalaallit Nunaannut atortussanngortinneqanngilaq).

§ 34. Nunani allamiup anisinneqarnissaanik imaluunniit Kalaallit Nunaannit itigartinneqarnissaanik imaluunniit nunani allamiup malittarisassani kapitali 1 aamma 3-5 malillugu Kalaallit Nunaanniinnissamut pisinnaatitaaffeqannginnera innersuussutigalugu anitsinermi, tamannalu pillugu aalajangernerup atuutilersinnissaata tungaanut, politiit nunani allamiup Kalaallit Nunaanniinnerata isumannaarnissaa pisariaqartutut nalilerpassuk nunani allamiup makku naammassissagai aalajangersinnaavaat:

- 1) Pasiminik, angalanermi kinaassutsimik uppersaasammik allamik aamma billetimik politiinut inissiissasoq,
- 2) Politiit annertussusiligaannik qularnaveeqqusiissasoq,
- 3) Politiit aalajangigaanni inissinneq aamma
- 4) Piffissani aalajangikkani politiinukartarnissaq.

Imm.2. Nunani allamiup Kalaallit Nunaanniinnerata qulakkeernissaa naapertuuttut isigineqarpat, nunani allamiup piffissami erseqqissumik taaneqartumi politiinut takkuttarnissaa aalajangersinnaavaat, makku atuuppata

- 1) Nunani allamioq Kalaallit Nunaannut isereernermini qimaasutut pineqarumalluni qinnuteqaammik tunniussippat, suliamilu paasissutissanut suleqataangippat, tak. § 40, imm. 1, oqaaseqatigiit siulliit aappaalu,
- 2) Nunani allamioq Udlændingestyrelsimi politiiniluunniit apersorneqarnissaminut, aggersarneqarsimaffimminut takkutinngippat,
- 3) (Kalaallit Nunaannut atortuulersinneqanngilaq)
- 4) Nunani allamioq Kalaallit Nunaanni Politimesterip nunani allamiup politimesterip erseqqinnerusumik aalajangigaanni inissiffimmik malinninngippat, tak. § 42 a, imm. 6 imaluunniit
- 5) Nunani allamiup Kalaallit Nunaannit aallarnissaa politiit isumagippassuk, nunanilu allamioq tassunga peqataangippat, tak. § 40, imm. 3 oqaaseqatigiit siulliit.

§ 35. Nunani allamioq tiggummigallarneqarsinnaavoq, nunani allamiup suliap ingerlanneqarnerani immaqalu ingerlatitseqqiinermi najuunnissaata qulakkeernissaa pisariaqartutut isigineqarnissaanut aalajangersimasunik patsisissaqarpat, Kalaallit

Nunaannit anisinneqarnissaanut aalajangertoqarsinnaanerata tungaanut, aamma:

- 1) Nunani allamioq Kalaallit Nunaanni aalajangersimasumik najugaqanngippat, nuanilu allamiup § 22-24 malillugu Kalaallit Nunaannit anisitaassutaasinnaasunik inatsisunik unioqqutitsisimaneranut tunngavissalimmik pasilliuteqartoqarpat.
- 2) Nunani allamioq Kalaallit Nunaannut iseqqusaannginnermut akerliusumik Kalaallit Nunaannut isersimappat.

Imm.2. Kalaallit Nunaanni eqqartuussisarnermut inatsit malillugu tigummigallagaanissamut aalajangersakkat sillimmartaarnissallu taarsiullugu atulersut, malinneqartullu. Tigummigallarneqarnerup sivisussusaa imaluunniit sillimmartaarnissalluunniit sivisussusaa piffimmi nunani allamiup tigummigallagaaffiani eqqartuussisumit aalajangerneqassaaq, taamaattoq tak. Kalaallit Nunaanni eqqartuussisarneq pillugu inatsimmi kapitali 1, § 13, imm. 2, Kalaallit Nunaanni Eqqartuussivimmi eqqartuussivittut siullertut aalajangersakkat.

§ 36. Pineqaatissiisutit § 34-mi taaneqartut itigartitsinissamut imaluunniit §§ 25 a aamma 25 b malillugu nunani allamiumik Kalaallit Nunaannit anisitsinissamut imaluunniit Kalaallit Nunaannit aallartitsinissamut, kapitalini 1-mi aamma 3-5 malittarisassat malillugit Kalaallit Nunaanniinnissamut pisinnaatitaanngitsumik, pineqartup kiffaanngissusiiagaanissaanik politiit aalajangersinnaapput. Nunani allamioq Kalaallit Nunaanni aalajangersimasumik najugaqarpat, pineqartoq taamaallaat § 25 malillugu Kalaallit Nunaannit anisinneqarnissaa qulakkeerniarlugu kiffaanngissusiiarneqarsinnaavoq. Nunani allamiup, § 7 malillugu Kalaallit Nunaanni najugaqarnissamik qinnuteqaataata § 53 a, imm. 3 suleriuseq malillugu suliarineqartussatut immikkoortinneqarnissaanik ilimagineqartoq immikkoortinneqartorluunniit, suliamik immikkut naliliinikkut kiffaanngissusiiagaasinnaavoq, tamatumani qimaasutut suliap suliarineqarnerata nalaani nunai allamiup Kalaallit Nunaanniinnissaa pisariaqartinneqarpat, tamatumani § 34-mi pineqaatissiisutit naammannginnerat tunngavissaatillugu.

Imm.2. Nunani allamioq kiffaanngissusiiarneqarsinnaavoq, pineqartup Kalaallit Nunaanni politimesterip inissinnissamik aalajangigaanik malinninngippat, tak. § 42 a, imm. 6. Nunani allamioq § 7 malillugu Kalaallit Nunaanni najugaqarnissamik qinnuteqaammik tunniussisoq, aamma kiffaanngissusiiagaasinnaavoq, nunani allamioq politiinit Udlændingestyrelsimilluunniit aggersarneqarluni apersorneqarnissamut takkutinngitsoorpat.

§ 37. Nunani allamioq § 36 malillugu kiffaanngissusiiarneqartoq, pineqartoq sioqqutsisumik iperarneqarsimanngippat, kiffaanngissusiiagaanerup aallartinneranit ullut unnuallu pingasut qaangiutsinnagit eqqartuussisumut, kiffaanngissusiiagaanerup inatsisinut naapertuunneranut apeqqummik, kiffaanngissusiiaanermillu nangitsinissamik isummertussamut, sassartinneqassaaq, taamaattoq tak. Kalaallit Nunaanni eqqartuussisarneq pillugu inatsimmi kapitali 1, § 13, imm. 2, aalajangernerit Kalaallit Nunaanni Eqqartuussivimmi eqqartuussivittut siullertut aalajangerneqartut. § 36 malillugu kiffaanngissusiiagaaneq Kalaallit Nunaanni Eqqartuussisarnermut inatsimmi kapitali 5, §§ 13-17 malillugit tigusarineqarnermut tapertaliullugu aallartinneqarpat, killiliussaq piffissamit tigusarineqarfimmit aallartissaaq. Eqqartuussisumut sassartitsineq piffimmi nunani allamiup tigummigallagaaffiani pissaaq. Kalaallit Nunaanni Eqqartuussisarneq pillugu inatsimmi kapitali 5, § 16, imm. 3, oqaaseqatigiit siulliit tulliillu aamma atortinneqassapput.

Imm.2. Eqqartuussisoq nunani allamiumut illersuisumik toqqaassaaq. Piffissaq kiffaanngissusiiagaanerup aallartiffia eqqartuussisumullu sassartitsineq eqqartuussiviup allattaavianut allanneqassaaq.

Imm.3. Eqqartuussisup aalajangernera aalajangernertut Kalaallit Nunaanni Eqqartuussivimmu ingerlateqqinneqarsinnaasutut aalajangerneqassaaq, taamaattoq tak. Kalaallit Nunaani Eqqartuussisarnermut inatsimmi kapitali 1, § 13, imm. 2, aamma kapitali 6, § 22, tak. § 12 Kalaallit Nunaanni Eqqartuussiviup eqqartuussivittut siullertut aalajangigai pillugit. Nunani allamioq piffissami aalajangiiffimmi kiffaanngissusiiarneqarpat, kiffaanngissusiiiaanerlu inatsisinut naapertuuttut isigineqarpat, tigummigallagaanerup sivitsorneqarnissaanut killiliussamik aalajangersaasoqassaaq. Piffissaliussaq taanna eqqartuussisumit sivitsorneqarsinnaavoq, taamaattoq sivilunerpaamik sapaatit akunneri sisamakkaarlugit. Kiffaanngissusiiiaaneq § 36, imm. 1, oqaaseqatigiit pingajui malilugit aallartinneqarpat, aalajangersagaq taanna malillugu kiffaanngissusiiagaaneq, § 36, imm. 1 oqaaseqatigiit pingajui malilugit kiffaanngissusiiiaanerup aallartiffianit sivilunerpaamik ullunut arfineq marlunnut aalajangerneqassaaq.

Imm.4. Kiffaanngissusiiiaanerup aallartinneranit politiit nunani allamiumut imm. 1 aamma imm. 2 oqaaseqatigiinni siullerni aalajangersakkat nunani allamiumut paasissutissiisutigissavaat. Taamattaq politiit nunani allamiup Kalaallit Nunaanni Danmarkimiluunniit nunagisamini aallartitaqarfirmik sinniisoqarfinnilluunniit attaveqarnissamut ilisimatissavaat imaluunniit, nunani allamioq § 7 malillugu Kalaallit Nunaanni najugaqarsinnaanermut akuersisummik qinnuteqarpat, Kalaallit Røde Korsianik sinniisumik.

Imm.5. Suliassanngortitsineri, tak. imm. 3, Kalaallit Nunaanit itigartitsineri anisitsinermulluunniit imaluunniit nunani allamiup kapitali 1, aamma 3-5-imi malittarisassat malilugit Kalaallit Nunaanni najugaqarsinnaanermik pisinnaatitaaffeqannginnera innersuussutigalugu Kalaallit Nunaannit anisitsineq unitsikkallarneqarsinnaanngilaq.

Imm.6. Kalaallit Nunaanni Eqqartuussisarneq pillugu inatsimmi kapitali 4, § 21, imm. 2-6 aamma § 22 taamatut assinganik aamma atuupput.

§ 37 a. Kalaallit Nunaanni Eqqartuussisarnermut inatsimmi kapitali 5, § 15 taamatut aamma nunani allamiumut § 36, imm. 2 malillugu kiffaanngissusiiagaasumut atuuppoq. Kalaallit Nunaanni Eqqartuussisarnermut inatsimmi kapitali 5, § 18 d, imm. 2, taamatut aamma nunani allamiumut atuuppoq, tigummigallagaaneq § 37, , tak. § 36, malillugu eqqartuussivimmit atuutsiinnarneqarpat.

§ 37 b. Nunani allamioq § 36 malillugu kiffaanngissusiiagaasoq, imaluunniit § 37, tak. § 36 malillugu tigummigallarneqarnera eqqartuussisumit attatiinnarneqartoq, kiffaanngissusiiagaanermi nalaani kiffaanngissusiiiaanerup siunertaanik aamma eqqissisimanissamik atuutsitsineri aamma inissinnarfimmi isumannaatsuunerup pisariaqalersitaanit allaanerusunit kiffaanngissusiiagaanngilaq. Kalaallit Nunaanni Eqqartuussisarneq pillugu inatsimmi kapitali 5, § 18 d, taamatut aamma atuuppoq.

Imm.2. (Kalaallit Nunaannut atortussanngortinneqanngilaq)

§ 37 c. (Kalaallit Nunaannut atortussanngortinneqanngilaq)

§ 37 d. Nunani allamioq § 36 malillugu kiffaanngissusiiagaasoq, imaluunniit § 37, tak. § 36 malillugu tigummigallarneqarnera eqqartuussisumit attatiinnarneqartoq, tamatigut nakkutigineqanngitsumik illersuisuminik pulaarneqarnissamut pisinnaatitaaffeqarpoq. Kiffaanngissusiiagaasoq § 7 malillugu Kalaallit Nunaanni najugaqarsinnaanermut qinnuteqartoq, taamattaq aamma Kalaallit Røde Korsianit sinniisumik nakkutigineqanngitsumik pulaarneqarnissamik pisinnaatitaaffeqarpoq.

Imm.2. (Kalaallit Nunaannut atortussanngortinneqanngilaq)

Imm.3. (Kalaallit Nunaannut atortussanngortinneqanngilaq)

Imm.4. (Kalaallit Nunaannut atortussanngortinneqanngilaq)

Imm.5. (Kalaallit Nunaannut atortussanngortinneqanngilaq)

§ 37 e. (Kalaallit Nunaannut atortussanngortinneqanngilaq)

Imm.2. Nunani allamioq §

Nunani allamioq § 36 malillugu kiffaanngissusiianeartoq, imaluunniit § 37, tak. § 36 malillugu eqqartuussisumit kiffaanngissusiiaanera sivitsorneqartoq, nakkutigineqanngitsumik illersuisuminik, Indenrigsministerimik, Udlændingestyrelsimik aamma Flygtningenævnmik allaqateqarsinnaanermut pisinnaatitaaffeqarpoq. Nunani allamioq § 7 malillugu Kalaallit Nunaanni najugaqarsinnaanermut qinnuteqartoq, pineqartoq taamattaq nakkutigineqanngitsumik Kalaallit Nunaanni Røde Korsimik allaqateqarsinnaanermut periarfissaqarpoq.

Imm.3. (Kalaallit Nunaannut atortussanngortinneqanngilaq)

Imm.4. (Kalaallit Nunaannut atortussanngortinneqanngilaq)

§ 37 f. (Kalaallit Nunaannut atortussanngortinneqanngilaq)

Kapitali 7

Nunani allamiup iserneranik, najugaqarneranik aamma allarneranik il.il. nakkutilliineq

§ 38. Nunap Schengenimut isumaqatigiisummut ilaanngitsup killeqarfiani, Kalaallit Nunaanni tikittunik aallartunillu nakkutilliinerit Schengenimi killeqarfinnut inatsiseqaqatigiinnermi artikeli 7 aamma 8 malillugu ingerlanneqassapput.

Imm.2.

Kalaallit Nunaanni tikittunik aallartunillu Savalimmiunut, Danmarkimut imaluunniit nunanut Schengenimut ilaasumut allamut killeqarfimmi nakkutilliineq ingerlanneqassanngilaq. Taamaattoq Schengenimi killeqarfinnut inatsiseqaqatigiinnermi artikeli 25 malillugu killeqarfimmi taamaattumi qaqutikkuinnaq nakkutilliineq pisinnaavoq.

Imm.3. Killeqarfikkut Schengenimut isumaqatigiisummut ilaanngitsuk Kalaallit Nunaannut iserneq aamma Kalaallit Nunaannit anineq, Schengenimi killeqarfinnut inatsiseqatigiinnermi artikel 5, 19 aamma 20 malillugu allatut aalajangertoqarsimatinnagu, taamaallaat Kalaallit Nunaanni killeqarfinnik ikaarfinni (umiarsualivinni mittarfinnilu), Kalaallit Nunaanni naalakkersuisunik isumaqatiginninniareernikkut Indenrigsministerimit akuerineqartuni, taamaallaat taakku ammanerisa nalaanni pisinnaavoq. Indenrigsministeri Kalaallit Nunaanni naalakkersuisunik isumaqatiginninniareerluni umiarsualiviit imaluunniit mittarfiit killeqarfimmi ikaarfittut akuerineqarneri pillugit erseqqinnerusunik malittarisassiorsinnaavoq.

Imm.4. Indenrigsministeri Kalaallit Nunaanni naalakkersuisunik isumaqatiginninniareerluni Kalaallit Nunaannut tikittunik aallartunillu misissuisarneq pillugu malittarisassanik erseqqinnerusunik aalangersaasinnaavoq, tassani politiit timmisartortitseqatigiit inniminniisarnermik atortorissaarutaannut isersinnaanerit, inuttat nunani allamiut Kalaallit Nunaanniissinnaanerit, inuttat nunani allamiut Kalaallit Nunaanni ikillutillu niusinnaanerit aamma pisussaaffiit umiarsuup naalagaanit silaannakkullu angallatini pisortanit akisussaaffigineqartut ilanngullugit.

Imm.5. Imm. 1, aamma imm. 2, oqaaseqatigiit aappaat malillugu Kalaallit Nunaannut tikittunik aallartunillu nakkutilliinermut atatillugu, politiit qamutini motoorilinni, umiarsuarni silaannakkullu angallatini nassatanut inissiivinnik inissiivinnillu matoqqasunik allanik misissuinissamik pisinnaatitaaffeqarput, taamaaliornermi inatsisit unioqqutillugit

Kalaallit Nunaannut isernissap allarnissallu pinissaa pinngitsoortinniarlugu.

Imm.6. Unioqutitsisumik naalagaaffimmi najugaqarallarneq pillugu pissutissaqartumik ilisimanninnermik pilersitsisut imaluunniit pissutsit piviusut, unioqutitsisumik naalagaaffimmi najugaqarallarneq pillugu, paasissutissat aamma misilittakkat tunngavigalugit imaluunniit unioqutitsisumik naalagaaffimmi najugaqarallarnermik pinaveersimatitsineq siunertarlugu, kinaassusiat, sumiuussusiat imaluunniit najugaqarallarsinnaatitaanerit inissilluarniarlugu, naalagaaffimmut isernerisa kingorna politiit inunnik unitsitsisinnaapput aamma nakkutilliisinnaallutik.

Imm.7. Politiit Kalaallit Nunaannut tikinnermi aallarnermiluunniit imaluunniit isersinnaanermik itigartitsinnermi imaluunniit Kalaallit Nunaanit anisitsinnermi nunani allamiup pasianut allatulluunniit angalanermi kinaassutsimik uppersaataanut naqitsisinnaapput. Indenrigsministeri Kalaallit Nunaanni naalakkersuisunik isumaqatiginninniareerluni politiit pasimik allatulluunniit angalanermi kinaassutsimut uppersaammik naqissusiisarnert pillugu erseqqarinnerusunik malittarisassiorsinnaavoq.

Imm.8. Politiit, naalagaaffimmut angalallutik isertut aamma anisut nakkutiginnissaannut aamma imm. 6-imi eqqaaneqartut nakkutilliinnermut, akitsuusigassanut oqartussaniit ilaasut pillugit paasissutissanik pisinnaapput.

Imm.9. Imm. 6-imi eqqaaneqartut nakkutilliineq pillugu, tassunga ilanngullugit ilaasut pillugit paasissutissanik politiit misissuisinnaanerit pillugu aamma normupladenik ilisarinnissutiniq atororissaarutit isumamineertut atorlugit katersukkat, qamutit assakaasullit pillugit paasissutissat aamma timmisartut naalagaasa aamma umiarsuarnik ingerlatitsisut akisussaaffigisaat pisussaffiit pillugit justitsministeri malittarisassanik erseqqinnerusunik aalajangersaassaaq.

§ 39. Nunani allamioq Kalaallit Nunaannut tikinnermini aamma najugaqarnermi aamma Kalaallit Nunaannit aallarnermi pasimik pappiaqqamilluunnit allamik, indenrigsministerip aalajangersagai malillugit angalanermi uppersaatatut atorneqarsinnaasumik pigisaqassaaq.

Imm.2. Indenrigsministeri pasip imaluunniit angalanermi kinaassutsimik uppersaatip qanoq annertutigisumik Kalaallit Nunaannut tikinnermi aallarnermiluunniit visumimik allaffigineqarnissaanut malittarisassiorsinnaavoq. Indenrigsministerip ilanngullugu Kalaallit Nunaanni naalakkersuisunik isumaqatiginninniareermermi visum pillugu erseqqarinnerusunik malittarisassiorsinnaavoq, tassani tassanga takunnissinnaaneq, visumip sivilissusaa aamma piumasaqaatit visumimut aalajangersarneqarsinnaasut ilanngullugit.

Imm.3. Pasi angalanermiluunniit kinaassutsimut uppersaat Kalaallit Nunaannut tikinnermi aallarnermilu pasimik nakkutilliisunut takutinneqassaaq, Kalaallit Nunaanniinnermilu piumaffigineqarnermi pisortatut oqartussanut takutinneqartassalluni. Savalimmiunit, Danmarkimit nunamilluunniit allamit Schengenimut ilaasumit Kalaallit Nunaannut tikinnermi imaluunniit Kalaallit Nunaannit Savalimmiunit, Danmarkimut nunamilluunniit allamut Schengenimut ilaasumut aallarnermi, pasi angalanermiluunniit kinaassutsimik uppersaat pasinik nakkutilliisumut takutinneqassanngilaq, tamatumani taamaallaat Schengenimi killeqarfinni inatsiseqatigiinnermi artikel 25, tak. § 38, imm. 2 malillugu nakkutilliinnermik ingerlatsisoqarnerani. Indenrigsministerip Kalaallit Nunaanni naalakkersuisunik isumaqatiginninniareermermi nunani allamiut Kalaallit Nunaanniinnerminni ataavartumik pasiminik angalanermiluunniit kinaassutsimut uppersaatiminik nassataqartarnissaannik aalajangersaasinnaavoq. Ilanngullugu Udlændinge- aamma integrationsministeri Kalaallit Nunaanni naalakkersuisunik isumaqatiginninniareermermi piumasaqaatinik nunani allamiut, Kalaallit Nunaannut isernermi najugaqarnermiluunniit visumeqartussanngitsunut, Kalaallit Nunaanniinnerminni

naammassisassaannut malitarisassanik erseqqinnerusunik aalajangersaasinnaavoq.

Imm.4. Imm. 1-3-mi aalajangersakkat Finlandimi, Islandimi, Norgimi Sverigimiluunniit naalagaaffimmi innuttaassuseqartunut, Kalaallit Nunaanni najugaqartunut, imaluunniit Savalimmiunit, Danmarkimit imaluunniit nunamit avannarlermit allamit isertunut atuutinngillat. Indenrigsministeri Kalaallit Nunaani naalakkersuisunik isumaqatiginninniareernermit nunani allamiut allat imm. 1 aamma 3-mi pisussaaffinnut ilaatikkunnaarsinnaavai.

Imm.5. Indenrigsministeri Kalaallit Nunaani naalakkersuisunik isumaqatiginninniareernermit, nunani allamiunut pasitaarsinnaanngitsunut, imaluunniit allanik patsiseqartumik pappiaqqamik taamaattumik pisariaqartitsisunut immikkut angalanermi kinaassutsimik uppersaammik tunniussisarneq pillugu malittarisassiorsinnaavoq. Angalanermi kinaassutsimik uppersaat, danskisut naalagaaffimmi innuttaassuseqartunut malittarisassat assinganik atuuttut malillugit imaluunniit tunniussinermut toqqammavik atorunnaarpat utertinneqarsinnaavoq.

§ 40. Nunani allamioq paasissutissanik inatsit una naapertorlugu Kalaallit Nunaannut akuersissummik tunniussisinnaanerup, utertitsisinnaanerup atorunnaarsitsisinnaanerulluunniit, imaluunniit nunani allamiup inatsisat malillugit Kalaallit Nunaaniinneranik nalilersornissaanut pisariaqartunik paasissutissiissaaq. Nunani allamioq aggeqquneqarnermi kingorna nammineerluni takkutissaaq, piumaffigineqarnerminilu pasini angalanermiluunniit kinaassutsimik uppersaatini inatsit naapertorlugu qinnuteqaammik suliarinninnermi atugassanngortillugu. Nunani allamiup paasissutissat oqaaseqatigiinni siullerni tullernilu taaneqartut paasissutissiissutigisai, kapitali 7 a-mi maleruagassat malillugit isertortumik paasiniaasartunut unnerluussisussaataasunullu ingerlateqqinneqarsinnaapput. Inuit allat suliap suliarineqarneranut paasissutissanik ilapittuisinnaasutut nalilernerqartut, oqaaseqatigiit siullerni paasissutissanik taaneqartunik nalunaaruteqarnissamik peqquneqarsinnaapput.

Imm.2. Nunani allamioq aningaasaqarnermik pissutsiminik, Udlændingestyrelsen nunani allamiumut, nunani allamiup inuutinneqarneranut aningaasartuutiniq utimut utertitsilluni akilinissaanut peqqusisinnaaneraniq naliliinissamut pisariaqartunik paasissutissiissaaq, tak. § 42 imm. 4.

Imm.3. Nunani allamiup Kalaallit Nunaannit aallarnera politiit isumagippassuk, nunani allamiup tamanna pillugu paasissutissat pisariaqartut nalunaarutigissavai, angalanermilu kinaassutsimut uppersaatinik visuminillu pisariaqartunik pissarsinnermut, Kalaallillu Nunaannit aallarnermut peqataaqataalluni. Eqqartuussisoq politiit qinnuiginninneratigut, pisariaqartutut isigineqarpat, nunani allamiup tamatumunnga peqataaqataanissamik kissaateqanngitsup, nunap angerlarsimaffigisap imaluunniit nunap allap sinniisoqarfianut sassartinneqassaaq, imaluunniit nunani allamiup inuiaasa iap, § 40 a, imm. 1 aamma 2 malillugu tigusat, nunap angerlarsimaffigisap nunalluunniit allap sinniisoqarfianut tunniunneqarsinnaanerut aalajangissavaa, taamaattoq tak. Kalaallit Nunaanni Eqqartuussisarneq pillugu inatsimmi kapitali 1, § 13, imm. 2, aalajangerneqartut. Eqqartuussisoq nunani allamiumut illersuisumik toqqaassaaq. Eqqartuussisup aalajangernera Kalaallit Nunaanni Eqqartuussivimmut ingerlateqqinneqarsinnaasutut aalajangerneqassaaq, taamaattoq tak. Kalaallit Nunaanni Eqqartuussisarneq pillugu inatsimmi kapitali 1, § 13, imm. 2, aamma kapitali 6, § 22, tak. § 12, aalajangerneqartut. Tunniussineq, tak. oqaaseqatigiit sisamaat, aalajangikkanik unitsitsigallarfiussanngilaq. Eqqartuussisup suliamik suliarinninnerani Kalaallit Nunaanni Eqqartuussisarneq pillugu inatsimmi kapitali

4, § 21, imm. 2-6 aamma § 22 aamma taamatut atuupput.

Imm.4. Inuk suliani paasissutissanik inatsimmut uunga attuumasunik oqaaseqarpat, nunani allamiumut oqartussat, oqaaseqaatip ilumoortuuneranik uppersaalluni oqaatigineqartuunissaa piumasarisinnaavaat.

Imm.5.

Pineqartoq eqqunngitsunik nalunaajaasoq imaluunniit allatut iliornikkut peqataaqataasoq imaluunniit nunani allamiup peqquserlulluni Kalaallit Nunaanni najugaqarsinnaalerneranumut peqataaqataasoq, aningaasartuutianumut naalagaaffiup nunani allamiup tikinneranumut, najugaqarneranumut aallarneranullu aamma nunani allamiumut suliamik suliarinninnermut aningaasartuutaanumut taarsiissaaq. Piumasaqaat akiliisitsiniarnikkut aningaasarsianilluunniit ilanngaaniikkut akilersinneqarsinnaavoq.

Imm.6. Suliani inatsimmut uunga tunngasuni paasissutissiinermi, eqqartuussivimmi apersuisoqarsinnaavoq, tak. Kalaallit Nunaanni Eqqartuussisarneq pillugu inatsimmi kapitali 8, § 1, aamma Kapitali 1, § 13, imm. 2, Kalaallit Nunaanni Eqqartuussivimmi, eqqartuussivittut siullertut aalajangerneqartut.

Imm.7. Allagaatip pigisallu, nunani allamiup kinaassusaanik imaluunniit nunanut allanut attuumassuteqarneranik aalajangersaanissamut sunniuteqartussatut nalilerneqartut, pisariaqartutut naliliinermi paarisassanngorlugit tiguneqarsinnaapput. Kalaallit Nunaanni Eqqartuussisarnermut inatsimmi kapitali 5, §§ 8-9 aamma 10-12 taamatut assinganik atuupput.

Imm.8. Nunani allamioq, § 7 malillugu Kalaallit Nunaanni najugaqarsinnaanermut akuersisummik qinnuteqartoq, Udlændingestyrelsimut politiinulluunniit inuttut aggeqquneqarnerminut patsiseqartumik aggersinnaanani nalunaaruteqarnani takkutinnitsoortup, § 7 malillugu Kalaallit Nunaanni najugaqarsinnaanermut qinnuteqaataa atorunnaassaaq. Aggeqqusineq takkutinnitsoornermi kinguneqaatinik paasissutissanik imaqassaaq. Udlændingestyrelsi pisuni immikkut ittuni, qinnuteqaatip atorunnaanginneranik aalajangersinnaavoq.

§ 40 a. Nunami allamiup

- 1) § 7, imm. 1 imaluunniit 2 malillugu, taamaattoq tak. imm. 11, najugaqarallarnissamut akuersisummik qinnuteqartup,
- 2) Den Europæiske Unionimi atasuunngitsumit nunamit, Kalaallit Nunaannut unioqqutitsisumik iseriaraluarnanumut atatillugu tigusaasup, aamma § 28 naapertorlugu itigartinneqanngitsup, tak. § 28, itigartitsineq pillugu aalajangiineq tunngavigalugu tigusaanerup aamma aallartitaanerup akornanni piffissami tamarmi nammineersinnaajunnaarsagaasimanani Kalaallit Nunaanniiginnartup, imaluunniit
- 3) § 7 imaluunniit § 8 malillugu, taamaattoq tak. imm. 11, nalunaarutigineqartumik najugaqarallarnissamut akuersisummik sivitsuinissaq pillugu qinnuteqartup, inuaasa ipaasaasa assilinerik ingerlaannaq toqqorsivimmut inissiisoqartassaaq.

Imm. 2. Ilanngullugu nunami allamiup,

- 1) (Kalaallit Nunaannut atuutilersinneqassanngilaq)
- 2) § 7, imm. 1 imaluunniit 2 malillugu najugaqarallarnissamut akuersisummik qinnuteqanngitsup, aamma itigartinneqartussap, Kalaallit Nunaanniit anisinneqartussap imaluunniit aallartussap, pineqartup allagaatai, pigisai, aningaasaqarnikkut pigisai allallu inuttut pigisai tunulequtaralugit, taassuma pineqartup tikeqqikkumaarnera aamma § 7, imm. 1 imaluunniit 2 malillugu, najugaqarallarnissamut akuersissut pillugu qinnuteqarumaarnera, aalajangersimasumik isummiutissallugu pissutigineqarpata,

- 3) pineqartup kinaassusersinissaa imaluunniit kinaassusianik nakkutilliinissaq siunertaralugu tamanna siunertamut naapertuuttutut nalilerneqarpat,
- 4) pineqartumut angalanissamut uppersarsaatiniq pissarsinissaq imaluunniit atuutilersitsinissaq siunertaralugu tamanna siunertamut naapertuuttutut nalilerneqarpat, imaluunniit
- 5) nunami allamioq § 58 g-mut ilaatinneqarpat,
- 6) (Kalaallit Nunaannut atuutilersinneqassanngilaq)
- 7) (Kalaallit Nunaannut atuutilersinneqassanngilaq) 8) (Kalaallit Nunaannut atuutilersinneqassanngilaq) inuaasa ipaasaasa assilinerik toqqorsivimmuq inissiisoqartarsinnaavoq.

Imm. 3. Imm. 1 imaluunniit 2 malillugu inussat ipaasaasa assilinerik toqqorsivimmuq inissiineq, politiit aqunneqartumi qarasaasiami nalunaarsuivimmi immikkut ittumi nalunaarsorneqarsinnaavoq. Nunani allamiut pillugit sulianik suliaqarnernut atatillugu politiit, Hjemrejestyrelsen (Angerlartitsisarnermut Aqutsisoqarfik) aamma Udlændingestyrelseni (Nunani allamiut pillugit Aqutsisoqarfik) nalunaarsuivimmik atuisinnaapput. Politiit nalunaarsuivimmuq, qarasaasiami paasissutissanut akisussaasutut, oqartussaasuupput.

Imm. 4. Nunani allamiut pillugit sulianik suliaqarnermut atatillugu, nunani allani nunani allamiut pillugit oqartussaasuniit pissarsiarineqartut inussat ipaasaat, imm. 3-mi eqqaaneqartumi qarasaasiami nalunaarsuivimmi nalunaarsorneqarsinnaapput.

Imm. 5. Imm. 3 aamma 4 malillugit imm. 3-mi eqqaaneqartumi qarasaasiami nalunaarsuivimmi nalunaarsorneqartut inussat ipaasaannik assilisat, inussat ipaasaasa assilinerinik toqqorsinerup ukiut qulit kingorna piiarneqartassapput.

Imm. 6. Imm. 3 aamma 4 malillugit imm. 3-mi eqqaaneqartumi qarasaasiami nalunaarsuivimmi nalunaarsorneqartut inussat ipaasaannik assilisat, nunami allamiup pineqartup kinaassusersineqarnissaanut atornissaanut, Kalaallit Nunaanni eqqartuussiveqarneq pillugu inatsimmi tamanna pillugu aalajangersakkat malillugit inussat ipaasa assilinerinik nammineq imaluunniit qarasaasiakkut sanilliussisoqarsinnaavoq.

Imm. 7. Kalaallit Nunaanni eqqartuussiveqarneq pillugu inatsimmi aalajangersakkat malillugit inussat ipaasa assilineri imaluunniit pinerluttulerinermik suliami uppersarsaatitut isumannaakkat, pinerluttulerinermik pissutsimik paasiniaanermut atugassatut, imm. 3-mi eqqaaneqartumi qarasaasiami nalunaarsuivimmi nalunaarsorneqartut inussat ipaasa assilinerinik nammineq imaluunniit qarasaasiakkut sanilliussisoqarsinnaavoq.

Imm. 8. Nunani tamalaani ujaasinermut atatillugu pissarsiarineqartut inussat ipaasaat, imm. 3-mi eqqaaneqartumi qarasaasiami nalunaarsuivimmi nalunaarsorneqartut inussat ipaasa assilinerinik nammineq imaluunniit qarasaasiakkut sanilliussisoqarsinnaavoq. Qarasaasiami nalunaarsuivimmi paasissutissat, nunani tamalaani ujaasinermut akissuteqarnissamut atornissaanut, nunani tamalaani politiini suleqatigiinnermut kattuffimmuq imaluunniit ujaasinermik aallakaatitsisumut nunami allami oqartussaasumut ingerlateqqinneqarsinnaapput.

Imm. 9. Nunani allamiut pillugit sulianik suliaqarnermut atatillugu, qarasaasiakkut imaluunniit nammineq inussat ipaasaasa assilineri, imm. 3 aamma 4 malillugit imm. 3-mi eqqaaneqartumi qarasaasiami nalunaarsuivimmi nalunaarsugaasut, nunami allamioq akuersiteqqaarnagu politiit, Hjemrejestyrelsenip (Angerlartitsisarnermut Aqutsisoqarfiup) aamma Udlændingestyrelsenip (Nunani allamiut pillugit Aqutsisoqarfiup) nunani allani nunani allamiut pillugit oqartussanut ingerlateqqissinnaavaat. Ilanngullugu, nunami allamiup kinaassusersinissaa imaluunniit angalanissamut uppersarsaatiniq atuutilersitsinissaq imaluunniit pissarsinissaq siunertaralugu, inussat ipaasaasa assilineri imm. 3 aamma 4

malillugit imm. 3-mi eqqaaneqartumi qarasaasiami nalunaarsuivimmi nalunaarsugaasut, angerlarsimaffittut nunagisaanut imaluunniit nunap allap sinniisoqarfianut imaluunniit nunani tamalaani politiit suleqatigiiffigisaannut kattuffimmut, politiit aamma Hjemrejsestyrelsenip (Angerlartitsisarnermut Aqutsisoqarfiup) ingerlateqqissinnaavaat.

Imm. 10. Inussat ipaasaasa assilineqarnerat, pissutsit apeqqutaallutik, sapinngisamik qajassuartumik pisassaaq. Taamatut iliuuseqarneq pisariaqassappat pissaanermik pisariaqartumik atuinikkut pisinnaavoq.

Imm. 11. Najugaqarallarnissamut uppersaammik kortimik atuutilersitsinissamut atorneqarsinnaasumik, qinnuteqartup timikkut peqqutaasut pissutigalugit inussat ipaasaannik tigusiffigineq ajornassappat, imm. 1, nr. 1 imaluunniit 3 malillugu inussat ipaasaannik assiliisoqassanngilaq. Nunami allamioq 18 inorlugit ukioqarpat, najugaqarallarnissamut uppersaammik kortimik atuutilersitsinissamut atorneqarsinnaasumik, qinnuteqartoq ingerlaqateqanngippat arfinilinnillu ukioqalereersimalluni, imaluunniit nunami allamiumut najugaqarallarsinnaanermut kortimik atuutilersitsinissaq pillugu qinnuteqaammik tunniussisoqarpat taamaallaat, imm. 1, nr. 1 imaluunniit 3 malillugu inussat ipaasaannik assiliisoqassaaq.

Imm. 12. Najugaqarallarnissamut uppersaammik kortimik atuutilersitsinissamut atorneqarsinnaasumik, inussat ipaasaannik assiliisoqarpat, imm. 3-miit 9-mut atuutissanngillat.

Imm. 13. (Kalaallit Nunaannut atuutilersinneqassanngilaq)

Imm. 14. Kinaassusersinissamut aamma kinaassutsimik nakkutilliinissamut, inussat ipaasaasa assilineri, imm. 1, nr. 1 aamma 3 malillugit assilisat, inussat ipaasa assilineqarnerisa kingorna ukiut 20-t, imaluunniit nunami allamioq najugaqarallarsinnaanermik akuersissummik nalunaarfigineqarpat, inussat ipaasaasa assilineqarnerisa kingorna ukiut qulit toqqortarineqartassapput. Inussat ipaasaasa assilineri, oqaaseqatigiit siulliit malillugit toqqortarineqartut, nunami allamioq qallunaatut innuttaassuseqarnissamut nalunaarfigineqarpat, piiarneqassapput.

Imm. 15. Inussat ipaasaasa assilineri, imm. 14 malillugu toqqortarineqartut, Udlændinge- og Integrationsministeriamit, Udlændingestyrelsenimit aamma Styrelsen for International Rekruttering og Integrationimit ingerlatarineqartumi, qitiusumik nalunaarsuivimmi nalunaarsorneqassapput.

Imm. 16. Inussat ipaasaasa assilineri, imm. 14 malillugu toqqortarineqartut, imm. 14-mi eqqaaneqartunut siunertanut, nunami allamiut pillugit oqartussanit, Udenrigsministeriamit aamma politiinit suliarineqarsinnaapput.

§ 40 b. Nunami allamiup § 7 malillugu najugaqarallarnissamut akuersissut pillugu imaluunniit, § 7 imaluunniit § 8 malillugu nalunaarutigineqartoq, taamaattoq tak. imm. 11, najugaqarallarnissamut akuersissummik sivitsuiniarneq pillugu qinnuteqartup, inuttut assinganik toqqorsivimmut inissiisoqartassaaq.

Imm. 2. Ilanngullugu nunami allamiup,

- 1) pineqartup kinaassusersinissaa imaluunniit kinaassusianik nakkutilliinissaq siunertaralugu tamanna siunertamut naapertuuttutut nalilerneqarpat,
- 2) pineqartup kinaassutsimut kortimik imaluunniit kinaassutsimut uppersaammik allamik atuutilersitsinissaq siunertaralugu tamanna siunertamut naapertuuttutut nalilerneqarpat,
- 3) pineqartumut angalanissamut uppersaatinik atuutilersitsinissaq imaluunniit pissarsinissaq siunertaralugu tamanna siunertamut naapertuuttutut nalilerneqarpat, imaluunniit

- 4) nunami allamioq § 58 g-mut ilaatinneqarpat, inuttut assinganik toqqorsivimmu inissiisoqartarsinnaavoq.

Imm. 3. Imm. 1 imaluunniit 2 malillugu inuttut assimik toqqorsivimmu inissiineq, politiit aqunneqartumi qarasaasiami nalunaarsuivimmi immikkut ittumi nalunaarsorneqarsinnaavoq. Nunani allamiut pillugit sulianik suliaqarnernut atatillugu politiit, Hjemrejsestyrelsen aamma Udlændingestyrelseni nalunaarsuivimmik atuisinnaapput. Politiit nalunaarsuivimmu, qarasaasiami paasissutissanut akisussaasutut, oqartussaasuupput.

Imm. 4. Nunani allamiut pillugit sulianik suliaqarnernut atatillugu, nunani allani, nunani allamiut pillugit oqartussaasuniit pissarsiarineqartoq inuttut asseq, imm. 3-mi eqqaaneqartumi qarasaasiami nalunaarsuivimmi nalunaarsorneqarsinnaavoq.

Imm. 5. Imm. 3 aamma 4 malillugit imm. 3-mi eqqaaneqartumi qarasaasiami nalunaarsuivimmi inuttut asseq nalunaarsorneqartoq, inuttut assimik toqqorsinerup ukiut qulit kingorna piiarneqartassaaq.

Imm. 6. Imm. 3 aamma 4 malillugit imm. 3-mi eqqaaneqartumi qarasaasiami nalunaarsuivimmi inuttut asseq nalunaarsorneqartoq, nunami allamiup pineqartup kinaassusersineqarnissaanut atornissaanut, Kalaallit Nunaanni eqqartuussisarnermik inatsimmi tamanna pillugu aalajangersakkat malillugit inuttut assimik nammineq imaluunniit qarasaasiakkut sanilliussisoqarsinnaavoq.

Imm. 7. Kalaallit Nunaanni eqqartuussisarnermik inatsimmi tamanna pillugu aalajangersakkat malillugit inuttut asseq toqqortarineqartoq, pinerluttulerinermik pissutsimik paasiniaafermut atugassatut, imm. 3mi eqqaaneqartumi qarasaasiami nalunaarsuivimmi inuttut assimik nalunaarsorneqartumik nammineq imaluunniit qarasaasiakkut sanilliussisoqarsinnaavoq.

Imm. 8. Nunani tamalaani ujaasinerfmut atatillugu inuttut asseq pissarsiarineqartoq, imm. 3-mi eqqaaneqartumi qarasaasiami nalunaarsuivimmi inuttut assimik nalunaarsorneqartumik nammineq imaluunniit qarasaasiakkut sanilliussisoqarsinnaavoq. Qarasaasiami nalunaarsuivimmi paasissutissat, nunani tamalaani ujaasinerfmut akissuteqarnissamut atornissaannut, nunani tamalaani politiini suleqatigiinnerfmut kattuffimmu imaluunniit ujaasinerf aallakaatitsisumut nunami allami oqartussaasumut ingerlateqqinneqarsinnaapput.

Imm. 9. Nunani allamiut pillugit sulianik suliaqarnernut atatillugu inuttut asseq qarasaasiakkut imaluunniit nammineq, imm. 3-mi aamma 4 malillugit imm. 3-mi eqqaaneqartumi qarasaasiami nalunaarsuivimmi nalunaarsugaasoq, naalagaaffiup iluani aamma nunani allani nunani allamiut pillugit oqartussanut, nunami allamioq akuersiteqqaarnagu politiit, Hjemrejsestyrelsen-ip aamma Udlændingestyrelsen-ip ingerlateqqissinnaavaat. Nunami allamiup kinaassusersinissaa imaluunniit angalanissamut uppersaatinik atuutilersitsinissaaq imaluunniit pissarsinissaaq siunertaralugu, inuttut asseq imm. 3 aamma 4 malillugit imm. 3-mi eqqaaneqartumi qarasaasiami nalunaarsuivimmi nalunaarsugaasoq, angerlarsimaffittut nunagisaanut imaluunniit nunap allap sinniisoqarfianut imaluunniit nunani tamalaani politiit suleqatigiiffigisaannut kattuffimmu, politiit aamma Hjemrejsestyrelsenip ingerlateqqissinnaavaat.

Imm. 10. Inuttut assimik tigusiniarneq, pissutsit apeqqutaallutik, sapinngisamik qajassuartumik pisassaaq. Taamatut iliuseqarneq pisariaqassappat pissaanermik pisariaqartumik atuinnikkut pisinnaavoq.

Imm. 11. Nunami allamioq 18 inorlugit ukioqarpat, najugaqarallarnissamut uppersaammik kortimik atuutilersitsinissamut atorneqarsinnaasumik, qinnuteqartoq ingerlaqateqanngippat nunami allamiumut najugaqarallarsinnaanermut kortimik atuutilersitsinissaaq pillugu qinnuteqaammik tunniussisoqarpat taamaallaat, imm. 1 malillugu

inuttut assimik assiliisoqassaaq.

Imm. 12. Najugaqarallarnissamut uppersarsaammik kortimik atuutilersitsinissamut atorneqarsinnaasumik imm. 1 malillugu inuttut assimik assiliisoqarpat, imm. 3-miit 9-mut atuutissanngillat.

Imm. 13. Kinaassusersinissamut aamma kinaassutsimik nakkutilliinissamut, inuttut assimik, imm. 1 malillugu assilisaq, assilineqarnerata kingorna ukiut 20-t, imaluunniit nunami allamioq najugaqarallarsinnaanermik akuersissummik nalunaarfigineqarpat, inuttut assimik assilineqarnerata kingorna ukiut qulit toqqortarineqartassapput. Inuttut asseq, oqaaseqatigiit siulliit malillugit toqqortarineqartoq, nunami allamioq qallunaatut innuttaassuseqarnissamut nalunaarfigineqarpat, piiarneqartassaaq.

Imm. 14. Inuttut asseq, imm. 13 malillugu toqqortarineqartoq, Udlændinge- og Integrationsministeriamit, Udlændingestyrelsenimit aamma Styrelsen for International Rekruttering og Integrationimit ingerlatarineqartumi, qitiusumik nalunaarsuivimmi nalunaarsorneqassaaq.

Imm. 15. Inuttut asseq, imm. 13 malillugu toqqortarineqartoq, imm. 13-imi eqqaaneqartunut siunertanut, nunani allamiut pillugit oqartussaasunit, Udenrigsministeriamit aamma politiinit suliarineqarsinnaapput.

§ 40 c. § 9, imm. 1, nr. 2-4, imaluunniit § 9, imm. 2, nr. 1 imaluunniit 4 malillugu najugaqarallarsinnaanermut akuersissut pillugu qinnuteqaammik suliaqarnermi, taassuma allatut uppersarsaasinnaanera naammaginartutut isigineqanngippat, imaluunniit qinnuteqartup oqaatigisaanit allaanerusequmut ilaqutariittut attuumassuteqarfeqarneranut aalajangiussinissaq siunertaralugu, najugaqarallarsinnaanermut akuersissummik tunngaviusussaq, qinnuteqartoq aamma ilaqutariittut atassuteqarfigisatut qinnuteqartup oqaatigisaa, taanna inuk, ilaqutariittut ataqatigiittoqarneranik aalajangiussisoqarnissaa siunertaralugu inuup sananeqaataanik dna-mik misissuisoqarnissaanut peqataassasoq, Udlændingestyrelsenimit aamma Udlændingenævnetimit piumasaqaatigineqarsinnaavoq. *Imm. 2.* Nunami allamioq ingerlaqateqanngitsoq, 18-it inorlugit ukioqarnerartoq, nunami allamiup utoqqaassusiata aalajangiunnissaa siunertaralugu, nakorsamit misissorneqarnissaminut peqataassasoq, Udlændingestyrelsenip piumasaqaatigisinnaavaa.

§ 40 d. (Kalaallit Nunaannut atuutilersinneqassanngilaq)

§ 40 e. Udlændingestyrelseni aamma Styrelsen for International Rekruttering aamma Integrationi § 1-imut ilaatinneqanngitsoq aamma §§ 7-9 malillugit najugaqarallarsinnaanermut akuersissummik nalunaarfigineqartoq nunami allamioq pillugu paasissutissanik tulluittunik inaarutaasumik nalunaarsuineri:

- 1) Ateq,
- 2) ulloq inunngorfik,
- 3) nuna inunngorfik aamma
- 4) nunamut innuttaaffigisamut pissutsit, sullissinerminnik systemiminni suliarissavaat.

§ 40 f. Kinaassusersinissamut aamma kinaassutsimik nakkutilliinissamut, § 9 malillugu najugaqarallarsinnaanermut akuersissut pillugu qinnuteqartup, imaluunniit najugaqarallarsinnaanermut akuersissummik, § 9 malillugu nalunaarutigineqartumik, taamaattoq tak. imm. 3 aamma 4, sivitsuineq pillugu qinnuteqartup, nunami allamiup inuaasa ipaasaannik inuttullu assinganik tiguisoqassaaq.

Imm. 2. Imm. 1 malillugu inussat ipaasaannik aamma inuttut assimik tigusat, Udlændinge- og Integrationsministeriamit, Udlændingestyrelsenimit aamma Styrelsen for International Rekruttering og Integrationimit ingerlanneqartumi, qitiusumik nalunaarsuivimmi

nalunaarsorneqassapput.

Imm. 3. Nunami allamioq 18-it inorlugit ukioqarpat, aamma nunami allamioq angajoqqaatut akisussaassusermik pigisaqartumi aalajangersimasumik najugaqassasoq siunertaalluni, imm. 1 malillugu inuttut assimik tiguisoqassanngilaq.

Najugaqarallarnissamut akuersissummik atuutilersitsinermut atugassamik nunami allamiumik assiliisoqarpat, oqaaseqatigiinni siullerni ilaatitsinnginneq atuutinngilaq.

Imm. 4. Nunami allamioq timikkut peqquteqartumik pisinnaanngippat, imm. 1 malillugu inussat ipaasaannik assiliisoqassanngilaq. Ilanngullugu nunami allamioq 18-it inorlugit ukioqarpat, aamma nunami allamioq angajoqqaatut akisussaassusermik pigisaqartumi aalajangersimasumik najugaqassasoq siunertaalluni, imaluunniit nunami allamioq arfinillit inorlugit ukioqarpat, imm. 1 malillugu inussat ipaasaannik assiliisoqassanngilaq.

Najugaqarallarnissamut akuersissummik atuutilersitsinissamut atugassanik, nunami allamiup inuaasa ipaasaannik tiguisoqarpat, oqaaseqatigiit aappaanni ilaatitsinnginneq atuutinngilaq.

Imm. 5. Imm. 1 malillugu inussat ipaasaannik aamma inuttut assimik tigusat, inussat ipaasaannik aamma inuttut assimik tigusinerup kingorna ukiuni 20-ni imaluunniit nunami allamioq najugaqarallarnissamut akuersissummik nalunarfigineqarpat, inussat ipaasaannik aamma inuttut assimik tigusinerup kingorna, ukiuni qulini toqqortarineqartassapput. Inussat ipaasaannik assilisat aamma inuttut assit, oqaaseqatigiit siulliit malillugit toqqortarineqartut, nunami allamioq qallunaatut innuttaassusermik nalunaarfigineqarpat, piiarneqassapput.

Imm. 6. Inussat ipaasaannik assilisat aamma inuttut assit, imm. 1 malillugu tigusat, imm. 1-imi eqqaaneqartunut siunertanut nunani allamiut pillugit oqartussaasunit, Udenrigsministeriamit aamma politiinit suliarineqarsinnaapput.

§ 40 g. Kinaassusersinissamut aamma kinaassutsimik nakkutilliinissamut, visumimik inatsiseqatigiinnermi malittarisassat naapertorlugit taamaattoq tak. imm. 3, Kalaallit Nunaanni visumi pillugu qinnuteqartup nunami allamiup, inuaasa ipaasaannik inuttullu assinganik tiguisoqassaaq.

Imm. 2. Imm. 1 malillugu inussat ipaasaannik aamma inuttut assimik tigusat, Udlændinge- og Integrationsministeriamit, Udlændingestyrelsenimit aamma Styrelsen for International Rekruttering og Integrationimit ingerlanneqartumi, qitiusumik nalunaarsuivimmi nalunaarsorneqassapput.

Imm. 3. Visumimik inatsiseqatigiinneq malillugu piumasaqaammut tamatumunnga nunami allamioq pisussaatinneqanngippat, imm. 1 malillugu inussat ipaasaannik assiliisoqassanngilaq.

Imm. 4. Imm. 1 malillugu inussat ipaasaannik aamma inuttut assimik assilisat, inussat ipaasaannik aamma inuttut assiliinerup kingorna ukiuni qulini, imaluunniit nunami allamioq qallunaatut innuttaassusermik nalunaarfigineqarnissaata tungaanut, toqqortarineqassapput.

Imm. 5. Imm. 1 malillugu inussat ipaasaannik aamma inuttut assimik assilisat, imm. 1-imi eqqaaneqartunut siunertanut nunani allamiut pillugit oqartussaasunit, Udenrigsministeriamit aamma politiinit suliarineqarsinnaapput.

§ 40 h. (Kalaallit Nunaannut atuutilersinneqassanngilaq)

§ 40 i. Nunani allamiut kinaassusiinik aalajangiussinissaq aamma nakkutilliinissaq pillugu apeqqummut naleqqiullugu, tamanna oqartussasut suliasamik isumaginninnissaannut pingaaruteqaraangat, Nationalt ID-centeri (Nuna tamakkerlugu Kinaassutsinut katersuivik) Kalaallit Nunaanni pisortani oqartussanut oqaaseqaatinik tunniussisarpoq aamma siunnersuisarluni ikiuteqartarlunilu. Nationalt ID-centeri kinaassutsimut attaveqaatinik ilanngullugu pilersitsissaaq.

Imm. 2. Udlændinge- aamma integrationsministerip imm. 7 malillugu, imm. 1-imut ilaatinneqassasut aalajangersinnaasaatut, pisortani oqartussaasut, centerip ingerlatsinermut

isumaginninnissaanut ingerlatitseqqiinerit pisariaqarpata, nunami allamioq akuersiteqqaarnagu paasissutissanik ilaatillugit nunami allamiup inuttut nammineq pissutsit atugai aamma paasissutissat isertuussat allat pillugit, Nationalt ID-centerimut ingerlatitseqqiisinnaapput.

Imm. 3. Paasissutissat, imm. 2 malillugu Nationalt ID-centerip tigusai, center-imit aqunneqartumut qarasaasiami paasissutissaasivimmuut nalunaarsorneqarlutik toqqorneqassapput, imm. 1-imilu oqaaseqatigiinni siullerni eqqaaneqartunut siunertanut centerimit suliarineqarsinnaallutik.

Imm. 4. Tamakkiisumik arlaannaannulluunniit attuumassuteqarani Nationalt ID-centerip atuuffini ingerlatarissavai.

Imm. 5. Nationalt ID-centerip pingaarnertut periusissiasaanik, pingaarnersiugassaanik aamma suliniuteqarfissatut susassaqrfinik taamatullu centerip piffissaq ungasissoq eqqarsaatigalugu ingerlanneqarnissaanut aamma ineriartornissaanik najoqqatassanik aalajangersaaneq, Nationalt ID-centerimi attaveqaataasussani ingerlanneqassaaq. Nationalt ID-centerip pisortaa attaveqaataasussat ataatsimiinnerinut peqataasassaaq.

Imm. 6. Nationalt ID-centeri ukiumoortumik ingerlatani pillugit udlændinge- aamma integrationsministerimut nalunaarusiamik tunniussisassaaq. Nalunaarusiaq tamanut saqummiunneqartassaaq.

Imm. 7. Udlændinge- aamma integrationsministerip Naalakkersuisut isumaqatigiinniaqatigereerlugit, pisortani oqartussaasut sorliit imm. 1-imut ilaatinneqassanersut pillugu erseqqarinnerusumik malittarisassanik aalajangersaasinnaavoq.

§ 41. Indenrigsministerip Kalaallit Nunaanni naalakkersuisunik isumaqatiginninniareerluni, nunani allamiut naalagaaffiup isumannaatsuunissaa eqqarsaatigalugu imaluunniit tamat eqqisissimanissat isumannaarniarlugu pisortanut oqartussanut nalunaarnissamut pisussaaffeqarnerat pillugu maleruagassiorsinnaavoq.

§ 42. Indenrigsministerip Kalaallit Nunaanni naalakkersuisunik isumaqatiginninniareerluni maleruagassiorsinnaavoq, kingornalu akilerneqarlutik akilerneqarnatilluunniit Kalaallit Nunaanni nunani allamiunut illusimatitsisut imaluunniit tammaarsimaffimmik atugassanngortitsisut, nunani allamiunik tikeraanik allattuisassapput, taakkulu Kalaallit Nunaannut tikinnerat aallarnerallu politiinut nalunaarutigisassallugu. Allattaavik sukkuulluunniit politiinut takutinneqarsinnaasussaavoq.

Imm. 2. Nunani allamiut imm. 1-mi pisussaaffik malillugu paasissutissanik pisariaqartunik nalunaarutiginnittassapput.

Imm. 3. Indenrigsministeri Kalaallit Nunaanni naalakkersuisunik isumaqatiginninniareerluni imm. 1-mi nunani allamiunik tikeraanik allattuiffinnut taaneqartunut erseqqarinnerusunik malittarisassiorsinnaavoq, tassani allattuiffiit ilusaat, imarisaat kiisalu paasissutissanik nunani allamiut imm. 2 malillugu nalunaarutigisassaannik, pappiaqqanik nunani allamiut takutitassaannik aningaasartuutinullu isumagisassaannut, imm. 1 malillugu allattuiffimmik ingerlatsinissamut.

§ 42 a. Udlændingestyrelsip Kalaallit Nunaanni naalakkersuisunik isumaqatiginninniareerluni, nunani allamiup § 7 naapertorlugu Kalaallit Nunaanni najugaqarsinnaanermut qinnuteqaammik tunniussisimasup, danskit nunanut allamiunut inatsisaanni § 7 malillugu Danmarkimi nunanut allanut inissiivimmiissanera pillugu aalajangiissaaq. Danskit nunani allamiunut inatsisaanni §§ 34-37 f, § 4, imm. 3, 6 aamma 7, § 42 a, imm. 1, oqaaseqatigiit siulliit, aamma imm. 2-9, §§ 42 b-42 d, aamma § 43, imm. 1, 2

aamma 5, aamma malitassat taakku malillugit atulersinneqartut atuutissapput. Inatsit una malillugu nunani allamioq, Danmarkimi inissivimmiittoq, tak oqaaseqatigiit siulliit, Kalaallit Nunaannit aallartussaassappat, Danmarkimut aallarnissaq piffissap aalajangerneqartup iluani pissaaq, tak. § 33. Nunani allamioq Danmarkimi inissinneqartoq, tak. oqaaseqatigiit siulliit, Kalaallit Nunaanni najugaqarnissamik akuerineqarpat, Danmarkimit aallarnissaq piffissap aalajangerneqartup iluani pissaaq, tak. § 33. Nunani allamioq Danmarkimi inissinneqartoq, tak. oqaaseqatigiit siulliit, danskit nunanut allamiunut inatsisaanni malittarisassat malillugit Danmarkimit anisinneqarsinnaavoq.

Imm.2. Imm. 1-mi taaneqartutut nunani allamiup Udlændingestyrelsip tamanna pillugu aalajangersagaa malillugu Danmarkimut nuunneqarnissaata tungaanut, tak. imm. 1, oqaaseqatigiit siulliit, nunani allamiup Kalaallit Nunaanni pilersorneqarnera Udlændingestyrelsip isumagissavaa, taamaattoq tak. imm. 3 aamma 4. Nunani allamioq imm. 1 imaluunniit imm. 2, oqaaseqatigiit siulliit ilaatinneqanngitsoq, malittarisassat kapitali 1 aamma 3-5 malillugit Kalaallit Nunaanni najugaqarnissamut pisinnaatitaaffilerneqanngippat, nunani allamiup pilersorneqarneranut aningaasartuutit, nunani allamiup pilersorneqarnera eqqarsaatigalugu pisariaqarpat, Udlændingestyrelsimat matussuserneqassapput, taamaattoq tak. imm. 3 aamma 4.

Imm.3. Imm. 2 atuutissanngilaq:

- 1) Nunani allamioq § 1 imaluunniit 5, imm. 2, imaluunniit § 9 malillugu Kalaallit Nunaanni najugaqarsinnaanermut akuersissumut malillugu inatsisit malillugit Kalaallit Nunaanni najugaqarpat.
- 2) Nunani allamioq inummik Kalaallit Nunaanni najugaqartumik katissimappat, tamatumani pissutsit immikkut ittut atuutsillugit.
- 3) Nunani allamiup najugaqarfia ilisimaneqanngippat.
- 4) Nunani allamioq inatsit allat malillugit pilersorneqarnissamut ikiorneqarnissamut pisinnaatitaaffeqarpat. Taamaattoq imm. 2, oqaaseqatigiit siulliit atuutissapput, nunani allamiup Kalaallit Nunaanni pisortanit ikiorsiisarneq pillugu peqqussummi pilersorneqarnermut pisinnaatitaaffeqarnera apeqqutaatinnagu.

Imm.4. Nunani allamiup imm. 2, tak. imm. 3-mut ilaatinneqartup, tassunga naammattunik aningaasaatillip, nammineq illoqatigisamiluunniit pilersorneqarnerannut aningaasartuutai matussuserneqassannginnerat, udlændingestyrelsip aalajangersinnaavaa. Taamattaq Udlændingestyrelsip nunani allamiup pilersorneqarneranut matussusiinissaanik nunani allamioq peqqusinnaavaa, nunani allamioq naammattumik tassunga aningaasaateqarpat. Udlændingestyrelsip pilersorneqarnermut aningaasartuutit naatsorsorneqarnerannut malittarisassanik erseqqinnerusunik aalajangersaasinnaavoq, tassani piffissami taaneqartumi ikiorsiissummut agguaqatigiissitsinikkut akinik aalajangersaaneq ilanngullugu. Pilersorneqarnermut aningaasartuutit arsaarinninnikkut aningaasarsianilluunniit ilanngaateqarnikkut akilersinniarneqarsinnaapput.

Imm.5. Kalaallit Nunaanni politimesterip nunani allamiut imm. 2, tak imm. 3 taaneqartut, Kalaallit Nunaanni inissinneqarnerat isumagissavaa, aammalu imm. 2, tak. imm. 3 aamma 4, pilersorneqarnermut aningaasartuutit taaneqartut. Kalaallit Nunaanni politimesterip oqaaseqatigiit siulliit malillugit aningaasartuutai Udlændingestyrelsimat matussuserneqassapput.

Imm.6. Nunani allamiut imm. 2, tak. imm. 3-mi taaneqartut, namminerluunniit imminut pilersorneqarnissamut naammattunik aningaasaateqaraluarnerat apeqqutaatinnagu, Kalaallit Nunaanni politimesterip ersarinnerusumik aalajangigaani najugaqarnissaat, Kalaallit Nunaanni politimesterip aalajangersinnaavaa, pisariaqartinneqarpat Danmarkimi.

Imm.7.

Nunani allamiup imm. 2, tak. imm. 3-mut ilaatinneqartup, nerisat inigisaq peqqinnissakkullu ikiorsiissutit kisiisa pinnagit, pilersorneqarnerminut aningaasartuutininik matussusiivigineqannginnissaa Udlændingestyrelsen aalajangersinnaavaa, makku atuuppata

- 1) Nunani allamioq Udlændingestyrelseni politiiniluunniit, aggersarneqarfigisamini apersorneqarnissamut takkutinngippat,
- 2) (Kalaallit Nunaannut atortussanngortinneqanngilaq)
- 3) Nunani allamiup Kalaallit Nunaanni politimesterip nunani allamiup najugaqarfissatut Kalaallit Nunaanni politimesterip erseqqinnersumik aalajangigaanik malinninnginnerani, tak. imm. 6,
- 4) Nunani allamiup § 34-mi taaneqartumik pineqatissiisummik politiit aalajangigaanik malinninnginnerani,
- 5) (Kalaallit Nunaannut atortussanngortinneqanngilaq)
- 6) Nunani allamioq nalunaarfigineqarnissamik, aallarnermik nakkutilliinissamik imaluunniit Kalaallit Nunaanni anisinneqarnissaq siunertaralugu politiit ujarneqartoq, imaluunniit
- 7) Nunani allamiup Kalaallit Nunaanniit aallarnera politiit isumagineqarpat aamma nunani allamioq tamatuma suleqataannippat, tak. § 40, imm. 3, oqaaseqatigiit siulliit.

Imm.8. Pissutsit immikkut ittut allatut pinissaq pissutissaqartinngippassuk, nunani allamiumut, Kalaallit Nunaannut tikinnermi isereermiluunniit qimaasutut pineqarnissamut qinnuteqartumut, suliamilu paasissutissanik suleqataannagitsumut, tak § 40, imm. 1, oqaaseqatigiit siulliit aamma tulliit, nerisat, ineqarneq peqqinnissamullu ikiorsiissutit kisiisa pinnagit, pilersorneqarnerminut aningaasartuutininik matussusiivigineqannginnissaa Udlændingestyrelsen aalajangissavaa.

§ 42 b. Indenrigsministerip Kalaallit Nunaanni naalakkersuisunik isumaqatiginninniareerluni nunani allamiup Kalaallit Nunaanni najugaqartup taamatullu § 42 a, imm. 2, tak. imm. 3-mut ilaatinneqartup, allanik allalluunniit pigisaannik aseruisup, nunani allamiut pineqartut taakkuluunniit pigisaat eqqorneqartut taarsiivigineqarnissaat pillugu erseqqinnerusunik malittarisassiorsinnaavoq. Indenrigsministeri Kalaallit Nunaanni Naalakkersuisunik isumaqatiginninniareermermi ajoqusiinernut taamaattunut sillimmasineq pillugu malittarisassanik erseqqarinnerusunik aalajangersaasinnaavoq. Aningaasartuutit tassunga attuumassuteqartut naalagaaffimmit isumagineqassapput.

§ 42 c. Meeqqat atuartinneqartussaasutut ukioqartut, Kalaallit Nunaanni najugaqartut § 42 a, imm. 2, tak. imm. 3-mullu ilaatinneqartut, atuartitsinermermi peqataasussaapput.

Imm.2. Nunani allamiunut allanut, Kalaallit Nunaanni najugaqartunut § 42 a, imm. 2, tak. imm. 3-mullu ilaatinneqartunut, atuartitsinissamik neqeroorummik aaqqissuussisoqarsinnaavoq.

Imm.3. (Kalaallit Nunaannut atortussanngortinneqanngilaq)

§ 42 d. (Kalaallit Nunaannut atortussanngortinneqanngilaq)

Imm.2-3. (Kalaallit Nunaannut atortussanngortinneqanngilaq)

Imm.4.

Nunani allamioq Kalaallit Nunaanni najugaqartoq, § 42 a, imm. 2, tak. imm. 3-mullu ilaatinneqartoq, akissarsiaqarnani ikiuiniarnermi sulinermermi namminerluunniit piumassutsini malillugu sulinermermi allami peqataasinnaavoq.

Imm.5-7. (Kalaallit Nunaannut atortussanngortinneqanngilaq)

§ 43. (Kalaallit Nunaannut atortuulersinneqassanngilaq)

Imm.2. Nunani allaneersup Kalaallit Nunaanniit aallarnera politiit isumagippassuk, nunani

allaneersumut attuumassuteqartut aningaasartuutit nunani allaneersup akilissavai. Nunani allaneersup aningaasaatai naammangippata naalagaaffiup karsiata akilerallassavai.

Imm.3. Naalagaq, angallammut silaannakkoorummilluunniit ingerlatsisoq, nunani allaneersumik Kalaallit Nunaannut eqqussisoq, aammalu nunani allaneersup Kapitali 5-imil malittarisassat naapertorlugit itigartinneqarsimappat, taassuma nunami sinniisorisaa naalagaaffimmut aningaasartuutaanngitsumik nunani allaneersup piaartumik Kalaallit Nunaannit aallarnissaa imaluunniit Kalaallit Nunaanniit uternissaa isumagissallugu pisussaavoq. Angallat imaluunniit silaannakkoorutaasoq inuttanit qimanneqartillugu imaluunniit qimataasoqartillugu isertortumilluunniit ilaasup angallammut imaluunniit silaannakkoorummut imaluunniit aallartitsinermut najugaqarnermulluunniit naalagaaffiup aningaasartuutigisaanik taarsiinissamut pisussaaffeqarpoq. Taarsiissutissaq imm. 2-mi taaneqartup annertussusissaa pillugu Indenrigsministerip Kalaallit Nunaanni Naalakkersuisut isumaqatiginniarfigereerunigit sukumiinerusumik aalajangersaasinnaavoq.

Imm.4. Nunani allaneersup Kalaallit Nunaannut unioqqutitsilluni tikittumik imaluunniit najugaqartitsisoq, nunanilu allaneersumik Kalaallit Nunaanni sulinissamut akuersissutaateqanngitsumik, nunani allaneersup Kalaallit Nunaanniinnerani angerlarnissaanullu naalagaaffiup aningaasartuutigisimasaanik ikiuisoq taarsiissaaq.

Imm.5. Imm. 2-4 naapertorlugit piumasaqaat akiliussinikkut imaluunniit aningaasarsianik uninngatitsisoqarsinnaavoq.

Imm.6. Imm. 3-mi aamma 4-mi aalajangersakkani Kalaallit Nunaannut, Savalimmiunut, Danmarkimut imaluunniit Schengenlandinut isernermi atuutinngilaq. Taamaattoq Schengengrænsekodeksimi artikel 25, tak. § 38, Imm.2, aamma udlændinge- aamma integrationsministerimit § 59 a, imm. 2 malillugu aalajangiisoqarsimatillugu killeqarfikkoornermi nakkutilliineq atuutilersinneqarsimappat imm. 3 atuutsinneqassaaq.

§ 43 a. (Kalaallit Nunaannut atortuulersinneqassanngilaq)

§ 44. Kalaallit Nunaannut isernissamut visumimik qinnuteqarnermi malittarisassat aamma akiliutigineqartussaq pillugit Indenrigsministeri Kalaallit Nunaanni Naalakkersuisunik isumaqatiginninniærenerata kingorna malittarisassanik aalajangersarsinnaavoq.

Imm.2. Danskit nunanut angalasinnaanermut uppersaataannik nunani allamiunut tunniussinermi danskit passiannik tunniussinermi akiliutigineqartartup assinganik akiliuteqartoqartassaaq, tak. Kalaallit Nunaannut passi pillugu inatsit atuuttoq § 4 a.

§ 44 a. Udlæningestyrelsi aamma Nunanit Tamalaanit sulisussarsiornermut Akuunerulersitsinissamullu aqutsisoqarfik nunani allaneersup akuersiteqqaanngikkaluarlugu ataani allassimasut paasissutissanut tunngasut Naalakkersuisunut ingerlateqqissinnaavai,

- 1) §§ 7-9 naapertorlugit nunani allaneersup najugaqarsinnaanermut akuersissuteqarnerata atorunnaarsinneqarneranik nalunaaruteqartoqarsimanera imaluunniit § 5, imm. 2 malillugu najugaqarsinnaanermut akuersissutaarussimanera nalunaarutigineqarpat,
- 2) nunani allaneersup piffissami killiligaanngitsumi najugaqarnissamut akuersissutaateqartoq imaluunniit tamatumunnga itigarsimaneranik nalunaarfigineqarsimappat,
- 3) nunani allaneersup piffissami killilikkamik najugaqarsinnaanermut akuersissuteqarnissaa itigartitsissutigineqarluni piffissami killilikkami najugaqarsinnaanermut akuersissuteqarnera pillugu nalunaarfigineqarsimappat, tak. Nr. 2, imaluunniit
- 4) nunani allaneersup najugaqarsinnaanermut akuersissutaata sivitsorneqarnissaa akuerineqanngippat, atorunnaarpat imaluunniit arsaarinnissutigineqarsimappat, qulaani taaneqartut aallaavigalugit naammagittaalliutigineqartup inernera.

Imm.2. Udlæningestyrelsen Nunanit allaneersunut paasissutissiisarfik (UIP) nunani allaneersut inuttut paasissutissaataannik aamma nunani allaneersut najugaqarnerannut il.il. paasissutissanik imaqarpoq. Oqartussanut allanut suliniaqatigiiffinnullu namminersortunut nunani allamiunut inatsit malillugu kunngip peqqussutaatigut imaluunniit inatsisikkut allakkut Kalaallit Nunaannut atuuttussanngortinneqartukut oqartussat suliniaqatigiiffiilluunniit suliaannik isumaginninnerminni pisariaqartitaat malillugu UIP-mut atuisinnaanermut Udlæningestyrelsen akuersisinnaavoq.

Imm.3. Oqartussat suliniaqatigiiffiillu namminersortut Nunani allamiunut paasissutissanut nittartakkatigut (UIP) nunani allaneersaq akuersiteqqaarnagu UIP-mi paasissutissanik pisariaqartitaminnik aallerlutik imaluunniit kunngip peqqussutaanik imaluunniit inatsimmik allamik Kalaallit Nunaannut atuuttussanngortinneqartumik oqartussat suliniaqatigiiffiilluunniit namminersortut aalajangiiniarnermi atugassaminnik aallerlutik isersinnaapput.

Imm.4. (Kalaallit Nunaannut atortuulersinneqassanngilaq)

Imm.5. (Kalaallit Nunaannut atortuulersinneqassanngilaq)

Imm.6. Imm. 1-mi paasissutissat oqaatigineqartut Nunani allamiunut paasissutissanut nittartagaat aqutugalugu ingerlateqqinneqarsinnaapput.

Imm.7-11. (Kalaallit Nunaannut atortuulersinneqassanngilaq)

Imm.12. Udlæningestyrelsi aamma Nunanit Tamalaanit sulisussarsiornermut Akuunerulersitsinissamullu aqutsisoqarfik nunani allaneersaq akuersiteqqaarnagu qaammatini kingullerni pingasuni nunani allaneersup suliffigisimasaani sulisitsisoq sulisitsisusulluunniit oqartussat inatsit malillugu sullissinnerminni pingaaruteqartunik pisariaqarnera malillugu tunniussisinnaavoq.

Imm.3. Isertortumik paasiniaasartut nunani allaneersaq akuersiteqqaarnagu imm. 1-mi aamma 2-mi oqaatigineqartuni paasissutissanik imminnut paarlaateqatigiissinnaapput.

Imm.4. Isertortumik paasiniaasartut Udlæningestyrelsi, nunani allaneersumut tunngasunik nalunaarsuiffinnut, Nunanit tamalaanit sulisussarsiornermut akuunerulersitsinissamullu aqutsisoqarfiup, angerlarartitsinermut aqutsisoqarfik, Nunanut Allanut Akuunerulersitsiniarnermullu Ministereqarfik, Qimaasut Pillugit Aalajangiisartut aamma Nunanit allaneersut pillugit sillimaniarnermut tunngasuni suliat isertortumik paasiniaasartunut pingaaruteqartut aalajangiisartunit pissarsiariniarneqarneranni pisariaqartinneqartut nunani allaneersaq akuersiteqqaanngikkaluarlugu pissarsiariniarneqarsinnaapput.

Imm. 5 Nunanit tamalaanit sulisussarsiornermut Akuunerulersitsinissamullu Aqutsisoqarfik, Nunanut Allanut Ministereqarfik aamma isertortumik paasiniaasartut nunanit allaneersaq akuersiteqqaanngikkaluarlugu § 47, imm. 1-mut sulianut ilaasunik isertortumik paasiniaasartut sillimaniarnermut tunngasuni sulianik isumaginninnerminni imaluunniit Nunanut Allanut Ministereqarfiup § 47, Imm. 1 malillugu sulianik suliaqarnerminut tunngatillugu paasissutissanik paarlaaseqateqarsinnaapput.

§ 45 b. Inatsit una malillugu suliamik suliaqarnermi atorineqartussaq nunani allaneersaq naalagaaffimmut ulorianartorsiortitsisinnaaneranik isumaqarfigineqarnerisq Justitsministerip nalilissavaa. Naliliineq taamaattoq suliap aalajangiivigineqarnissaanut tunngaviusussaavoq.

Imm.2. Naliliinermut tunngatillugu, Imm. 1 malillugu sillimaniarneq tunngavigalugu paasissutissanut ilanngunneqartut nunani allaneersumut ingerlateqqinneqassanngitsut Justitsministeri aalajangiisinnaavoq. Paasissutissat 1-mi immikkoortumi oqaatigineqartut sillimaniarneq tunngavigalugu nunanut allanut oqartussaqaarfimmut suliami

aalajangiisussamut ingerlateqqinneqannginnissaat Justitsministerip ilanngullugu aalajangersinnaavaa.

§ 45 c. Udlændingestyrelsi, Nunat tamalaat akornanni sulisussarsiortarnermut Akuunerulersitsinissamullu Aqutsisoqarfik, Angerlarartitsinissamut Aqutsisoqarfik, Nunani Allamiunut Akuunerulersitsinissat ministereqarfik, Qimaasut Pillugit Aalajangiisartut aamma Udlændingenævnet Kalaallit Nunaanni imaluunniit Kalaallit Nunaata avataani pinerluuteqarsimatillugu qanoq unnerluutigineqassanersoq pillugu unnerluussisussaataitasut aalajangiinissaat siunertaralugu suliamut tunngatillugu nunanit allaneersoq akuersiteqqaanngikkaluarlugu paasissutissanik ingerlatitseqqissinnaapput.

Imm.2. Oqartussat Imm. 1-imi taaneqartut unnerluussisussaataitasup qinnuiginninneratigut nunanit allaneersoq akuersiteqqaanngikkaluarlugu inatsit manna malillugu inuit Kalaallit Nunaanni imaluunniit Kalaallit Nunaata avataani sakkortuumik inatsimmik unioqutitsisimasutut pasineqartut suliami sulianiluunniit arlalinni pisariaqarnera malillugu pingaarutilimmik kinaassutsimik uppersaammik aamma pinerluttulerinermi inatsit malillugu unnerluussisussaataitasoq paasissutissanik aamma ingerlatitseqqissinnaavoq.

Imm.3. Oqartussat Imm.1-imi taaneqartut alaallit Nunaanni imaluunniit Kalaallit Nunaata avataani pingaartuumik annertuumik inatsisinik unioqutitsisoqartillugu pinerlineqarsimasup imaluunniit ilisimannittup unnerluussisussaataitasumit kinaassusersinneqarnissaanut ingerlatitseqqinnissaq pingaaruteqartuusoq isumaqarfigineqarpat inatsit manna malillugu suliami sulianiluunniit arlalinni paasissutissat nunani allaneersoq akuersiteqqaarnagu unnerluussisussaataitasumit ilanngullugu qinnutigineqarsinnaavoq.

Kapitali 8

Piginnaatitsinermut maalaaruteqartarnermullu malittarisassat il.il..

§ 46. Inatsit una malillugu Udlændingestyrelsimi aalajangiinerit, ilaatitsinnginnerit § 9, imm. 5, §§ 46 a-49, § 50, § 50 a aamma § 51, imm. 2-mi oqaaseqatigiit aappaat takuneqarsinnaasut minillugit.

Imm.2. Qinnuteqartoq 18-t inorlugit ukioqarpat, qinnuteqartorlu angajoqqaatut oqartussaaffimmik pigisaqartuni aalajangersimasumik najugaqarnissaa siunertarineqarsimappat Udlændingestyrelsip aalajangigai § 33, § 42 a, Imm.1, Oqaaseqatigiit siulliit, aamma § 53 a aalajangiinerit taaneqartut pinnagit, Indenrigsministerimut naammagittaalliutigineqarsinnaapput.

Imm.3. Kalaallit Nunaanni Naalakkersuisunik isumaqatigiinniareernerup kingorna suliami ilaasut Imm. 1-p aamma 2-p Udlændingestyrelsimit suliarineqartut malittarisassanik sukumiinerusut pillugit Indenrigsministeri aalajangersaasinnaavoq.

Imm.4. Suliani, inatsit manna malillugu Udlændingestyrelsip aalajangiinermini, suliamut pineqartumut tunngatillugu Kalaallit Nunaanni Naalakkersuisut oqaaseqaataannik Udlændingestyrelsi pissarsiniarsinnaavoq. Tamanna pillugu malittarisassanik sukumiinerusunik Kalaallit Nunaanni Naalakkersuisunik isumaqatigiinniareernerup kingorna Indenrigsministeri aalajangersaasinnaavoq.

§ 46 a. Suliani, § 9, Imm. 2, nr. 2 malillugu indenrigsministerip aalajangiivigisaani, suliamut pineqartumut tunngatillugu Kalaallit Nunaanni Naalakkersuisunut oqaaseqaammik Indenrigsministeri pissarsiniassaaq. § 46, Imm.4, oqaaseqatigiit aappaanni atuuffigisaanut assingusoq takuneqarsinnaavoq.

§ 46 b. § 7, Imm.4, malillugu qinnuteqartoq Kalaallit Nunaannut attuumassuseqqarnera

pillugu qinnuteqaat paasissutissamik imaqarpat aatsaat suliarineqarsinnaavoq.

Imm.2. Qinnuteqaat Imm.1-imi aalajangersakkaminik naammassinnissimanersoq Danskitt nunani allani aallartitaqarfii sinniisoqarfiisaluunniit nakkutigisussaavaat, taamaattoqarsimanngippallu qinnuteqaat itigartissinnaallugu. Itigartitsinissamik aalajangerneq allani oqartussat allaffeqarfiinut ingerlateqqinneqarsinnaanngilaq.

§§ 46 c-46 d. (Kalaallit Nunaannut atortuulersinneqassanngilaq)

§ 47. Inunnut pisortatigoortumik pisinnaatitaaffillit ilaquataasalu najugaqarsinnaanermut akuersissummik pissarsisinnaasut udenrigsministereqarfimmit nalunaarutigineqartarput.

Imm.2. Indenrigsministerimik aamma Udenrigsministerimik isumaqatigiissuteqarnikkut kiisalu Kalaallit Nunaata Naalakkersuisuinik isumaqatiginninniareernerup kingorna nunani allani danskitt nunani allani aallartitaqarfii sinniisoqarfiilu Kalaallit Nunaannut visumimik aamma Kalaallit Nunaanni najugaqarnissamut akuersissummik tunniussinissaminut piginnaatinneqassapput.

§ 47 a. Indenrigsministeri Kalaallit Nunaanni Naalakkersuisuinik isumaqatiginninniareernerata kingorna Kalaallit Nunaannut iserniarluni visumimik tunniussisinnaaneq pillugu malittarisassat erseqqissunik Nunanit Allanit Nunasiniartunut Aqutsisoqarfik aamma politiit tunniussisinnaapput aammalu nunani allaneersup unioqqutitsilluni Kalaallit Nunaanniittup uterluni angalanissaanut tunniussisinnaallutik.

§ 47 b. § 9 malillugu najugaqarsinnaanermut akuersissummik qinnuteqaat itigartinneqarsinnaavoq, qinnuteqartoq inuttut assiminik tunniussiumanngippat, tak. § 40 f. tamanna atunngilaq qinnuteqartoq 18-t inorlugit ukioqarsimappat aammalu qinnuteqartoq angajoqqaatut oqartussaassusilinni najugaqarnissaa siunertaasimappat. 1.-mi aamma oqaaseqaatit aappaanni § 9 Imm. malillugu nalunaarutigineqartoq najugaqarsinnaanermut akuersissutip sivitsorneqarnissaa pillugu qinnuteqaammi atorneqartartumi takuneqarsinnaavoq. § 9 malillugu najugaqarsinnaanermut akuersissummik qinnuteqaat itigartinneqarsinnaavoq, qinnuteqartoq qinnuteqarnerminik tunniussinerminut atatillugu inussami ipaasaannik tunniussiumanngippat, tak. § 40 f. Taamaattoq tamanna atuutinngilaq, qinnuteqartoq timimigut ajoqusersimanini pissutigalugu pisinnaanngippat, qinnuteqartoq arfinillit ataallugit ukioqarsimappat, imaluunniit qinnuteqartoq 18-t inorlugit ukioqarpat aammalu angajoqqaatut oqartussaassusilinni aalajangersimasumik najugaqarnissaa siunertaasimappat. qinnuteqartoq najugaqarnissamut akuersissutaata sivitsorneqarnissaa pillugu qinnuteqaat § 9-mi nalunaarutigineqartumi takuneqarsinnaasoq malillugu 1. aamma oqaaseqaatit aappaanni assingusumi takuneqarsinnaavoq.

§ 48. Kalaallit Nunaannut isernissamut itigartitsineq pillugu aalajangiineq, tak. §§ 28, Imm. 1-4, aamma § 42 a, Imm. 6 malillugu aalajangiineri, Kalaallit Nunaanni politimesteri aalajangiisinnaavoq. § 30 malillugu aalajangiinerit, § 33, Imm.8, § 34, § 36, § 40, Imm.6 aamma 7, §§ 40 a aamma 40 b aamma § 43, Imm.2 og 3, Rigspolitichefimit imaluunniit Kalaallit Nunaanni politimesterimit aalajangerneqarsinnaapput. 1.-imi aamma oqaaseqaatit aappaanni aalajangiinerit taaneqartut Indenrigsministerimut naammagittaalliutigineqarsinnaapput. Naammagittaalliutigineqartoq kinguartitsinermik kinguneqanngilaq. Taamaattoq § 36 malillugu iliuusissanik aallartitsinissamut politiit aalajangiinerat pillugu Indenrigsministerimut naammagittaalliutigineqarsinnaavoq, § 37 malillugu aalajangiineq eqqartuussivinnut anngunneqarsinnaanngippat. § 33 malillugu, aamma Imm 8 § 42 a, Imm 6 malillugu malillugu aalajangiinerit Kalaallit Nunaanni politimesterimit aalajangiiffigineqartut Indenrigsministerimut ingerlateqqinneqarsinnaanngillat.

§ 48 a. Nunani allaneersaq § 7-imut ilaanerarluni oqarpat, Kapitali 5-imi malittarisassat naapertorlugit Kalaallit Nunaanniit itigartinneqarnera pillugu, imaluunniit § 25 b malillugu Kalaallit Nunaanniit anisitaanissaanik sapinngisamik piaartumik Udlændingestyrelsi aalajangiissaaq, taamaattoqassappallu aallartillugu.

Imm.2. Kalaallit Nunaanni najugaqalernissamut akuersisummik qinnuteqarnek Imm.1 malillugu aalajangiisoqartinnagu § 7 malillugu, suliarineqarsinnaangilaq, nunanilu allaneersaq Kalaallit Nunaanniit aallareersimappat. Taamaattoq qimaasut pillugit isumaqatigiissut 28. juli 1951-meersmi artikel 1 A-mi taaneqartoq malillugu nunani allaneersaq nunanut malersugaaffigisinnaasaanut imaluunniit nunanut taama inissimasunut ingerlatitseqqinnermi illersorneqarfigisinnaangisaannut.

Imm.3. (Kalaallit Nunaannut atortuulersinneqassanngilaq)

Imm.4. Kalaallit Nunaanniit itigartitsisoqartillugu imaluunniit anisitsiniartoqartillugu aamma Kalaallit Nunaanniit aallartitsiniartoqartillugu, Kalaallit Røde Korsianut attaveqarsinnaanerani qimaasut qinnuteqartoq politiinit ilisimatinneqassaaq. Indenrigsministeri Kalaallit Nunaanni Naalakkersuisunik isumaqatiginninniareeruni malittarisassiussaaq, taamaalilluni Udlændingestyrelsi aalajangiinnginnerani qimaasut isernissamut qinnuteqartoq Kalaallit Nunaanniittoq Kalaallit Røde Korsianut attaveqarnissaminut periarfissaqarnerani politiinit ilisimatinneqarsinnaaniassammat.

§§ 48 b-48 c. (Kalaallit Nunaannut atortuulersinneqassanngilaq)

§ 48 d. § 48 a malillugu Udlændingestyrelsip aalajangigaa indenrigsministerimut naammagittaalliutigineqarsinnaavoq. Maalaarutigineqartoq maalaaruteqarnerup nalaani atuutsinneqassanngilaq.

§ 48 e. Nunani allaneersaq § 7-imut ilaanerarluni oqarpat, qimaasut isernissamut suliaq suliarineqarnerani Kalaallit Nunaanni Danmarkimiluunniit najugaqarallarsinnaasoq Udlændingestyrelsi aalajangiippat, pineqartoq qimaasut isernissamut qinnuteqartut Udlændingestyrelsip nalunaarsussavaa.

Imm.2. § 48 a, malillugu Nunanit Allaneersut Nunasiniartut Aqutsisoqarfia, nunani allaneersup kinaassusaa, nunami sumi inuiaassuseqarnerisooq aamma angalanermi aqut suna atorsimaneraa paasissutissanillu allanik pisariaqartinneqartunik pissarsiniarnissaq siunertaralugu politiit misissuissapput.

Imm.3. Suliamut tunngassuteqartut allat Nunanit Allaneersut Nunasiniartut Aqutsisoqarfiata aamma isumagissavai. Qinnuteqaatip immersorneqarnissaanut aalajangersagaq aamma nunani allaneersumik apersuineq Nunanit Allaneersut Nunasiniartut Aqutsisoqarfianit aalajangiivigineqassaaq.

§ 49. Nunani allaneersaq pinerluuteqarsimanini pissutigalugu pineqaatissinneqarsimappat, §§ 22-24 malillugu pineqartoq Kalaallit Nunaanniit anisitaanissaa unnerluussisussaataasup oqarnera malillugu pineqaatissiinnermi aalajangerneqassaaq. Anisitsisoqarnissaa aalajangiunneqarpat, pineqaatissiisummi iseqqusaannginnerup sivisussusaa pillugu allasimasooqassaaq, tak. § 32, Imm.1 aamma 2.

Imm.2. (Kalaallit Nunaannut atortuulersinneqassanngilaq)

Imm.3. Nunani allamioq Kalaallit Nunaanni eqqartuussisarnermi inatsimmi maleruagassanut nalinginnaasut tunngavigalugit illersuisoqanngippat, imm.1-mi taaneqartut suliarinerini qinnuteqarnikkut pineqartoq illersuisulernerneqarsinnaavoq.

§ 49 a. §§ 7 imaluunniit 8 malillugu nunani allaneersup Kalaallit Nunaanni najugaqarnissamut akuersissutaateqarsimasup anisinneqannginnerani,

pineqaatissinneqarnikkullu Kalaallit Nunaanniit anisinneqartoq tak. § 4, Imm.1, nunani allaneersaq anisitaassanersaq Nunanit Allaneersut Nunasiniartut Aqutsisoqarfia aalajangiissaaq, tak. § 31, nunani allaneersaq anisitaanissamut akuersinngippat. Nunani allaneersup anisinneqarsinnaannginnera pillugu aalajangiisoqarpat, tak. § 31, § 7 malillugu Kalaallit Nunaanni najugaqarsinnaanermut akuersissuteqarnermik nalunaarut imaluunniit akuersissuteqarnissamut itigartinneqarsimaneq pillugu aalajangiinermik aamma ilaqassaaq.

§ 50. § 49, imm. 1, malillugu Kalaallit Nunaannit anisitaaneq aallartinneqarsimanngippat, nunani allamiup, pissutsit nunani allamiup atugai annertuumik allannguuteqarneranik suaarutiginnittoq, tak. § 26, anisitsinissap atorunnaarsinneqarnissaa pillugu suliamik eqqartuussivimmut tunniussisinnaavoq, tak. taamaattoq Kalaallit Nunaanni eqqartuussisarneq pillugu inatsimmi kapitali 1, § 13, imm. 2. 2, aalajangernerit unnerluussisussaataasooq malillugu Kalaallit Nunaannut eqqartuussiviup siullermik suliarinnittarfittut aalajangerneqartut. Tamatumunnga qinnuteqaat siusinnerpaamik qaammatit arfinillit qaangiunneranni nassiunneqarsinnaavoq, kingusinnerpaamillu anisitaanissaq qaammatinik marlunnik sioqqullugu nassiunneqarsinnaalluni. Qinnutigineqartoq kingusinnerusukkut nassiunneqarpat, piffissarititaasup qaangiussimanera utoqqatsissutaasinnaasooq isumaqarfigineqarpat, eqqartuussisooq aalajangersinnaavoq suliaasq suliariumallugu.

Imm.2. Kalaallit Nunaanni eqqartuussisarnermi inatsimmi Kapitali 5, §§ 1-4-mi atuuffianut assingusoq takuneqarsinnaavoq. Nunani allamiumut tunngatillugu pissutsit malunnaatilimmik allannguuteqarsimagunanngippata, qinnuteqaat eqqartuussisumit itigartinneqarsinnaavoq. Qinnuteqaat itigartinneqanngippat, qinnuteqarnikkut nuna allamiup illersuisoqarnissaa qinnutigineqassaaq. Suliap suliarineqarnerani nunani allamiup najuunnissaa eqqartuussisumit pisariaqartutut isumaqarfigineqarpat, anisitsinissap tungaanut nunani allameersup nammineersinnaajunnaarsinneqarnissaa aalajangerneqarsinnaavoq. § 34, § 37, Imm.3 og 6, § 37 a, § 37 b, § 37 d, Imm.1, 3. aamma oqaaseqatigiit sisamaanni, aamma § 37 e, Imm.2, atuuffii assingusut takuneqarsinnaapput.

Imm.3. Eqqartuussisup aalajangiinera, aalajangiinikkut Nunatta eqqartuussivianut ingerlateqqinneqarsinnaavoq, taamaattoq tak. Kalaallit Nunaanni eqqartuussisarnermi inatsimmi Kapitali 1, § 13, Imm 2.2, aamma siullertut Kalaallit Nunaata eqqartuussivianut suliassanngortinneqarsinnaavoq.

§ 50 a. Kalaallit Nunaannit anisitsineq eqqartuussinikkut pisimappat, taamaalilluni nunani allamioq Kalaallit Nunaanni pinerluttaalisitsisarneq pillug inatsimmi § 102, imm. 2 imaluunniit 3 malillugu, piffissamik aalajangerneqanngitsumi pineqaatissinneqarsimasunut inissiisarfimmiittussanngorlugu eqqartuunneqarpat, imaluunniit § 113 imm. 1, malillugu pineqaatissinneqarsimasunut inissiisarfimmiittussanngortinneqarpat, eqqartuussivik Kalaallit Nunaanni pinerluttaalisitsisarneq pillugu inatsimmi § 108, imm. 1, imaluunniit § 113, imm. 3 malillugu, eqqartuussivik tassunga atatillugu pineqaatissiisummik allannguisumik iperarneqarnermik imaluunniit napparsimavimmit angerlartinneqarnermik aalajangiissaaq, peqatigisaanik nunani allamiup peqqissusaata anisitaanissaa pisinnaatinngippagu, anisitaanerup atorunnaarsinneranik, taamaattoq tak. Kalaallit Nunaanni Eqqartuussisarneq pillugu inatsimmi kapitali 1, § 13, imm. 2, Kalaallit Nunaanni Eqqartuussivimmi eqqartuussivittut siullertut aalajangersakkat.

Imm.2. Nunani allamioq Kalaallit Nunaanni Pinerluttaalisitsisarnermut inatsimmi § 113, imm. 1, malillugu imm. 1-mi taaneqartut avataanni kiffaanngissusiigaanermik malitseqartumik pineqaatissinneqartumut, unnerluussisussaataasup anisitaanissamik atorunnaarsitsinissamik apeqqummut tunngatillugu suliaq eqqartuussivimmut

suliassanngortissavaa, taamaattoq tak. Kalaallit Nunaanni eqqartuussisarneq pillugu inatsimmi kapitali 1, § 13, imm. 2, aalajangikkat Kalaallit Nunaanni Eqqartuussivimmi eqqartuussivittut siullertut aalajangersakkat. Anisitsinissamut nunani allamiup peqqissusaa pingaarutilimmik pissutissaqartitsinngippat, eqqartuussiviup anisitsinissaq atorunnaarsissavaa. Eqqartuussivik nunani allamiumut illersuisumik toqqaassaaq. Eqqartuussiviup aalajangernera Kalaallit Nunaanni Eqqartuussivimmut ingerlateqqinneqarsinnaasutut aalajangerneqassaaq, taamaattoq tak. Kalaallit Nunaanni Eqqartuussisarneq pillugu inatsimmi kapitali 1, § 13, imm. 2 aamma kapitali 6, § 22, tak. § 12, aalajangikkat Kalaallit Nunaanni Eqqartuussivimmi eqqartuussivittut siullertut aalajangersakkat. Eqqartuussisup aalajangersimasunik patsisissaqartumik nunani allamiup najuunnissaata qulakkeernissaanut pisariaqartoq isigippagu, nunani allamiup tigummigallarneqarnissaa aalajangersinnaavaa, taamaattoq tak. Kalaallit Nunaanni Eqqartuussisarnermi inatsimmi kapitali 1, § 13, imm. 2, aalajangikkat Kalaallit Nunaanni Eqqartuussivimmi eqqartuussivittut siullertut aalajangerneqartut.

§ 51. Nunani allamiumut Kalaallit Nunaanni aalajangersimasumik najugaqanngitsumut pinerluttulerinermi suliassap malersorneqarnera Savalimmiunut, Danmarkimut imaluunniit nunanut allanut nuunneqarpat, nuussinermut atatillugu pineqartup malersorneqarnera inatsisinik § 49 imm. 1-mi aalajangersakkani taaneqartuni anisitsinermik kinguneqarsinnaasunut atuuppat, pineqartup Kalaallit Nunaannit anisinneqarneranik aalajangiisoqarsinnaavoq. Nunani allamioq inatsisinik unioqqutitsinernut unnerluunneqarfigisaminut pinngitsuutinneqarpat, anisitsineq atorunnaassaaq.

Imm.2. Nunani allamioq Kalaallit Nunaata avataani inatsisinik unioqqutitsinermik Kalaallit Nunaannut attuumassuteqarsimasumik imaluunniit sunniuteqartutut isigineqartumik pineqaatissinneqarluni eqqartuunneqarpat, §§ 22-25 b-mi piumasaqaatit taaneqartuni anisitsinermik aalajangertoqarsinnaavoq. Nunani allamioq aalajangersimasumik Kalaallit Nunaanni najugaqarpat, apeqqu eqqartuussiveqarfimmi pineqartup najugaqarfigisaani eqqartuussisumut aalajangigassanngorlugu suliassanngortinneqassaaq, taamaattoq tak. Kalaallit Nunaanni Eqqartuussisarnermi inatsimmi kapitali 1, § 13, imm. 2, aalajangikkat Kalaallit Nunaanni Eqqartuussivimmi eqqartuussivittut siullertut aalajangerneqartut. Suliaq nunani allamioq peqataatinagu suliarineqarsinnaavoq. Eqqartuussisup inerniliinera aalajangernikkut pissaq.

§ 52. § 46 malillugu inaarutaasumik allaffissornikkut aalajangikkat, aalajangernerup nunani allamiumut nalunaarutigineqarneranit ullut 14-t qaangiutsinnagit, tassannga eqqartuussiveqarfimmi nunani allamiup najugaqarfigisaani eqqartuussisumut misilinneqartussanngortinneqarsinnaavoq, taamaattoq tak. Kalaallit Nunaanni Eqqartuussisarnermi inatsimmi kapitali 1, § 13, imm. 2, aalajangikkat Kalaallit Nunaanni Eqqartuussivimmi eqqartuussivittut siullertut aalajangerneqartut, imaluunniit nunani allamioq Kalaallit Nunaata ilaani sumiluunniit najugaqanngippat, Kalaallit Nunaanni Eqqartuussivimmut, taassumalu aalajangigassaraa:

- 1) Kalaallit Nunaanni ataavartumik najugaqarsinnaanissaq siunertaralugu § 9, imm. 3, nr. imaluunniit 4 malillugu najugaqarsinnaanermut akuersissummik itigartitsineq,
- 2) Akuersissummik taamaattumik atorunnaarsitsineq, arsaarinninneq sivitsorneqarnissaanilluunniit itigartitsineq imaluunniit
- 3) (Kalaallit Nunaannut atortussanngortinneqanngilaq)
- 4) § 25 a malillugu nunani allamiumik, Finlandimi, Islandimi, Norgimi imaluunniit Sverigemi naalagaaffittut innuttaassuseqartumik Kalaallillu NUnaanni aalajangersimasumik najugaqartumik Kalaallit Nunaanit anisitsineq.

b) (Kalaallit Nunaannut atortuulersinneqanngilaq)

Imm.2. Suliaq Udlændingestyrelsen, suliaq pappiarartaanik aalajangerneq maalaarutigineqartumut paasissutissanik imaqartoq, pisut pillugit piumasarineqartumut naatsumik nassuiaammik, kiisalu suliami uppersaatsissaasinnaasunik paasissutissanik imalik, eqqartuussivimmut suliaassanngortissavaa.

Imm.3. Eqqartuussivik suliaq paasitinneqarnissaa isumagissavaa, nammineerlunilu nunani allamiumik uppersaasussanillu apersuinissamut, uppersaatsissat allat pissarsiarinissaannut aamma, suliaq oqaasiinnartigut suliarineqarnissaanik tunngasunik aalajangiissaaq. Nunani allamioq inatsisit malillugit pisinnaanani nalunaaruteqarnani takkutinnitsoorpat, suliaq nunani allamioq peqataatinnagu aalajangerneqarsinnaanera, imaluunniit suliaq itigartinneqarnissaa imaluunniit kinguartinneqarnissaa eqqartuussiviup aalajangissavaa.

Imm.4. Eqqartuussiviup pisariaqartutut isigippagu, nunani allamiumut illersuisuliisoqassaaq, tamatumani pineqartup nammineerluni illersuisoqarenera pisimatinnagu.

Imm.5. Eqqartuussiviup immikkut pissutissaqartoqartillugu, nunani allamioq tamakkiisumik ilaannakortumilluunniit suliami aningaasartuutunik akiliisussanngortissinnaavaa.

Imm.6. Suliaq eqqartuussivimmut suliaassanngortinneqarnera, eqqartuussivik aalajangiitinnagu, suliami aalajangerneqareertunik atuukkunnaarsitsissanngilaq.

Imm.7. Eqqartuussiviup suliaq itigartitsissutigineqarnissaa, imaluunniit aalajangiineq attatiinnarneqassanersoq imaluunniit atorunnaarsinneqassanersoq aalajangissavaa. Aalajangerneq Kalaallit Nunaanni Eqqartuussivimmut suliaassanngortinneqarsinnaavoq, taamaattoq tak. Kalaallit Nunaanni Eqqartuussisarneq pillugu inatsimmi kapitali 1, § 13, imm. 2, aamma kapitali 6, § 22, tak. § 12, aalajangikkat Kalaallit Nunaanni Eqqartuussivimmi eqqartuussivik siullertut aalajangerneqartut.

§ 53. Flygtningenævni siulittaasumik aamma siulittaasup tullinik indenrigsministerimit amerlassusilikkamik aamma ilaasortanik allanik inuttaqarpoq.

Imm.2. Nævnip § 53 a, imm. 1-mut ilaatinneqartunik suliarinninnerani, siulittaasup saniatigut imaluunniit siulittaasup tulliaa sisamat ilaannit ataatsip saniatigut, taakkunaannga ataatsip Kalaallit Nunaanni naalakkersuisut innersuussineratigut ilanngunneqartoq, ilaasortaq ataaseq Dansk Flygtningehjælp innersuussineratigut ilanngunneqartoq, ilaasortaq ataaseq Advokatrådp innersuussineratigut ilanngunneqartoq kiisalu ilaasortaq ataaseq udenrigsministerip innersuussineratigut ilanngunneqartoq, peqataasassapput.

Imm.3. Suliani § 53 a, imm. 1-mut ilaatinneqartuni nævnip sulineranut il.il. malitassianik oqaluuserinninneq, nævnip ataqatigiissaarinnermut ataatsimiititaliaani pisassaaq, taanna imm. 2-mi taaneqartut malillugit katiterneqassaaq, ajornanngippallu aalajangersimasunik ilaasortaqassalluni.

Imm.4. Suliat Udlændingestyrelsen § 7, imm. 4-mi toqqammavittut taanneqartut nammassinneqannginnerani Kalaallit Nunaanni qimaasutut isigineqarnissamik itigartitsissutigisimasai, siulittaasumit imaluunniit siulittaasup tullianit ataatsimit kisimiilluni suliarineqarsinnaapput.

Imm.5. Suliat Kalaallit Nunaanni qimaasutut isigineqarnissamik pissarsisinnanermi tunngavissat naammassineqarsimasutut isikkoqarfii, siulittaasumit imaluunniit siulittaasup tullianit ataatsimit kisimiilluni suliarineqarsinnaapput.

Imm.6. Suliat § 53 a, imm. 1, malillugu Flygtningenævni aalajangigaanik suliaassanngortitseqqinnissanik qinnuteqarfiusut, siulittaasumit imaluunniit siulittaasup

tullianit ataatsimit kisimiilluni suliarineqarsinnaapput, nævnip aalajangernermik allannguissaanut tunngavissaqarsorinartinnagu.

Imm.7. Siulittaasoq siulittaasullu tullii eqqartuusisuusassapput. Ilaasortat indenrigsministerimit piffissami sivisunerpaamik ukiuni sisamani ilaasortassatut toqqarneqartassapput. toqqagaaqqittoqarsinnaavoq.

Imm.8. Ilaasortaq peqataasinnaanani nalunaarsimatillugu, pisuni immikkut ittuni ilaasortaq alla toqqarneqarluniluunniit ilaasortanngortinneqassaaq. Imm 2 aamma 3 assinganik aamma atuupput.

§ 53 a. Suliati Udlændingestyrelsen apeqqutinut tulluuttunut aalajangiivigisimasai, Flygtningenævnet maalaarutigineqarsinnaapput, taamaattoq tak. imm. 3:

- 1) Nunani allamiumut §§ 7 imaluunniit 8-mut ilaatinneqartutut imminut suaarutigisumut Kalaallit Nunaanni najugaqarsinnaanermik itigartitsinerit.
- 2) §§ 17 aamma 17 a malillugu atorunnaarsitsinerit aamma §§ 19 imaluunniit 20 malillugu §§ 7 imaluunniit 8 malillugu Kalaallit Nunaanni najugaqarsinnaanermik akuersisummik atorunnaarsitsinerit.
- 3) Qallunaat angalanermi uppersaataannik qimaasunut tunniussinissamik itigartitsineq imaluunniit angalanermut uppersaammik taamaattumik arsaarinninnerit.
- 4) Nunani allamiumik § 49 a Kalaallit Nunaanni najugaqarnissamik akuersissuteqartumik aallartitsineq.

Imm.2. Udlændingestyrelsen nunani allamiumut, Kalaallit Nunaani imaluunniit Danmarkimi najugaqartumut, tak. § 42 a, imm. 1, § 7 malillugu Kalaallit Nunaanni najugaqarnissamut akuersisummik tunniussinissamik itigartitsippat, imaluunniit Udlændingestyrelsen § 49 a malillugu aallartitsinerup § 31-mik akerliunnginneranik aalajangerpat, aalajangerneq Flygtningenævnet maalaarutigineqarsimasutut isigineqassaaq. Imm. 1-mi aalajangernermik taaneqartumik maalaarutiginninneq aalajangiinermik atuutsitsiinnassaaq.

Imm.3. Suliati Dansk Flygtningehjælpmiet saqqummiunneqareernerata kingorna, suliati § 53 a, imm. 1-mut ilaatinneqartumi aalajangernerup, tassani § 7, imm. 4 malillugu Kalaallit Nunaanni najugaqarsinnaanermut akuersisummut suliaq ilanngullugu, qinnuteqaatip ersarissumik tunngavissaqanngitsutut isigineqarnerani, Flygtningenævnet suliassanngortinneqannginnissaa Udlændingestyrelsen aalajangersinnaavaa.

Imm.4. Udlændingestyrelsen aalajangigai imm. 1-mi taaneqartut imm. 1-3-mi malittarisassat pillugit paasissutissanik imaqassapput.

Imm.5. Politii nunani allamioq akuersiteqqaarnagu paasissutissanik nunani allamiup pinerlunneranut tunngasunik Udlændingestyrelsimut imaluunniit Flygtningenævnet ingerlatitseqqisinnaapput, tassani pinerluutinin unnerluutiginninnerit ilanngullugit, pineqartoq §§ 7-8 malillugu najugaqarsinnaanermik qinnuteqarsimappat imaluunniit § 42 a, imm. 2, oqaaseqatigiit aappaannut ilaatinneqartat, tak. imm. 3.

§ 53 b. Udlændingestyrelsen aalajangernut § 53 a, imm. 1-mut ilaatinneqartunik, Udlændingestyrelsen § 53 a, imm. 3 malillugu aalajangiisimanera pissutigalugu nævnimut suliassanngortinneqarsinnaanngitsunik Flygtningenævni ilisimatissavaa. Suliati eqimattat aalajangersimasut nævnimut suliassanngortinneqartarnissaat, Flygtningenævni aalajangersinnaavaa.

§ 54. Aalajangerneq § 53 a, imm. 1-mut ilaatinneqartoq Flygtningenævnet suliassanngortinneqartat, Udlændingestyrelsen suliati pappiaqqat aalajangernermik maalaarutigineqartumut paasissutissanik imallit, pisut suaarutigineqartut pillugit nassuiaat naatsoq, kiisalu suliati uppersaatit nassiutissavai. Nævnip suliati paasissutissat

nammineq isumagissavai, nunamilu allamiumik uppersarsaasunillu apersuinissaq aamma uppersarsaatissanik allanik pissarsinissaq pillugu aalajangiissalluni.

Imm.2. Udlændingestyrelsen suliami § 7 malillugu Kalaallit Nunaanni najugaqarnissamik qinnuteqaat pillugu aalajangiigaanuk maalaarummik nævnip suliaqarnerani, Flygtningenævnet siulittaasuata imaluunniit siulittaasup tuliiisa sisamat ilaata ataatsip, pappiaqqanik uppersarsaatissanillu allanik, Udlændingestyrelsen suliamik suliarinninnerata nalaani saqqummiunneqarsimasinnaagaluartunik, saqqummiussisoqannginnissaa aalajangersinnaavaa. Nævnip § 53 a, imm. 1 malillugu aalajangiinermik suliamik suliarinneqqinnissamik qinnuteqaammik suliaqarnerani, Flygtningenævnet siulittaasuata imaluunniit siulittaasup tuliiisa sisamat ilaata ataatsip, pappiaqqanik uppersarsaatissanillu allanik, imm. 1-mi ilaatinneqartunik imaluunniit nævnip siusinnerusukkut suliamik suliarinninnerani saqqummiunneqarsinnaagaluartunik, saqqummiussisoqannginnissaa aalajangersinnaavaa.

§ 55. Flygtningenævnet pisariaqartitsisoqarnerani eqqartuussissuserisoq nunani allamiumut illersuisunngortissinnaavaa, tamatumani taassuma nammineq taamaattumik pissarsisimanera pisimanngippat.

Imm.2. Suliaq ingerlanneqarnissaa eqqarsaatigalugu, eqqartuussissuserisup nunani allamiup illersuisoriumasaata peqataanissaa illersorneqarsinnaanngitsutut isigineqarpat, Flygtningenævnet eqqartuussissuserisup nunani allamiumut illersuisuunissaa itigartitsissutigisinnaavaa. Nunani allamioq taarsiullugu eqqartuussissuserisumik allamik illersuisoqarumappat, oqaaseqatigiinni siullerni illersuisuliineq itigartineqassatinnagu, Flygtningenævnet pineqartoq illersuisunngortissavaa.

Imm.3. Nunani allamioq taassumalu eqqartuussissuserisua atortussanik nævnip suliarinninnerani ilaasunik ilisimasaqalernissamut taakkulu pillugit oqaaseqarnissamut periarfissaqassappat.

Imm.4. Nunani allamioq naalagaaffiup isumannaatsuunissaa imaluunniit taassuma naalagaaffinnut takornartanut attuumassuteqarnera imaluunniit inuk alla eqqarsaatigalugu, immikkut ittumik pisoqarnissaa pisariaqartinneqarpat, pisariaqartitsineq naapertorlugu imm. 3-mi aalajangersagaq sanioqqunneqarsinnaavoq.

§ 56. Flygtningenævnet siulittaasuata imaluunniit siulittaasumit pisinnaatinneqartup suliamik § 53 a, imm. 1-mi ilaatinneqartumik, § 53, imm. 2 imaluunniit 4-6 malillugit suliarineqartussamik innersuussisinnaavoq.

Imm.2. Nunani allamiup taassumaluunniit illersuisuata eqqartuussissuserisup piumasarippagu, nunani allamioq nævnimut suliamik oqaluinnarnikkut saqqummiinissamut pisinnaatitaaffeqarpoq, taamaattoq tak. imm. 3 aamma 4. Suliaq suliarineqarnerata sinnera oqaluinnarnikkut suliarineqarnissaa, nævnip aalajangigassaraa, taamaattoq tak. imm. 3 aamma 4.

Imm.3. Suliat § 53, imm. 4-6 malillugu suliarineqartut allagarsornermik toqqammaveqartumik suliarineqassappat.

Imm.4. Flygtningenævnet siulittaasuata imaluunniit siulittaasumit pisinnaatinneqartup suliamik § 53 a, imm. 1-mi ilaatinneqartumik, § 53, imm. 2 malillugu suliarineqartussamik allagarsornikkut suliarinninnissamik innersuussisinnaavoq, makku tunngavissaappata:

- 1) Maalaaruteqarnek tunngavissaqanngitsutut isigisariaqarpat,
- 2) § 7, imm. 2, malillugu Kalaallit Nunaanni najugaqarsinnaanermut akuersissuteqartoqarsimatillugu, nunamili allamiup § 7, imm. 1-mut ilaatinneqarnini suaarutigippagu (inissisimaffimmik allannguinnermik suliaq),

- 3) § 7, imm. 4 malillugu, § 7, imm. 1 imaluunniit 2-mi tunngavissat innersussutigalugit Kalaallit Nunaanni najugaqarnissamik akuersissummik nalunaaruteqarnermik suliaq tunngappat,
- 4) Suliaq qimaasunut danskit angalanermut pappiaraanik tunniussinissamut itigartitsinermut imaluunniit angalanermi pappiaqqamik taamaattumik arsaarinninnermut tunngappat,
- 5) Suliaq § 7 malillugu Kalaallit Nunaanni najugaqarsinnaanermut nalunaarummi nunani allamiup ilaqutaasa, siusinnerusukku § 7 malillugu Kalaallit Nunaanni najugaqarsinnaanermik nalunaarfigineqarsimasut isernissaannut tunngappat (inissisimaffimmik allannguinnermik suliaq), imaluunniit
- 6) Taamatut suliarinninnissamut pissutsit allat pissutissaqartitsippata.

Imm.5. Suliart imm. 4, nr. 1, malillugu allagassornikkut suliarineqartussaatur innersuunneqartut, oqaluinnarluni suliarineqartussanngorlugit innersuunneqarsinnaapput.

Imm.6. Nævnip aalajangerneri amerlanerussuteqarnikkut aalajangerneqartarput. Taasinerit amerlaqatigiinneranni inerneq maalaaruteqartumut pitsaanerpaq atuutsinneqassaaq. Aalajangerneq tunngavilersuutiniq malitseqartinneqassaaq.

Imm.7. Nævnip aalajangerneri inaarutaasumik aalajangiinerupput.

Imm.8. Indenrigsministerip nævnimik isumaqatiginninniareermermi Flygtningenævnip suleriaasianik aalajangersaasarpoq.

§ 57. Unnerluussisussaataasup nunani allamiup Kalaallit Nunaannit anisitaanissamik piumasaqarnera sioqqullugu, Udlændingestyrelsimut oqaaseqaammik pissarsiniartoqarsinnaavoq. § 50 malillugu Kalaallit Nunaannit anisitaanermik aalajangernermik suliaassanngortitseqqinnermut atatillugu, unnerluussisussaataasoq Udlændingestyrelsimut oqaaseqaammik pissarsiniassaaq.

Imm.2. Unnerluussisussaataasoq imm. 1-mi oqaaseqaatinik atugassatut, nunani allamiup akuersiteqqaarnagu nunani allamiup pinerluutai pillugit paasissutissanik Udlændingestyrelsimut ingerlatitseqqiisnaavoq, tassani pinerluutigineqartut pillugit unnerluunneqarnerit ilanngullugit.

§ 58. Illersuisunut eqqartuussissuserisunullu, § 37, imm. 2, § 40, imm. 3, oqaaseqatigiit pingajui, § 49, imm. 3, § 50, imm. 2, oqaaseqatigiit pingajui, § 50 a, imm. 2, oqaaseqatigiit pingajui, § 52, imm. 4, aamma § 55, imm. 1 malillugu illersuisunngortinneqartunut akissarsianut ajunngitsorsianullu, Kalaallit Nunaanni eqqartuussivimmi suliaassanik suliarinninnermut atatillugu aningaasartuuteqarneq pillugu nalunaarummi aamma danskit eqqartuussisarneq pillugu inatsisaanni kapitali 31-mi malittarisassat atuuttut assinganik atuupput.

§ 58 a. Folketingip Ombudsmandia ingerlatsivianut Flygtningenævni ilanngilaq, taamaattoq tak. Folketingip Ombudsmandia pillugu inatsimmi § 17.

Kapitali 8 a

Schengenimi isumaqatigiissut il.il. malillugu paasissutissanik ingerlatitseqqiisarneq

§ 58 b. (Kalaallit Nunaannut atortuulersinneqassanngilaq)

Imm.2. Paasissutissat isertuussassat, tassani inunnut ataasiakkaanut pissutsit tunngasut, Schengenimi isumaqatigiissutip malitsigisaanik nunami allami Schengenimut isumaqatigiissummut ilaasumi oqartussanut ingerlateqqinneqarsinnaapput.

§ 58 c. (Kalaallit Nunaannut atortuulersinneqassanngilaq)

§ 58 d. Indenrigsministerip Schengenimi isumaqatigiissutip atuutsinnissaanut malittarisassanik erseqqinnerusunik aalajangersaasinnaavoq.

§ 58 e. (Kalaallit Nunaannut atortuulersinneqassanngilaq)

§ 58 f. (Kalaallit Nunaannut atortuulersinneqassanngilaq)

§ 58 g. Rigspolitichefip nunani allamioq nunami Schengenimut ilaasumi imaluunniit De Europæiske Fællesskaberini naalagaaffimmi innuttaassuseqanngitsut, Schengenimi paasissutissiinermut atortorissaarummi kissaatigineqanngitsutut nalunaarsorsimasumik, peqartoq §§ 22, 23, 24, nr. 1, imaluunniit 25, oqaaseqatigiit siulliit malillugit Kalaallit Nunaannit anisitaasimappat, taamatut aamma nunani allamiumut § 24, nr. 2, malillugu Kalaallit Nunaannit anisitaasimasumut atuupput, pineqartoq minnerpaamik ukiumi ataatsimi pinerluuteqarsimasunut inissiisarfimmiittussanngorlugu eqqartuunneqarsimappat, imaluunniit Kalaallit Nunaanni pinerluttaalisitsinermut inatsimmi § 113 naapertorlugu kiffaanngissusiiagaanermik kiffaanngissusiiagaanissamilluunniit malitseqartumik pinerluuteqarsimasunut inissiisarfimmut taama sivistigisumik inissinneqarnissamik kinguneqarsinnaasumik pineqaatissinneqarsimappat.

§ 58 h. Udlændingestyrelsip Kalaallit Nunaanni naalakkersuisunik isumaqatiginninniarnep kingorna Schengenimi isumaqatigiissummi artikel 25 malillugu ilaasumi nunami Schengenimi oqartussanik allanik isumaqatiginninniarnernik ingerlatsisarpoq.

Imm.2. Imm. 1-mi siunersuinerup kingorna Udlændingestyrelsip § 58 g malillugu nunani allamioq Schengeninformationssystemimi kissaatigineqanngitsutut inissisimanera atorunnaarsittariaqartoq paasippagu, Rigspolitichefip pineqartoq Schengeninformationssystememit piissavaa.

Kapitali 9

Pineqaatissiissutit

§ 59. Nunami allamioq:

- 1) Kalaallit Nunaanni imaluunniit Savalimmiuni, Danmarkimi imaluunniit nunani avannarlerni nunami allami imaluunniit killeqarfiup ikaarsaarfiusup ammasarfiata avataani pasinik nakkutilliivik avaqqullugu angalalluni nunamut iserpat imaluunniit anippat, Kalaallit Nunaannut pinerluttulerinermut inatsit malillugu pineqartoq pillaatissiissutinik pineqaatissinneqarsinnaavoq. Oqaaseqatigiinni siullerni aalajangersagaq, § 38, imm. 2 malillugu Schengenimi killeqarfinnik inatsiseqatigiinnermi artikeli 25 malillugu, killeqarfimmi taamaattumi qaqutigoorluinnartumik nakkutilliisoqanngippat, Schengenimi nunamut angalalluni isernermi imaluunniit aninermi atuutinngilaq. Pillaatissiisummik pineqaatissiinermi, unioqqutitseqqittarneruppat pissutsinik sukannernerulersaatitut isigineqassaaq.
- 2) Piaaraluni paasissutissanik eqqunngitsunik imaluunniit peqquserlulluni nipangiussinikkut imaluunniit visumimik, pasimik imaluunniit angalanermi kinaassutsimut uppenarsaammik imaluunniit Kalaallit Nunaanni najugaqarallarnissamut imaluunniit sulisinnaanissamut, pasinik nakkutilliivikkut naalagaaffimmut isissutissarsigaanni, Kalaallit Nunaannut pinerluttulerinermut inatsit malillugu pineqartoq pillaatissiissutinik pineqaatissinneqarsinnaavoq. Pillaatissiisummik pineqaatissiinermi, unioqqutitseqqittarneruppat pissutsinik sukannernerulersaatitut isigineqassaaq.

Imm.2. Nunami allamioq akuersisummik pisariaqartumik peqarani Kalaallit Nunaanniittoq,

Kalaallit Nunaanni pinerluttulerinermut inatsit malillugu pillaatissiinermik pineqaatissinneqarsinnaavoq.

Pillaatissiinermik pineqaatissiinermi unioqqutitseqqittarneruppat pissutsinik sukannernerulersaatitut isigineqassaaq.

Imm.3. Nunami allamioq akuersissummik pisariaqartumik peqarani Kalaallit Nunaanni sulisoq, Kalaallit Nunaanni pinerluttulerinermut inatsit malillugu pillaatissiinermik pineqaatissinneqarsinnaavoq.

Imm.4. Imm. 3 malillugu pillaatissiinermik pineqaatissiinermi, nunami allamiup Kalaallit Nunaanniissinnaatitaanani imaluunniit unioqqutitseqqittarnera pissutsinik sukannernerulersaatitut isigineqassaaq.

Imm.5. Taanna, pisariaqartunik sulinissamut akuersissutaateqanngitsumik imaluunniit sulisinnaatitaanermut akuersissummut piumasaqaatinut naapertuutinngitsunik nunami allamiumik sulisitaqartoq, Kalaallit Nunaanni pinerluttulerinermut inatsit malillugu pillaatissiissutinik pineqaatissinneqarsinnaavoq.

Imm.6. Imm. 5 malillugu pillaatissiinermik pineqaatissiinermi, unioqqutitsineq piaarineruppat imaluunniit sakkortuumik mianersuaalliornikkut unioqqutitsinermi, aningaasaqarnikkut imminut allanulluunniit iluaqusiineq angusarineqarluni imaluunniit siunertarineqarluni, imaluunniit nunami allamioq Kalaallit Nunaanniissinnaatitaasimanani, pissutsinik sukannernerulersaatitut isigineqassaaq. Inuussutissarsiornermik suliffeqarfimmik ingerlatsinermut atatillugu, pissutsini, oqaaseqatigiinni siullerni eqqaaneqartuni ataatsimi imaluunniit arlalinni unioqqutitsisoqarpat, pissutsinik immikkut sukannernerulersaatitut isigineqassaaq.

Imm.7. Imm. 5-imik unioqqutitsinermi, aningaasaqarnikkut iluaqutissarsisoqarpat, Kalaallit Nunaanni pinerluttulerinermut inatsimmi kapitali 37-mi malittarisassat malillugit tamanna arsaarinnissutigineqarsinnaavoq. Arsaarinnissuteqartoqarsinnaanngippat, pillaatissiinermik pineqaatissiinermi, aningaasaqarnikkut iluaqusiissutissatut angusarineqartup imaluunniit siunertarineqartup annertussusaa immikkut eqqarsaatigineqassaaq.

Imm.8. Inuk, Kalaallit Nunaanni pinerluttulerinermut inatsit malillugu pillaatissiinermik pineqaatissinneqarsinnaavoq

- 1) piaaraluni nunami allamiumik unioqqutitsisumik Kalaallit Nunaat aqqusaarluni imaluunniit tassunga isernissaanik ikiusoq,
- 2) piaaraluni nunami allamiumik unioqqutitsisumik Kalaallit Nunaanniinnissaanik ikiuisoq,
- 3) piaaraluni nunami allamiumik Kalaallit Nunaannut isernissaanik nunamullu allamut unioqqutitsisumik isernissaa siunertaralugu ikiusoq,
- 4) piaaraluni nunami allamiumik, nunamut allamut unioqqutitsisumik isernissaanik imaluunniit aqqusaarnissaanik ikiusoq,
- 5) nammineq iluaqutissarsiffigiumallugu nunami allamiinnissaanik nunami allamiumik ikiusoq, imaluunniit
- 6) Kalaallit Nunaanni sulisinnaanermik pisariaqartumik akuersissutaateqanngitsumik nunami allamiumik inisimaffissaqartitsinikkut angallatissaqartitsinikkullu pineqartumik ikiusoq,

Imm. 9. Imm. 8, nr. 2 aamma 6 malillugit pillaatissiissutinik pineqaatissiinermi, Kalaallit Nunaanni unioqqutitsisumik najugaqarallarnissamut imaluunniit sulinissamut ikiuineq imminut iluaqusiiniarnermik peqquteqarnera, imaluunniit unioqqutitseqqittarneruppat imaluunniit eqqartuussusiinermi ataatsimi pissutsini arlalinni piaaraluni ikiuisarneruppat, pissutsinut immikkut sukannernerulersaatitut isigineqassaaq.

§ 59 b. Nunami allamioq, naalagaaffimmut isernissamut inerteqquteqarfigisaalluni imaluunniit nunani allamiut pillugit inatsit siusinnerusoq malillugu palliguteqqusinnngissummik nalunaarfigineqartoq, Kalaallit Nunaannut isertoq, Kalaallit Nunaanni pinerluttulerinermut inatsit malillugu pillaatissiissutinik pineqaatissinneqassaaq, taamaattoq tak. imm. 2.

Imm.2. Nunami allamioq, naalagaaffimmut isernissamut inerteqquteqarfigisaalluni imaluunniit naalagaaffimmit anisitaanermik aamma minnerpaamik qaammatini pingasuni parnaarusnaanermut imaluunniit pinerluttulerinermik eqqartuussinermik malitsigititamut allamut atatillugu, taamatut sivilissusilimmik parnaarusnaanermik kinguneqartussaasumut unioqqutitsinermut, imaluunniit nammineersinnaajunnaarsitaanissamut periarfissiisumik nassataqartumut, palliguteqqusinnngissummik nalunaarfigineqartoq, Kalaallit Nunaannut isertoq, Kalaallit Nunaanni pinerluttulerinermut inatsit malillugu pillaatissiissutinik pineqaatissinneqassaaq.

§ 59 c. Inatsisit isaanni inuit, inuit timmisartumut ilaallutik nunanit Schengenimi isumaqatigiisummumt ilaannngitsuniit tikinnermi, Schengenimi killeqarfinnut inatsiseqaqatigiinneq malillugu naalagaaffimmut isernermi nakkutilliinermut pisariaqartumut misissuiffigineqaqqaaratik naalagaaffimmut isernerinut pissutaasut, Kalaallit Nunaanni pinerluttulerinermut inatsit malillugu akiliisitaanermik pineqaatissinneqassapput.

Imm. 2. Imm. 1 malillugu akiliisitsinermik pineqaatissiinermi, unioqqutitsinerup piaarineruppat imaluunniit unioqqutitseqqittarneruppat, pissutsinut sukannernerulersaatitut isigineqassaaq.

§ 60. § 16, imm. 2-mik unioqqutitsineq, § 34 malillugu imaluunniit § 42 a, imm. 6-mi peqqussutit, § 39, imm. 1 aamma 3, § 40, imm. 1, oqaaseqatigiit siulliit, aappaat sisamaallu, aamma imm. 2 aamma 3, imaluunniit inatsit malillugu akuersissummumt attuumasunik piumasagaatinik sanioqqutsineq, Kalaallit Nunaanni pinerluttulerinermut inatsit malillugu pineqatissinneqarnermik eqqartuunneqarnermik kinguneqarsinnaapput.

Imm.2. Malitassiani inatsit malillugu atulersinneqartuni, malitassiani aalajangersakkanik unioqqutitsineq Kalaallit Nunaanni pinerluttulerinermut inatsit malillugu akiligassinneqarluni eqqartuussaanermik kinguneqarsinnaanera aalajangersarneqarsinnaavoq. Malitassiani §§ 12, 15, imm. 2, § 16 aamma 38, imm. 4 aamma 9, malillugu atulersinneqartuni, malitassiani aalajangersakkanik unioqqutitsineq Kalaallit Nunaanni pinerluttulerinermut inatsit malillugu pineqaatissiisummik eqqartuunneqarnermik malitseqarsinnaasoq aalajangersarneqarsinnaavoq.

§ 61. Ingerlatseqatigiiffinnut (inatsisit isaanni inunnut) Kalaallit Nunaanni pinerluttulerinermut inatsimmi kapitali 5-imi malittarisassat malillugit pinerluuteqarnermi inatsisit malillugit pinerluttulerinikkut akisussaatitsisoqarsinnaavoq.

§ 62. (Kalaallit Nunaannut atortuulersinneqanngilaq)

Kapitali 10

Atuutilersitsinermi ikaarsaarnermilu aalajangersakkat

§ 63. Inatsit ulloq 25. marts 2001 Kalaallit Nunaannut atortussanngortinneqarpoq. Indenrigsministerilli inatsimmi aalajangersakkat ataasiakkaat killeqarfinnut iseraarissani aalajangersimasuni atuutsinneqannginnissaat aalajangersinnaavaa.

Imm.2. Nunani allamiut nunamut isersinnaanerit il.il. pillugu inatsit nr. 224, 7. juni 1952-meersoq atorunnaarsinneqarpoq.

Imm.3. § 10, imm.1, nr. 3, aamma § 19, Imm. 3, suliani tamani, Kalaallit Nunaanni najugaqarnissamut akuersissummut qinnuteqaatip inatsisip atuutilereernerani tunniunneqarfigisaani atuuppoq, tak. imm. 1.

Imm.4. Pinerluuteqarnermi pissutit tunngavigalugit anisitsisarnermik inatsisip malittarisassai suliani tamani, inatsisip atuutilerfiani eqqartuussivimmi siullermi eqqartuussissutaanngitsuni atuupput, tak. imm. 1.

§§ 64-66. (Kalaallit Nunaannut atortuulersinneqassanngilaq)

§ 67. Malitassiat danskit nunanut allamiunut inatsisaat malillugit atulersinneqartut, Kalaallit Nunaanni atuutinngillat.

Udlændinge- aamma Integrationsministeria, ulloq 14. februar 2025

Kaare Dybvad Bek

/ Caroline Elmberg